



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

rim, Lucinæ, sed priuatim eius tutelari  
Numini, ad sempiternitatem alendum  
fouendûmque traderem. Neque enim  
sum nescius, Principum virorum quod-  
dam quasi Numen id efficere, vt annos  
& ætatem cælesti quodam afflatu ijs et-  
iam tribuant, quæ caduca & immatura  
videbantur. Verûm hæc tu meliùs, iique  
iudicabunt, qui his in Carminibus, Mas-  
cardi potiùs canentis ingenium, quàm se-  
met, ac sua adeò seuerè damnantis iudi-  
cium probaturi sunt. Tu interim in alie-  
no opere meam in te obseruantiam  
ama, & felix viue.

FELICITATIS

ALVMNIS,

PHILOSOPHIÆ

CITHAROEDIS,

SVO MERITO BEATIS

ALIENOMENDICIS,

SALILLVM ET LARIDVM

AD ARIDVM PANEM

SILVESTER GRIMALDVS GENVENSIS

IPSAM POETARVM FELICITATEM.

**V**os ô facetiarum falinæ, sympo-  
siorum sales, Deipnosophistæ  
Regum, Agamemnonum Ne-  
storei Parasiti, Phœmij, Phœni-  
ces, Iopæ, quantum est vbique  
Mercurialium lepōrum ingeniosissimi, no-  
bilissimiq̃ nostræ memoriæ saluete Vates.  
Saluete plurimū, quibus olim benigno  
Gratiarum fidere nascentibus omnis sese læ-  
titia.

titiarum & lautitiarum superfudit amœnitas: omnis ad solatia mœrorum, ad oblectamenta Pacis, ad elegantiae gustum, à corpore perforatus ad animum sensus est. Vos integerrimi iudicii Poëtæ, Vos mihi præter ceteros mortales in rem meam, imò vestram, imò communem, ex infinità reliquorum hominum Litteratorum, Leguleiorum, Philosophorum, Rhetorum, Sophistarum, Historicorum, Tabellionum, Rabularum Academicorum, quamlibet lectissimâ multitudine, seuocaui: Vos; quos & eximios habui semper, & porro præcipuos in posterum habebo. Scio, vobis cedro digna loquentibus, insulsissimos quosdam vestræ familiæ parasitastros, ingratis Gratijs, & quartâ lunâ malè conciliatos Bauios, Mæuios, Marfos, Codros, Cherilos, Attalos, Suffenos, amicos esse non posse. Scio, mediocribus esse poëtis non Deos, non homines, non concedere columnas. Idcirco diligentissimè vos oratos peruelim, vt incolumi vestrâ gratiâ, me vobis bonæ speculæ tantillum in posterî memoriam temporis imponere sinatis. Si vestrum ingenium excultissimum colui semper: si genium



nium in amoribus habeo, quem profusè vobis dio nectare plurimo permulsi quædam velut affinis humanitas diuinitati: si vestros ludos suauissimosque mores præcipuè dilexi semper, eximieque suspexi. per ego vos ingenium geniumque vestrum obsecro, respicite boni, non malum hunc misellum amici mei pusiunculum, ipsius parentis vel incuriâ vel iniuriâ denatum, antequam natum: respicite paruulum innoxium, deteriore sorte, quàm Oedipum, aut Paridem, aut gemellos Amulij nepotes, abiectum: &, nisi per vestram humanitatem, vt lupa Romulis, sic illi vestra beneuolentia succurrat, à quo minimè decuit, periturum. Sinite vagientem infantulum furtim, & à me clàm ipso parente sublatum, parricidioque subductum, ad breuissimam vestræ cognitionis moram sic saltem viuere, nihil aliud, vt moreretur, meritum, nisi quia citò natus est. Sinite, cum immaturæ pueritiæ veniâ, seruulum sic malè multatum, & pannosum, & conscribillatum, tamquam è catastâ stigmaticum, inter vestros, non dico liberos, sed vernulas & mediaſtinos, in aliquantulâ vestræ gratiæ luce

ce versari. Maius hoc illi beneficio nihil poscimus, quia videlicet nihil vos erogare maius est vestrâ beneficentiâ potestis. Ne quæritote meritum in eo lucis & immortalitatis, in quo pater offensus miserum morti suo præiudicio prædamnat; in tenebris ipsum ultro latitantem, & conuiuentibus oculis ingentem vim vestri nominis minimè ferentem. Ceterum, nisi me fallit amicitiae sensus, spirat in isto puerulo suus quidam ingenij lepor, & indoles magnæ mentis, omnino non indigna, cui breuissimum vnius certè dieculæ beneficium ex immensâ vestri splendoris immortalitate condonare possitis. Dicam planius:

*Ad sacra vatium carmen affero nostrum,*

*Aliunde natum, beneuolentiâ nostrum:*

quod olim Augustini Mascardi, peradolescens adhuc, familiarissimi mei, vix tum è Grammaticis egressi, nulloque dum hausto gloriolæ sensu, præcox & intempestiuum præferuida vis ingenij profudit; mox adulti iudicij verecundia suppressit, rata ne utiquam se quidquam peperisse diuturnum, quod diu parturire non potuit. Hoc bene,

\*\* quod


quòd suppressit, non oppressit: & in eo  
nunc est, vt præiudicium paternum capitalis  
vltimi iudicij sententia consequatur. Illi sci-  
licet creuit ætas, & cum ætate creuit inge-  
nium: malle pariter erga suos creuisset hu-  
manitas; vt creuit aduersus omnes, & Prin-  
cipum gratiâ florens, & amicorum studijs  
pollens, & omnium cuiusque generis litte-  
rarum exercitationibus apprimè limata. Et  
tamen aut ego fallor, aut nondum ingenij  
calor ille deferbuit; vt quod in adolescente  
tum placuit, id nunc displiceat in viro; &  
quasi Tiburtinum vinum extra vindemiam  
ætatem ferre diutius non possit. Quidquid  
hoc est in amicum vel officij vel studij mei,  
vos, quæ vestra facilitas est, nisi iudicium  
meum vestro iudicio comprobabitis, cum  
exceptione certè laudabitis vel modestiam  
patris, vel solitudinem filij, vel beneuolen-  
tiam amici, vel vestræ fiduciam humanitatis.  
Enimuerò, qui nihil amico debere pos-  
sum, qui nullâ vmquam in re contra volun-  
tatem Augustini mei venire consueuerim,  
hac vnâ in causâ cogor aliquid aduersus il-  
lum, pro nominis ipsius memoriâ, vestrâ fre-  
tus

tus auctoritate, moliri: quod nunc facio, cum illius immaturam Poësim vestro iudicio cōmendo, nullam adhuc limam feuerioris ætatis expertam; &, vt planè multis in locis videre licet, multifariam alibi lacunofam & dehifcentem; alibi mutilatam atque discifam; demum, à quo minimè debuit, depositam atque desertam. Quæ verò sic lacerato diloricatoque leuidensæ vestis amiculo foras è clandestinis latibulis erumpit, satis apparet, eam vel ereptam ab inuito, vel ab incio subreptam: vel, quod miserrimum est exitij genus, à parente peremptore fugientem, ad vestram clementiam confugisse. Profit illi, vestri cupidissimos paternos amicos esse misericordes: profit, parentem non esse Suffenum: profit, quòd ille vobis ingenio simillimus, animo coniunctissimus futurus fuerit; siquidem naturæ munus, ingenium viuudum & ferax excolere vobiscum, & exemplis augere meliorum, & diutiùs in vmbraculis vestris vacare lætioribus Musis, & ab aulæ grauioribus negotijs ac studijs superfedere potuisset. Probabilem habetis fiducia ac confidentiæ meæ caussam, quâ paternam

ternam vel verecundiam vel iniuriam excusare possitis. Vos, pro vestrà facilitate, respicite quæso miseri solitudinem: arcete sæuitiam patris: integram amico conseruate gratiam amici: vestræ consuetudinis retinete constantiam in innocentia subleuandâ. Retinebitis autem, si veritati, quam in minoribus sæpè rebus poëticè compositeque diffingitis ad voluptatem, aliquid nunc clementiæ causâ detrahare potestis: vt placuisse vobis hunc infelicem dicatis, quò patris inclementia mitigetur. Quem Poëtæ mendaciolo seruare possunt, alij suo periculo non debent. In quo conseruato si perget obstinatiùs irasci pater; nos videlicet filio vitam reddidimus, gratiam patris amisimus. Eam tamen facile recuperabimus, si vestræ sententiæ salutari litterulâ viuet, verecundię nomine commendatus in vestri nominis immortalitate, non cum liberis vestris heroibus & heroinis, sed inter Floræ quisquilias cum Exquilinis, & Cælimontanis, & Transtiberinis saxellionibus; aut, quod supra nostrum & votum & meritum est, cum vestris vernulis & mediastinis. Sinite quæso vos exorari: sic  
æternæ

æternæ vestræ litteræ nihil omnium cuiquam debeant; nec asteriscum Aristarcho, nec teredini farinulam, nec puluisculo puluillum, nec horæo tunicam, nec piperi cucullum: sic sanum vobis sinciput Anticyræ beneficium perpetuò remittat: sic nobilium iuuenum, & bonorum Principum aures teretes & eruditæ vestros numeros perpetuò sitiant: sic ad votum modumque vestrum mobiles decrescant auriculæ Midarum: sic aureæ pecudes turgida vobis potius, quàm Phormionibus & Gnathonibus, vbera submittant: sic ad doctarum præmia frontium, ad vestrorum acroamatum corollaria, sindonem, lauream, sportulam, annulum, rectam, intestabiles spadones & glabelli cinnatuli non aspirent. Aspicite nos, amate nos, elegantiae magistri; iucunditatis artifices, honestatis interpretes, affeculæ pacis, umbræ felicitatis. Vale mihi multum, & viue felix, quâ pote per ferreum sæculum, aurea natio Poëtarum.

A D  
SILVESTRVM GRIMALDVM  
D E  
LIBRIS SILVARVM  
AVGVSTINI MASCARDI  
A B I P S O E D I T I S  
IOANNIS ANDREÆ FONTANELLÆ  
M V T I N E N S I S  
O D E.

 ILVAS *Pieridum dispositas manu,*  
*Et rore irriguas Castalio, Ligur*  
*Exercebat Apollo*  
*Romana ad numerum Lyra;*  
*Heroumꝑ decus discere Martium,*  
*Virtutumꝑ sacras dicere laureas,*  
*Funestumꝑ iubebat*  
*Suspirare frequens nemus:*  
*Cum tu frondifera gloria Regia,*  
*Silvester, nemorisꝑ Aoniꝑ iubar,*  
*Has*

*Has mutare canori  
Sedes Imperij studes;  
Auritisq; iubes dividere urbibus,  
Qua surdis furor est credere saltibus  
Inter murmura lauri  
Docti carmina pectoris.  
Non lento sequitur consilium gradu  
Vates, & meritâ fronde premens comas,  
Ceu siluestre trophaum  
Silvarum domitor refert.  
Jamq; urbana terit compita, laudibus  
Innectens stabiles vertice laureas,  
Qua mirante theatro  
Immortale repullulant.  
Cedant Aeneadem Caesaribus sata  
Silva urbe in mediâ: sed neque pensiles  
Murorum efferat umbras  
Decantata Semiramis.  
Hac miracula iam victa feracibus  
Laudum frondifera stirpis honoribus;  
Quos urbanus Apollo  
Jam nunc destinat urbibus.  
Frondosa intereâ sceptrâ potentia  
Te, Grimalde, manent: te vocat arborum*

*Proles*



*Proles multa comantum  
 Sortis prasidium sua.  
 Vbertas grauidi fertilis ingeni  
 Jam dudum auspicijs parturit tuis  
 Qua nunc, te Duce, docta  
 Fundit lucis in aream.  
 Silvarum è viridi nomen habens coma,  
 Silvarum meritò numen eris nouum:  
 Qua te Consule digna  
 Consulto veniunt tuo.*



AVGV.

I  
AVGVSTINI MASCARDI  
SILVARVM  
LIBER PRIMVS  
DE  
REBVS HEROICIS.

---

IOSEPHO FONTANELLÆ  
S. IACOBI EQVITI  
AVGVSTINVS MASCARDVS



S.



VÆ superioribus annis ad  
quotidianæ propemodum  
ægritudinis leuamentum  
adolescens pænè quadrilu-  
stris effudi, ea ad te priua-  
tum munus, beneuolentiæ testimonium  
mitto. Ab ingenio tuo laudem, excusa-  
tionem

tionem ab humanitate desperare quî de-  
 beam? Verùm, quemadmodum ætas hanc  
 sibi vindicabit vt necessariam, ita illam vel-  
 uti superuacaneam, à te præsertim viro  
 amicissimo, Musarum leuitas non requiret.  
 Mihi sanè Poëtæ nomen aucupari non li-  
 bet, venari gloriam non licet: nec amoeni-  
 tatem veris, æstatis fecunditati præpono:  
 imperitæ verò plebis suffragium is expe-  
 ctet, qui plebis temeritati dotes ingenij  
 mancipauit. Vale.



IRENE

# I R E N E

## S I V E

### D E P A C E I T A L I Æ

#### C O N S T I T V T A.



*ERA-ne? pacati vernat clementia cali,  
Collectaę volant nubes, & discolor  
Iris  
Aetheris in lacrymis tranquillo lumine  
ridet?*

*Carula quis pluvio detergit nubila olympo  
Phæbus, & aurato declarat sidera vultu?  
Quis calor immites glomerati turbinis iras  
Discutit, & rabidas revocat sub iura procellas  
Nimbosąsq; hiemes, & classica saeva minantum  
Ventorum placido cogit mansuescere motu,  
Prælia dum facilis freno compescit amoris?  
Cernis ut Italia, iam rarefcentibus umbris,  
Alba serenatis, purum per inane, quadrigis  
Lux inuecta, die terram sublimis inaurat?  
Nulla per obstantes luctantur fulmina nubes,  
Atque aditum ad terras, cali per vulnera, quarunt:*

A 2

Nulla

Nulla fremunt arcto vallata tonitrua nimbo,  
 Atq; animum atq; aures exsurdatura fragore:  
 Stat calum, & vario tantum modulata rotatu  
 Permulcet vacuas hominum symphonia mentes.  
 Scilicet aeterno complectens omnia nexu  
 PAX, trepidas oculata comas, delapsa per auras  
 Tandem sidereo perfundit nectare terras:  
 Illa coma radijs bellorum sauciat umbras,  
 Et geminos oculorum orbes, quibus astra serenat,  
 Fraterno splendere docet rutilantiùs auro,  
 Contractumq; aperit sinuatâ cyclade calum.  
 Italia ô salve columen, spes una laborum,  
 Mundi altrix, studij mater, iurisque propago,  
 Votum animi, cordis cor: salve certa Tonantis  
 Progenies, terraq; vigor, Superumq; voluptas.  
 Tu mea, dum doctam querunt nutantia frondem  
 Tempora, cinge oleâ; & sacras sitientia lymphas  
 Pectora, tranquillo rorent adspersa liquore  
 In laudes animosa tuas, dum mutus in antris  
 Cynthius Aonidum somnos traducet inertes.  
 Sanius ut bello insubres discordia turmas  
 Explicuit, rectaq; acies, atq; agmen aperto  
 Effusum stetit in campo, dumq; are renident  
 Arua percusso, & ferali luce coruscant;

Italia

*Italia ancipiti dudum vexata tumultu,  
 Exitio propior, iam iamq̃ futura fuorum  
 Præda fremit, votisq̃ Deum gemitunda fatigat:  
 Ventilat errantem per eburnea colla capillum,  
 Natium qui sponte fluens temerarius aurum  
 Dissipat, & vitas sine lege in terga refundit,  
 Sertaq̃ vix patitur vario bacchata pyropo:  
 Gemma oculis iam prona tremit, iamq̃ innatat altus  
 In vultu dolor, & faciem demittit honestam;  
 Ignescunt sine luce gena, vix attrahit auras  
 Pectus, in exhausto vix & suspiria corde  
 Inuenit, exitium deploratura supremum:  
 Longum syrma trahit, tragici monumenta doloris,  
 Sed niueum violata sinum, nudata lacertos:  
 Qualis, ubi Casar parui Rubiconis ad undas,  
 Cognati ductor sceleris bella, impia bella,  
 Et consanguineos prauertit mente triumphos,  
 Ingens visa Duci Patria trepidantis imago  
 Fertur, & arcano gemitu permista locuta.  
 Vt stetit Italia, & lacrymis turgentia tandem  
 Lumina, deciduos euicta admisit in imbres,  
 Facundos dolor in gemitus sic ora resoluit:*

*Illa ego, quæ populis quondam Regina subactis  
 Dispersi cum sole manus, anniq̃ repostas*

Perrupi dominata vias, vexillaq; ad Indos  
 Protuli, & Oceanum docui parere Latinis:  
 Illa ego, cui supplex olim populare tributum  
 Terra dedit; solis qua peruisa & inuisa luci,  
 Italia patuit, quamuis semota, triumphis;  
 Nunc proli laceranda dabor? fremet unius ingens  
 Bellum uteri, matrisq; sua praecordia figet?  
 Proh cladis monumenta nova! fluitare per arua  
 Italico cernam temerata fluenta cruore?  
 Italico cernam segetes pinguescere tabo?  
 Tanta furor sauo-ne dabit spectacula campo,  
 Atq; erit Italia spectatrix, scena, theatrum,  
 Area, bellatrix, merces, spes, prada, sepulcrum?  
 Non satis, ah, gemui quondam, cum turpis in iras  
 Colluuiis furiata, meos peregrina per agros  
 Exitium letumq; tulit, Latioq; cruori  
 Fæda inhians, rabidas lassauit funere fauces?  
 Artibus his placuit nullas habitura triumphos  
 Bella geri, ut madeant sociali sanguine campi,  
 Et flos Italia crudeli in morte profundat  
 Bellatricem animam, nullo proscissus ab hoste?  
 Et videt hoc Pietas? ô ferrea pectora, votis  
 Surda pÿs, aurita feris, qua pralia versant,  
 Ut proprium redimant alieno funere funus.

Itē,

Ite, ite, Italia per viscera matris adactum  
 Proxima natorum populetur viscera ferrum:  
 Ite, animas damnate orco, laxentur Auernei  
 Claustra trucidis, vacui pateant saeva atria Ditis,  
 Supplicij angusta meis: ite, arma necesq;  
 Cognatis agitate odijs, dum Thracius alto  
 Insonat Aegao, lunaq; infauſta minantis  
 Cornua (proh pietas!) pleno iam circinat orbe.  
 Aut magis (insano videor si rumpere questu  
 Sidera, & Heroum pia corda laceſſere dictis)  
 Tu, quae flammatae residens in margine cali  
 Prodigia nectareo conſpergis lumine mentes,  
 Atque alis aeterno concordia pectora riſu,  
 Vena boni ſincera, ſalus PAX aurea mundi,  
 Tu gemitus miſerata meos, miſerata dolores,  
 Commotos permulce animos: diſcedet olympus  
 Dum venies, toto diſcedet limite mundus,  
 Et lux diuiduo diſtinguet nubila ſulco.  
 Te veniente meos renouabit riſus ocellos,  
 Gratia contracta diſſoluet ſeria frontis,  
 Et Pietas auerſa, oculos ad caſtra ſerenos  
 Conuertet, moreſq; nouos, humanaq; iura  
 E calo. remocata, orbi praſcribet amanti.  
 Ipſa Salus proprio deterget vulnere velo,  
 Obducetq;



*Obducetq; manu contracta piacula ferro.  
 Ergo veni, mea Dina veni, gladiosq; coërce,  
 Et dubijs illapsa animis, in pristina iunge  
 Fœdera, magnanimum cali genus: ibit ad umbras  
 Tartareas furor, & Stygys bella aspera linquet.*

*Dixerat, & tremulo riserunt sidera crine,  
 Dulcè polus tonuit, roris fecunda mariti  
 Vena cadens agros iuuenescere fronde cœgit.  
 Interea superas inter PAX candida mentes,  
 Diuinis saturata opibus, perfusa comanti  
 Sole sanum, faciles agitabat in aethere luces,  
 Astra regens vultu, populo blandita beato.  
 Numquam sidereis, calo nata, exulat oris,  
 Sed gremio composita Dei, nunc Numinis auram  
 Ebibit, Aligeram quò dein peregrina per orbes  
 Collectas dispenset opes: nunc mœnia mundi  
 Flammea, tranquillo custos custode coronat,  
 Atq; oculis Regina regit; nunc arbitra rerum,  
 Qua male concordēs componant fœdera terras,  
 Flicet ancillas famulis demittit ab astris.  
 Fortè truci perculsa sono, bellig; fragore  
 Excita, supremi admirans è limite cali  
 Despiciit innumero tumultatos milite campos,  
 Et ferri segetem Insuores undare per agros:*

*Mox*

Mox etiam lacrymas, & uerba precantia cara  
 Audiit Italia, sauis & uidit ab armis  
 Italiam sua regna peti, sua regna cieri.  
 Protinus ancillam famulari educit ab aulâ,  
 Subiectaſq; iubet cursu perumpere nubes,  
 Et iubet Italia motos componere fluctus:  
 Quoq; animos facilis partes uersaret in omnes,  
 Ipsa oleo crinale aurum permulſit, & inde  
 Iridis in morem glomerato ſidere cinxit,  
 Ambroſiâ uultum adſperſit, geminumq; per orbem  
 Aſtrorum geniale iubar permiscuit umbris,  
 Et famulam complexa ſuos aſſlauit honores:  
 Vade, ait, immites ubi Mars metuendus in iras  
 Ebria gentili rabidus rotat arma cruore,  
 Et conſanguineo ſaturatus funere, currum  
 Victor agens, fracta oſſa rotis proculcat iniquis.  
 Non illi Italia Regnum, feliciaq; arua  
 Tot grauida Imperijs Calum permifit habenda,  
 Sed mihi ſorte dedit: tenet ille immania Thracum  
 Littora, & horrentes exercet ſtrage Gelonos;  
 Illic concretum glaciali ſidere marmor  
 Eliquet, ardenti per uulnera mille cruore;  
 Sarmaticaſq; nives, nullaq; à ſole cadentes,  
 Atque Hami numeroſam hiemem tabeſcere fuſo  
B Sanguine,

*Sanguine, & in mores doceat migrare tepentes:  
Hac Martis sunt regna, illis se iactet in armis.*

*Tantum effata Dea est: flammis dispellit olympi  
tam Domina Virgo propior, iam Numine plena;  
Prona<sup>q</sup> iam primum, vitreum mox concita calum  
Diuidit, aurato pingens vestigia tractu.  
Hinc varijs oculatum astris, & flore superbum  
Sidereo, pennis peruadit labilis orbem.  
Scorpius euomuit gelidam de viscero pestem,  
Et Leo cum Tauro socios iniere labores.  
Ipse etiam gladium madidus proiecit Orion,  
Inde ubi Saturni tetigit maerentia tecta,  
Ad mitem redit ille Patrem, Natiq<sup>q</sup> Tonantis  
Ore renidenti sidus geniale tuctur,  
Supplice quod Pacis legatam crine salutat.  
Mars fera non solito mansuescere pectora motu  
Sensit, & indomitos posuisse in corde furores,  
Et Martem stupet ignaro mitescere Marte.  
Phœbus in aspectu legata Virginis hæsit,  
Aurorâmq<sup>q</sup> nouum timuit prauertere Solem.  
Cetera quid memorem? rorantes Lucifer ignes,  
Facundos Hermes, pallentes Cynthia Paci  
Detulit, à nitidis radios bibitura capillis.  
Illa volat, pingitque viam, iamq<sup>q</sup> æris axem  
Nuntia*

Nuntia purpureo reserabat lumine, & venti  
 Ore susurranti libabant oscula plantis:  
 Jam steterat campo mortali imperuū luci,  
 Agmina cū placido percelli corda tumultu,  
 Et belli sensere nefas: tunc ora madescunt  
 Militibus; furor, & rabies, & pectoris astus  
 In lacrymas abiere pias, tela ipsa recumbunt,  
 Inq̃, humeris tormenta iacent immota supinis:  
 Bellaces cunctantur equi, tuba ductilis auras  
 Personat accentu placido, nec tympana bombo  
 Exagitant animos, aut mascula pectora versant.  
 Haud aliter, septemgeminas cū praelia Thebas  
 Fraternalis pressere odijs, & mœnia dulci  
 Structa lyrâ, fremitu quatescit miles amaro,  
 Tunc vittis excutit comam, non ore sereno,  
 Non habitu quo nota prius, velut anxia mater  
 Desiluit calo Pietas, aciesque minantes  
 Non intellectu iussit mollescere fletu:  
 Protinus ambigua commota per agmina voces,  
 Et sensus rediere p̃j. Quid castra cruore  
 Pingimus, & senis frustra exultamus in armis,  
 Vt Thracum nostro saturentur funere manes?  
 Heu quantum terrâ potuit pelagóque parari  
 Sanguine, quem frustra per dura profundimus arma!

*Interea innumeris exhausta ciuibus urbes,  
 Et domino domus orba gemit, natique parentem,  
 Et natos pater, & coniux queribunda maritum  
 In rebus vocat angustis: per tela, sine hoste,  
 Infelicem animam nos contra, annosque virentes  
 Prodigimus; nos sponte volans excimus ab orco  
 Funus, in exitium turba ingeniosa cruentum.*

*Vt sensit nutare animos Legata labantes,  
 Siderea impexum cervicis liberat aurum,  
 Et crines quatit angustos, arcumque colorat  
 Iridis, ambrosios afflans à vertice odores;  
 Atque oculis confessa Deam, duo sidera frontis  
 Exerit, & Pacis teneros inspirat amores.  
 Interea Mars arma novat, duroque iugales  
 Compositos adamante regit, quibus igne minaces  
 Stant oculi, mortisque agitant insignia flammis;  
 Arguta quatiunt cervicis mobile pondus,  
 Semper & efflatis inconstant ignibus auras:  
 Hic pavor, ille furor: fera praelia miscet uterque,  
 Impatiensque mora pretiosum mandere frenum  
 Incipit, & rabidus plantis insultat arena.  
 Ipsa sedet Bellona, truces auriga iugales  
 Ipsa agit, aratis & sulcat terga flagellis.  
 • Mars toruo truculentus agros circumspicit ore,*

*Et*

Et mortis bibit iram oculis; gaudetque furentes  
 In plagas, in fata manus: cum protinus ira  
 Detumuit rabies, & nondum cognita Martis  
 Viscera tentauit Pietas; stupet inscius, & iam  
 Pro Pietate furit, cordisque interrogat astus:  
 Qua mala me inuasit tabes? qui pectoris iras  
 Feminei vicere doli? date tela, date enses,  
 Ut cadat inuisa mentis stupor anxius armis.  
 Dum loquitur, fluxere iuba, collapsaque cervice  
 Nutat equis, cecidere oculis trepidantibus ignes;  
 Nec iam sanguineos feruens quatit ungula campos,  
 Et Bellona feros metuens tegit agide vultus,  
 Aduentum testata Dea. Ast illa igne decoro  
 Sidereas perfusa genas, Dominaque iubente  
 Plena, oculis Martem placidis prospectat, & insit:

Terrarum armipotens metus, insuperabile Numen,  
 Arbiter imperij, mundum qui turbine versas,  
 Qui tantus quatit arma furor? qua funera poscunt  
 Tela graui crispanda manu? compesce dolores:  
 Pax adsum Italia custos, nec bella nec enses  
 E calo demissa gero, verum Itala regna  
 Indomitis perculsa odijs miserata reuiso.  
 Sed quis te casus Geticis auulsit ab aruis  
 Bistonias agitantem acies, & in hospita traxit

*Littora, tranquilla dudum regnata quieti?*  
*Quò te fata vocant? qua formidabile ferrum*  
*Finibus Italia breuibus fortuna coercet?*  
*Sauus odoratis non debacchatur in hortis,*  
*Nec veris populatus opes violaria vellit,*  
*Gemmantésque metit Boreas in vallibus herbas;*  
*Sed Scythicis furibundus equis Rhiphea flagellat*  
*Robora, vel cali campo grassatur aperto,*  
*Vel gelido incumbens pelago, procul inde carinas*  
*Dissipat, ut gravidis concrecant aquora plaustris:*  
*At pubescentes gemmas Zephyritis adulat,*  
*Et suspiranti permulcet flamine flores.*  
*Tu quoque cui collum tellus famulare iugandum,*  
*Sidera cui calum, submittit Auernus & umbras,*  
*Vade ubi Danubij Rhenique horrenda tricornis*  
*Rhatia sidereas genitrix minitatur in Arctos.*  
*Atque tuos permisce amnes: nec Belgica Tethys*  
*Sobria ieiuni consumat flumina Rheni,*  
*Thracia nec puris Istrum uoret Amphitrite*  
*Retrò pulsa vadis; tepidis sed sanguinis undis*  
*Ebria, perrumpant temulento gurgite marmor*  
*Flumina, congesto metuenda cadauere Diti:*  
*Aut ubi femineas instigat ad arma phalanges*  
*Hebrus, & infausto lacerum gemit Orphea lapsa*  
Orphea,

Orphea flebilibus deflentem funera lymphis;  
 Hic rabies odiúmque suis alimenta venenis  
 Inuenient, híc Martis honos, híc regia mortis,  
 Hic belli campus: tandem his gaudebis in aruis  
 Irarum feruere rogos, tantiq; capaces  
 Numinis, indomitis agros pubescere telis.  
 Hic furor, híc paor (aurigans quibus aspera tergo  
 Pallas arat) proprio saturandi gramine (gramen  
 Membra hominum lacerata armis, contrita feroci  
 Dente) redundanti poterunt pinguescere tabo.  
 Vade ergo, & campum bellorum nactus apertum,  
 Exere fatales, Numen fatale, lacertos,  
 Et mortis iam pande vias: verum Italus impar  
 Et tantis minor exuijs, clementius astrum  
 Inuocet, ut placida compostus pace quiescat.

Dixit: at impatiens animis exaestuât imis,  
 Cordis & ex oculis præfert incendia Mauors:  
 Quale stagnat nunquam visus sine clade Cometes,  
 Aut calum, pluuijs ubi fortè Diespiter umbris  
 Saeuit, ac bellum tonitru furiale minatus,  
 Ardua fulminibus iaculatur tecta trifulcis:  
 Talis in hostilem coniecit lumina Mauors  
 Virginem, & obliquas frontis per nubila flammæ  
 Contorquens, uocis tonitru perterruit orbem:

Vado,



*Vado, ait, extremas quò me indignata per oras  
 Fata vocant, Martémque fero; nec segnibus aruis  
 Italia teneor, turpi si languida pace,  
 Belligeros oblita patres, mea iura recusant.  
 Torpeat indecori tellus sopita cœterno,  
 Indocilésque manus, pectúsque imbellis, voluptas  
 Frangat, & Italiam doceat marcescere luxu.  
 Ibo, ibo, & Geticas agitabo in pralia turmas,  
 Femineas versabo acies; incendia, cades  
 Miscebo, Martémque odijs Mars ipse probabo.  
 Laxior Hercinia clarabit Cynthius umbras,  
 Robora dum miles repetito vulnere cadet,  
 Vt novus armatis silvescat lucus in hastis.  
 Testis eris Rhodope, nimborum prodiga mater,  
 Testis Athos, testes ô qui Pangaea iuvenis  
 Scinditis, offenso quantus sub vomere quondam  
 Armorum fragor erumpet: iam proxima Ponti  
 Littora Cimmerij fluctu concussa tremiscunt,  
 Horrida dum refugit Martis deterritus arma.  
 Quin etiam exanguis damnati carceris umbras,  
 Atque ipsum Plutona timor tentare profundos,  
 Quis lateat, cogit revoluti gurgitis amnes.  
 Quid moror? & Calum fasces submittere Marti  
 Spontè parat; cœtito cupiunt se credere Ponto,  
 Aequora*

*Aequora qui gelido nectunt adamante Triones.  
 Iam fugit Arctophylax Vrsa sub imagine, Matrem  
 In silvas iterum vel templa infida secutus;  
 Quicq, Lycaonias Serpens interfecat Arctos,  
 Explicat horrendi sinuosa volumina tractus.*

*Sic ait, & rabidas iaciens è lumine tadas  
 Fleclit iter, curruq, alium transuectus in orbem  
 Lampada dat Paci: cursu hac campoq, potita,  
 Spargit rore acies, bellantum & pectora mollit;  
 Mox pennis librata volat: quam cum agmen aperto  
 Alternantem hameros calo, sudumq, secantem  
 Agnouit, tali fugientem est voce secutum:  
 Salue amor ò mundi, cali lux inclyta salue,  
 Curarum requies, & felix meta laborum:  
 Te sequimur votis omnes, tua iussa libentes  
 Exequimur; duri speciosa pericula Martis  
 Thracia collatis diuexent pectora telis.  
 Nec dictis angusta fides; in fœdera dextra  
 Atque animi coeunt, damnataque castra relinquunt;  
 Et bona tranquilla Pacis probat omina calum.  
 Ite ergo Insubres, facilis sub sideris auro  
 Felices agitate dies: iam falce colonus  
 Securos per agros flauentem demetat annum,  
 Et responsura committat semina terra.*

C

Italia

*Italia gemitus, lacrymâq; per ora caduca  
 Jam sileant; trepida quondam ad certamina Musa,  
 Et latebris taciturna altis, in carmina plectrum  
 Sollicitent, priscumq; melos. PAX candida terras  
 Iam ferrugineâ cacas caligine inaurat;  
 Et PACEM inclamant mortalia pectora, PACEM.*

IN REDITVM  
 ALOYSII ESTENSIS  
 PRINCIPIS  
 AB HOSTIBVS DEVICTIS  
 EPI POMPEVICVM.

**M**E quoque bellantum rapit in certamina  
 clamor,  
 Et furor attonitas galeâ radiare Camæ-  
 nas

*Cogit, ALOYSIVS dum fulgurat ense minaci.  
 Ite leues hedera, grauidi procul ite corymbi,  
 Daphni vale, sertumq; nouum mea pectora cingat:  
 Ipsa etiam quando damnauit casside lauros,  
 Cristatumq; apicem conoq; natantia signa  
 Induit Euterpe, tragicos incincta cothurnos,*

*Et*

*Et sanos mentita sonos calum increpat are,  
 Palladis imperio, lateriq; accommodat ensem:  
 Aspera nam Mauors in pralia cogit alumnium  
 Nondum primaui pingentem flore iuuentam  
 Sauus ALOYSIVM; secum quem Pallas incrimem  
 Musarum per amœna trahens, sophiaq; per agros,  
 Jam dudum docto iussit certare duello.  
 Instruit illa aciem Iuueni, Musasque sequaces  
 Ire iubet, primos celebrent ut militis ausus,  
 Fortiaque hostili describant facta cruore.*

*ESTENSIS proh Gentis honor, cui fata dederunt  
 Pierias lassare tubas, meliusque sonantum  
 Vatum ora, excelsis in laudes cogere factis:  
 Semper ab aurato pretiosa repullulet arbor  
 Cespitem, qua gemmas trudat fecunda recentes,  
 Pierides poterit tunc laudibus exercere:  
 Et modò ne desint effetis carmina sacris,  
 Non deerit Virtus, nec Vatribus argumentum.  
 Sed qua fama iugis serpit modò didita ab altis  
 Affore ALOYSIVM? nostras quis-ue impulit aures  
 Gratantum fauor, & populi per compita plausus?  
 Scilicet ille redit, regnataque mœnia tandem  
 Ingreditur sese maior; tantusque renidet  
 Frontis honor, canos ut præstet in indole sensus,*

C 2

Purpurea

*Purpurea & latent grauib<sup>us</sup> sub morib<sup>us</sup> atas.*  
*Audin'?* ALOYSIVM Phœbeo baccare pubes  
*Cincta canit, gladiosque rotat, vexillaq<sup>ue</sup> ad auras*  
*Explicat, irritans ad ludicra bella phalanges.*  
*Ille fugam simulat, dubieq<sup>ue</sup> per arua recurrens*  
*Nunc cadit, inde furit validos Antaus in ausus;*  
*Iamq<sup>ue</sup> hostem oblongo certum designat adictum*  
*Aere (quod equali diductum tramite, multâ*  
*Arte faber fudit, nitrato pulvere miles*  
*Farfit) & ab tergo iam subdolus applicat ignem:*  
*Fit fragor; elisas veluti cum fulgura nubes*  
*Increpitant, mugitq<sup>ue</sup> aether furibundus in orbem.*  
*Hic declinatâ venientes eminus hastâ*  
*Tardat equos, gressusq<sup>ue</sup> vetat glomerare superbos,*  
*Innixus pedibus; resonantia tympana bombos*  
*Ingeminant, strepitûque gemit tuba rauca sonante.*  
*Hos inter pugna lusus lunatur in arcum*  
*Mista acies, Iuvenemq<sup>ue</sup> sinu complexa iocoso,*  
*Sedula victoris vestigia Principis ambit:*  
*Ast ubi lunata tenuantur cornua pubis,*  
*Incinctus lauro miles diuisus utrimque*  
*Prominet; aduersum prospectat uterq<sup>ue</sup> vicissim,*  
*Alternisq<sup>ue</sup> ferit rutilantia cantibus astra;*  
*Carmina ALOYSII celebrant alterna triumphos.*  
Degener

*Degener antiquos atas mirata parentes  
 Illustret proprias alienâ luce tenebras,  
 Mutuâque à proavis decora in se transferat olim;  
 Nomen ALOYSI priscum virtutibus aquas,  
 Atque Ducum exactos reuocas virtutibus annos,  
 Heroum proles, magnisq; parentibus orta,  
 Maior ab integro te Principe germinat orbi.  
 Augeat ESTENSES gentilis adorea fastos.*

*Expectet senium meritis, quiq; induit arma,  
 Pacatas contemnat opes, studiumq; Minerva:  
 Noster ALOYSIVS dum laudibus ampliat æuum,  
 Abstrusas sophia, doctasq; perambulat ades,  
 Fertur & in dubij speciosa pericula Martis;  
 Ore tener, fortis dextrâ, ingenioque peritus,  
 Ingenio Pallas, Mars dextrâ, atque ore Cupido.  
 Fundite victrices, lata agmina, fundite lauros.*

*Vos, vos, ô terra gemini, duo sidera, fratres,  
 Dives ALEXANDER, mordet cui purpura crimes,  
 Et CÆSAR, tantâ iam prole beatior, altis  
 Consilijs validos formastis in indole sensus.  
 Sic viget in mediâ tutum cor pectoris arce,  
 Et manibus pedibusq; suis alimenta ministrat;  
 Lumine sic Lunam pleno Sol perficit orbe.  
 Augeat ESTENSES gentilis adorea fastos.*

C 3

Tu

*Tu quoque fraterni stimulaſti pectoris iras,  
 Dum tua magnanimo feruerent corda tumultu  
 ALFONSE, immitis cum te vis improba morbi  
 Abripiens, Fratri belli permixit habenas;  
 Et te qui lacerat morbus, fit in hoſte medela.  
 Proh quantus qualiſq; fores, ſi fata dediffent!  
 Sed ſubit ille vices: redimit ſic Caſtor Pollux.  
 Fundite victrices, lata agmina, fundite lauros.*

*Concilium cogit, belli quid iura requirant  
 Poſcit ALOYSIVS, tanto ſub pondere rerum.  
 Arx fuit abrupto præcelſa cacumine montis  
 Natura vallata manu, deſenſa maniplis;  
 Hanc iubet exſcindi, tormentaque mœnibus audax  
 Admonet, & magno contundit mœnia bombo  
 Eloquio Neſtor, ſed robore pectoris Ajax.  
 Augeat ESTENSES gentilis adorea faſtos.*

*Ingentes agitant iuuenilia pectora cura,  
 Aeſtuat audaces conſringere cominus hoſtes,  
 Dirutaq; ingreditur victricibus oppida ſignis;  
 Regia cum ſubitò fluitant vexilla per auras  
 Victoris remorata viam: Dominam ille volacrem  
 Vt vidit, jam cedo libens, ſat vicinus, inquit;  
 Vici hoſtem dextrâ, obſequio te vincimus Ales.  
 Fundite victrices, lata agmina, fundite lauros.*

*Dum*

*Dum fugit imbellis patriâ depulsus ab arce  
 Infantum grex, maternis gemebundus in ulnis,  
 Immitesq; patres expertus, in hoste requirit  
 Præsidium: Princeps morituros excipit ultro,  
 Et fouet, & recreat: sic nobilis ira leonum  
 Saut in audaces, eadem sed præterit agros.  
 Scipio sic quondam, sic fecerat antè Metellus.  
 Augeat ESTENSES gentilis adorea fastos.*

*Primus iussu subit, quoties seu cingere vallo  
 Castra iubet, validis seu pondera ferre lacertis,  
 Solaturq; suas parili sudore cohortes.  
 Sudor at hic palmas, roseo dum labitur ore,  
 Irrigat, & dextra meritum educat ornamentum.  
 • Talem te retulit quondam Germanice bellum,  
 Talis eras sanos inter Traiane tumultus.  
 Fundite victrices, lata agmina, fundite lauros.  
 At dum nocte iacit non exsuperabile vallum  
 Miles, & adductis sepit tentoria fossis;  
 Non segni dat membra toro, sed noctis in umbris  
 Sponte iacet defessus humi, tenuemq; quietem  
 Vix conuiuenti delibat lumine Princeps.  
 Sic Marium stupuit quondam Romana iuuentus,  
 Sic Antoninum vigiles producere noctes.  
 Augeat ESTENSES gentilis adorea fastos.*

*Dum*



*Dum longâ hostiles premit obsidione phalanges,  
 Eminus imperio pugnat, sociosq; maniplos,  
 Quamquã absens, vultu oblitus inflamat in iras;  
 Partiturque vices, curas diuisus in omnes.  
 Sol quoque dum moritur, dum subdita regna colorat,  
 Quamquam absens, nostris etiam splendet in oris;  
 Partiturque faces, radios diffusus in astra.  
 Fundite victrices, lata agmina, fundite lauros.*

*Salve magna Ducum soboles, quã praside Caesar  
 Vicit, & immanes domuit sine clade furores:  
 Te Duce sanguineo minitans Bellona flagello  
 Comprescit violenta minas, raucùmque sonantes  
 Jam tandem siluere tuba. Viden' ora manúsq;  
 Principis, ô numquam satis exsaturata tuendo  
 Fida cohors Mutina? optato iam pascere vultu,  
 Et votis iam parce tuis onerare Tonantem:  
 Iam redijt, iam vota tenes, iam lata triumphas.  
 Crescat ALOYSIVS veteris noua gloria Martis,  
 Cuius & in medijs meruit sapientia castris.  
 Augent ESTENSES gentilis adorea fastos:  
 Fundite victrices, lata agmina, fundite lauros.*

LAV.

## L A V R E A

PRO ILLVSTRISS. FRATRIBVS  
ALEXANDRO ET VIRGINIO  
CÆSARINIS.



SPICE *Romulidum* genitrix, qua colli-  
bus alta

Tolleris, & calo cognatas subrigis ar-  
ces.

*Tu Regum legumq; parens, qua Romula tantum  
Suspiciis, externas mirari nescia laudes;  
Ingenti maior famâ, calôq; secunda:  
Aurea victrices cuius dum gloria bigas  
Instruit, ad currum telluris colla marisque  
Illigat, & domito latè spatiat in orbe:  
Calestis domus imperij, pietatis asylum,  
Iuris apex, cortina Dei, quam consulit Indus,  
Vt decreta ferat dubijs oracula rebus,  
Seu quem Memnonio primùm Sol irrigat imbre  
Dum roseos infrenat equos, rutilantia quassans  
Lora, quibus solitos animos accendat in usus;  
Seu qui regna colunt, quorum iam lassus in undas  
D Phœbus*

Phœbus agit curvus, & anhelos fonte iugales  
 Tingit, ut abstersis niteant sudoribus artus:  
 Heroum fecunda parens, si candida sensu  
 Numquam degeneri soboles tibi lufit in vulnis,  
 Prifcorum referens animos, noménque Quiritum.  
 Affice CÆSARIDVM tandem par nobile fratrum,  
 CÆSARIDVM decora alta domus, quæis tēpora Virgo  
 Delia iucundis sinuans complexibus umbrat.  
 Cernis ut aequales librato examine lances  
 Virgineos stellata sinus, radiata capillos,  
 Credit ALEXANDRO rursus delapsa per auras  
 Astræ? ut gladium, nocituræque fulmina noxæ  
 VIRGINIO? ut geminam deuincit baccare frontem?  
 Ipsa etiam patriam graditur trabeata per urbem,  
 Ardentemque apicem capitis, cristasque comantes  
 Mutauit Bellona oleis: non agide pectus  
 Horrificat, squammisq; iubet densarier aureis,  
 Non habilem lateri durumque accommodat ensem;  
 Quales ubi fatale tonat, trepidosque cruora  
 Cogit in Oceanum fluuios famulare tributum  
 Fundere, Neptunusque gemit lacera arma virisq;  
 Sed Fyrias ostentat opes, saturatæque multo  
 Murice, CÆSARIBVS subtemina inasperat auro,  
 Antiquumque parat teneris cornicibus ostrum.

Nec

*Nec relegam monumēta Patrum, semp̄q; nitentem  
 Priscorum arcessam nequidquam e fontibus undam,  
 Cum proprio fraternus honor splendescere censu  
 Possit, & aethereas penetrare animosior arces.  
 Attamen hac fuerant olim, (tūque inclyta ROMA  
 Testis eras, qua mater eras) cum tempora Daphnis  
 Lambere CÆSARIDVM gestiret docta parentum;  
 Cum soboles dilecta Deo, studiūque Minerva  
 Communes habuere lares; cum purpura fastos  
 Gentiles scripsit, sacras cum pluvium olim  
 Per trabas numeratus Auns, cum vera repostos  
 CÆSARIDVM Italia coniunxit fama Britannos.  
 Testis, olivinus quam praterlabitur Arvens,  
 Nobilis Etrusca genitrix FLORENTIA lauri:  
 Namque ubi iam vetitos sereret discordia motus  
 Romanos Graiosque inter (sic prisca parentum  
 Dissidia in seros serpunt transmissa nepotes)  
 Foeda superstitio ritus exosa Latinos,  
 Ipsa sibi lex una fuit, sanctūque Quiritem  
 Perfida despexit. Quotquot sub utroque iacentes  
 Cardine, qui nuncā religati tempora mitra  
 Romano de more sacris operantur, & aras  
 Ritē colunt, celebres Florentis nominis Urbem  
 Aduenere: sacros inter tu maximus omnes*

CÆSARIDVM decus Antistes, cui nomen IVLVS,  
 Imperij spes Ausonij, cui purpurat ostro  
 Casaries, Danaûm fregisti inamabile robur.  
 Namque ubi Bessarion verbis studioque timendus  
 Ingenti tonat eloquio, dum fulmina linguæ  
 Cecropiosque sales certos contorquet in ictus;  
 Romanosque Patres, & auitos Urbis honores,  
 Palladiâ, heu, nimium confidens arte laceffit,  
 Et dubium iam turba frequens admurmurat omen,  
 IVLIVS Ausonio intonuit facundius ore,  
 Et verbis verba illudens, & dicta refellens,  
 Turgentes Danaûm linguâ compescuit undas.  
 Quin etiam patrios sensim dediscere mores,  
 Et docilis cœpit Romana capessere iussa  
 Bessarion, sensusque novis damnare priores.  
 Talia maternâ gessit memorabilis arte  
 Threicius vates; cuius dum pleetra sequaces  
 Alliciant quercus, cogunt mollescere tigres.  
 Sic Marcum iam vibratos, iuguloque minantes  
 Mucrones hebetasse ferunt, dum plurimus ense  
 Imminet intento miles, civilia poscens  
 Vulnera, & Ausonio saturari sanguine ferrum.  
 Hac meritis animosa tuis documenta reponet  
 Posteritas, semperque novus florebit in artes.  
Cernis,

Cernis, ALEXANDRI collecta modestius ora  
 Ut Curios referant, maiestatemque Catonis?  
 Ut frontis numerosus honor, mitisque iuuenta  
 Flos vigeat, mentem spirans animosque Quirinos?  
 Non mores aut facta Numa (quo rege Deorum  
 Plebs creuit, fastosque nomos scripsere Latini,  
 Nascentesque Deis fulgere micantius ara)  
 Spernit ALEXANDER, vera pietatis imago.  
 O fortunatos nimium, quibus indolis aurea  
 Robur, & ingentes Romani pectoris artes  
 Nosse dabit fortuna, quibus manus apta regendis  
 Urbibus, innocuas olim tractabit habenas.  
 Nec minus interea, quamuis breuiore iuuentu,  
 VIRGINIVM sua fata trahunt, per & inuia calis  
 Aequora, per dubias nutantis marmoris undas,  
 Per ventos, gelidosque imbres, lapidosaque Cauris  
 Nubila, dum rerum causas nouisse latentes  
 Quarit, & ingenio rimatur iura Lycei.  
 Hac Dea, qua Stygijs miscet liuentia felle  
 Pocula, non proprijs latari nescia lucris,  
 Sensit, & ingemuit, laniataque brachia morsu  
 Vipereo infecit tabo, digitumque momordit.  
 Mox ubi VIRGINIVS duro exercere lupato  
 Discit equum, gressusque docet glomerare superbos,  
 D 3 Adstitit,

Adstitit, & tumidi sinuosa volumina crurum  
 Fregit equi, iuuenumq; ferox extendit arcuâ:  
 Scilicet ausa nefas, quo purus inhorruit ather,  
 Ingemuit tellus, lacrymas fudere Camæna.  
 Ipse etiam fletu fertur maduisse silenti  
 Mæstus equus, veterumque suas oblitus honorum  
 Demisisse iubas, reliquumq; inglorius æuum  
 Egisse. inuidia tantum potuere sagitta.  
 Quantum animis erroris inest! ut pondere palma  
 Flectitur, & ramis felicibus oscula libat  
 Fessa solo, & rursus patrias assurgit in auras;  
 VIRGINIVS sic pressus humi, stratoque recumbens,  
 Attamen aëstiferas spectare propinquius orbes,  
 Et potuit dubios Iuris lustrare recessus,  
 Ingenio monstrante viam, quod nulla laborum  
 Exhaust facies, nulli domuere dolores,  
 Liuida q; erubuit Virgo. Tum Pallas honesto  
 Flore comas ornare parat: geminauit honorem  
 Astræ, & doctâ constrinxit fronde capillos,  
 Fraternus quâ fulget honor, semperque nitabit.

HE-

## HEROES ET HEROINÆ.

ROMVLVS.

**V**RBIS fraterno describit sanguine vallum,  
*Vt vix dum nascens Roma cruenta fiorat.*  
*Qualis erit, quondam armatos cum feta maniplos*  
*Orbis ad exitium sanguinolenta dabit?*  
*Si consanguineâ saturantur eade bipennes,*  
*Pœnus ab hostili vulnere tutus erit?*  
*Sanguine Roma alitur nascens, non lacte Quirino:*  
*Vbera non credis sana dedisse lupam?*

FABIVS CUNCTATOR.

**D**VM fremit impatiens, iugulo iamque imminet  
*Vrbis*  
*Annibal, Italicis fulmen & ignis agris,*  
*Cunctatur Fabius, siluâsque perambulat atas,*  
*Pœnorûmque sedens castra pauenda domat.*  
*Vulnere sic tæcito corrodit lenta medullas*  
*Pestis, & ignoto funerat igne sinus.*  
*Disce nouis vincendi artes sine clade, proterue*  
*Annibal, Ausoniam perfide disce fidem.*  
*Sanguine*



*Sanguine cui crescit laurus, coma digna cupresso est;  
Nam victor telis vincitur ipse suis.*

## ANNIBAL ORBATVS LVMINE.

**A**NNIBAL *Italia dum spectat ab Alpibus oras,  
Mortem imperfectam, lumine cassus, obit.  
Venit, sed quondam forsitan venisse pigebit:  
Vicit, sed victus denique terga dabit:  
Et vidit, magno stetit at vidisse, videret,  
Si non vidisset, forsitan ille magis.*

## I D E M.

**V**IDERAT *Italicas signis ferus Annibal arces,  
Lumine cum captus protinus ingemuit.  
Fortè diem sensit Romani nominis, & vix  
Vno oculo potuit sustinuisse iubar;  
Aut orbis potiùs quo cernere posset ocellum,  
Cum Ioue latitiam lumine pactus erat.  
Perge, dabunt si fata tibi domuisse Latinos,  
Spante oculum Victor claudere alium, & morere.*

## I D E M.

**A**RDET *in Italiam, Italiã vorat Annibal hostis.  
Quanti cernit Italiam? carior est oculo.*

CLOELIA.

## C L O E L I A.

**A**SPICIS *ut sexu maior Tiberina fluente*  
*Transnatat, & vitam Clælia credit aquis?*  
*Nec premere unda potest generosi pectoris ignes,*  
*Condere nec tantum nox inimica iubar.*  
*Emicat, & fluuio stillantes roscida crines*  
*Stella velut salis aurea surgit aquis;*  
*Protinus & socias tenebroso è carcere ducit,*  
*Protinus & Roma nubila mæsta fugat.*  
*Thermodon taceat, vincuntur Amazones: illa*  
*Multum pugnando, hac plus fugiendo potest.*

## C L E O P A T R A.

**D**VM *timet exuias Romani augere triumphum*  
*Femina, Niliaca cui famulantur aquæ;*  
*Vitatura iugum crudeles admouet angues*  
*Pectori, & accito funere lata cadit.*  
*Scilicet ut titulis pereat Regina superbis,*  
*Sponte venenato pectora dente ferit.*  
*Gaudia quis Regni dicet spoliata veneno,*  
*Regna veneniferâ dum sine peste ruunt?*

E

E A D E M

## EADDEM LOQVITVR.

**F**RVSTRA armis Romane tonas; Cleopatra  
triumphi

Sarcina non pascet Regna Latina probris.  
Liberâ non seruum librat mea dextera sceptrum;  
Torta nec ancillis, pensa trahenda capit.  
Detrectant mea colla iugum, quæ tortilis ambit  
Circulus, in niueo pectore diues onus.  
Probra caput nescit, radijs insigne coruscis,  
Et cui nativâ ferta dedere coma.  
Servitium exitio redimam, Regina peribo:  
Tolle iugum, quisquis corda iuganda geris.

## ANGVÊS EIVSDEM.

**A**NGVES, quæis Regni debet Regina Canopi  
Ornamenta, suis diues in exequijs;  
Numquid atrox Stygio rapuistis ab amne Venenum?  
Effera sic clamat. quam vomuere luem,  
Regina vitam, Romanâq; vincla momordit:  
Pauca loquor, tetigit Roma quod ipsa gemat.  
Eminus infecit. Latios metuenda triumphos,  
Iussit & auratas segniùs ire rotas.

GORGIAS

## GORGIAS POSTVMVS.

**M**ORTVA fert vitum mater fetum; ille prius-  
quam

*Aspiceret vitam, iam tumultandus erat:*

*Impositus feretro cunas non vidit, & umbras*

*Ante iubar sensit, nox fuit ante diem.*

*Amq; sinum ingrediens mortis, vitam inuenit infans,*

*Et subito ad cunas mittitur à tumulo.*

*Panè rogo iniectus, solis non viderat ora;*

*Lucem letales fortè dedere faces.*

*Quid mortem timeas, Mors si te mater in auras*

*Extulit, & vitam, quâ caret ipsa, dedit?*

*Spondeo Phœnicis tibi sacula Postume, viue;*

*Ille etiam medio è funere sacula trahit.*

## VIRGINIVS VIRGINIAM FILIAM

## INTEREMPTVRVS.

Prælegendi Liuius & Dion.

**V**IRGO patris moritura manu, durū excipe ferrū,  
Quod pius in casto pectore condit amor.

*Te pietas cadit, pereat malesanus ut hostis,*

*Inq; tuo inueniat funere funus amor.*

E 2

Turpis

*Turpis amor forma, dira fax improba mentis,  
 Proflua quam exstinguet sanguinis unda tui.  
 Funere Virginitas emitur bene; funera perfer,  
 Diues erit pretio sanguinis emptus honor.  
 Appius hoc gladio, non tu, mea nata, peribis:  
 Ipsa feres vulnus, vulneris ille notam.  
 Dixit, & inuito rimatur viscera cultro;  
 Et se, quis credat? consecrat ense patrem.*

I D E M.

**L**IBERA Romanas peperit te mater in auras,  
 Traxisti teneros libera virgo dies:  
 Nunc fera captiuis nectuntur vincula palmis,  
 Captiuusq; timet vincula nefanda pudor.  
 Bina sed hoc uno scinduntur vincula cultro,  
 Atque uno geminum scinditur ense probum.  
 Libera nata cades, liber pudor occidet: ensis  
 I celer, & nata vincula solue mea.

I D E M.

**S**IC tandem, mea nata, iaces? ignosce parenti,  
 Cuius ab humana vulnere casa iaces.  
 Te pater extinxit: causam quid quaris? amorem  
 Consule, mors patris in vulnere munus erat.  
 Ergo

*Ergo vale; iratas & dum placabimus umbras,  
 Adsis à superis sapè vocata plagis.  
 Interea ferrum hoc aris te destinat Appi,  
 Te magè grata Deis hostia nulla cadet.*

I D E M.

**B**ARBARE virgineo quod spumat sanguine ferrū,  
 Spirat in infandum vulnere saeva caput.  
 Sanguinē alit sanguis, fera vulnere provocat atrox  
 Vulus, & in mortem mors violenta ruit.  
 Cade calet ferrum, crescit sitis inde cruoris;  
 Iam bibet è tanto sanguine tanta sitis.

I D E M.

**D**VM cadis ante diem, blandi surgentia solis  
 Lūmina sanguineâ nubila veste tegunt.  
 Hinc qua precipiti tempestas horrida nimbo  
 Increpat Ausonium Patre tonante forum,  
 Exonerat iam iam furias, frangitq; minantem  
 Appium, & in Tiberim sanguinalenta ruit.  
 Quid facies Appi? tonat ather, fulgurat ensis;  
 Naufragus à proprij sanguinis imbre cades.

E 3

ICILIVS.

## ICILIVS VIRGINIAE SPONSVS.

**M**ITTE, licet, dominas in libera colla secures;  
 Non decrit noster, qui lauet arma, cruor.  
 At sponsa pudor imperijs non cedit iniquis;  
 Nescit Romanus subdere colla pudor.  
 Hunc ego, si potero, vel pectoris aggere cingam;  
 Vel, si non potero, sanguinis imbre luam.  
 Desine funestis decreta inscribere chartis;  
 Scribere vel si stat, sanguine scribe meo.  
 Tunc pars magna mei folio circumacta loquente,  
 Narrabit stabilem sanguinolenta fidem.  
 Posteritas leget, ac dicet: Tanti ignis amoris  
 Non poterat scripto nobiliore legi.

## LVCRETIA MORITVRA.

**F**ERRVM, ah, dum nostra discindes stamina vita,  
 Causam etiam mortis vulnere scinde pari.  
 Frater erat vita pudor, ortu natus eodem;  
 Hoc pereunte, nequit vivere vita soror.  
 Ille abiit, iam vita abeat: tu dirige cursum,  
 Ne gemat, heu, fratrem flebilis orba diu.  
 Si quid adhuc vita restat, tua vulnera tollant;  
 Si quid adhuc culpa, tu quoque, tolle cruor.

Sic

*Sic pudor aquaeuis vita, sic vita pudori;  
Dum cadit hic iuuenis, non cadet illa senex.*

## VETVRIA CORIOLANVM

## ALLOQVITVR.

**H**OSTIS es, an Natus? cara das oscula Matri,  
Anne hosti potius vulnera saue paras?  
Si pius es, patria gladius cur imminet Vrbi?  
Oscula si quaris, quid geris arma manu?  
Me perimis, patriam armorũ dum turbine versas.  
Me premet heu Nato diruta Roma meo?  
Dicẽs Matrem Roma tumulaſſe ruinis;  
Scilicet illa meis oſibus urna cadet.  
Viſum erit at poſtquam viam tumultare Parẽtem,  
Has ſaltem fracto in marmore ſculpe notas:  
Dum caderet, noſtram Roma eſt amplexa Parẽtem,  
Roma & in amplexu contumulata iacet.  
Inde tuum quarent alij Cleopatra ſepulcrum;  
Roma meis fuerit oſibus una ſatis.

## P O R C I A.

Vide Plutarchum.

**C**ERNE femur noſtro patefactũ vulnere, Brute;  
Qua tua ſum coniux, nata Catonis eram.  
Indidit



*Indidit ille mihi primævis robur ab annis,  
 Inde fidem didici coniuge docta meo.  
 Non satis hoc? tacitum potui servare dolorem:  
 Cerne, gemit tantum vulneris ore dolor.  
 Arcanis præstare fidem tua Porcia, Brute,  
 Non queat? ah pectus sanguine disce meum.  
 Hoc ferrum testor, coniux, per tela, per hostes,  
 Possum ego non trepido pectore ferre pedem;  
 Et licet hostili, confosso in corpore, telo  
 Os hiet innumerum, muta silere queo.*

## E A D E M.

**P**ORCIA magnanimi scrutans arcana mariti,  
*Sauciat ah tenerum sanguinolenta femur.  
 Arcanum-ne fero scrutari credidit ense?  
 An fidei potius scribere iura sua?  
 Fama vola, tantum calamis haustura cruorem,  
 Et scribes quod non deleat ulla dies.*

## FILIA MATREM LACTE PASCENS.

**L**ACTE parens natam fouisti, nata parentem  
*Lacte fouet, matris sedula facta parens.  
 Ingeniosus amor formas se vertit in omnes,  
 Naturamq; suâ vivere ab arte docet:*

*Forſitan*

*Forſitan & natam docuiſſet ſanguine matrem  
 Paſcere, ſed melior lacteus humor erat.  
 Fortunata parens ſeris pueraſcis ab annis,  
 Incipis & vitam panè ſepulta nouam.*

## E A D E M.

**E**XPLORATVRVS nata pia membra ſatelles  
*Tangit, utrùm matriclauſa alimenta ferat.  
 Frange ſinum miles, mediâ nam pectoris arcâ  
 Eſcam habet, hac matris membra labantis alit.  
 Sed quid ages? docet hanc artem pius ardor amoris;  
 Hunc ſi non perimis, pabula ſemper erunt.  
 Scilicet ediſcet quid proſit, amore magiſtro,  
 Et qua naturâ eſt filia, mater erit.*

## MVCIVS PORSENA ALLOQVITVR.

**F**LAMMA, manum qua ſana coquit, tibi Porſena  
*Carpit, & in rabido prouocat ore faces. (pectus  
 Me dextra haud tangit dolor, at tuus aſtuat ignis,  
 Quem timor in pigrum conciet inde gelus.  
 Roma amor eſt, Roma dulcis me paſcitur ardor;  
 Ne dextrâ doleam, fax face victa facit?  
 Porſena, Romanus nondum te territat ardor?  
 Ah fuge, ne cineres auferat aura tuos.*

F

DE

## DE MUCIO ET VRBIS EVVIONE.

**S**VRGIT *ab extinctis Troia rediitina fauillis*  
*Roma, & funesto maior ab igne-redit:*  
*Devincit flammis hostes, dum Mucius aris*  
*Injcit impavidam Rege tremente manum.*  
*Contrahe Tibri pater fluctus, Vrbis vivit ab igne,*  
*Inde sibi tantum flumina torva timet.*

## PHAEDRA MORITVRA.

**I**MPROBA *dum Phadra rimabere viscera, ferrum*  
*Excute dedecoris signa pudenda mei.*  
*Vt vixi, perij, peiorq, in amore nouerca,*  
*Quam cum odijs spirant ira furorq, necem.*  
*Hippolytum confecit amor, configat amorem.*  
*Hippolytus, nostro in pectore spirat amor.*  
*Quid Numen faciat peregrinum in corde nouerca?*  
*Id ferrum, atq, hostem vulnere fige meum.*  
*Nil odijs perago, sed amore ulciscor amorem:*  
*Perdidit hic iuuenem, perdat & hunc iuuenis.*

## FAVSTAE TVMVLVS.

**S**ISTE *gradum, quicumq, legis miserabile carmen;*  
*Inq, meos cineres probra nefanda iace.*  
*Fausta*

*Fausta breui excipior tumulo; sed dedecus orbem  
 Peruolat, & Fausta narrat ubiq; rogos.  
 Exarsi incesta Veneris salamandra; fauilla  
 Nunc etiam cineres caca sub antra vorant.  
 Sola nouercales volui contemnere leges:  
 ● Crispum amo. sed tandem vera nouerca fui.  
 Mortem amor hic peperit geminam, mox occidit ipse,  
 Funeraq; insolito trina in amore tuli.  
 Inde nec irata, nec amanti crede nouerca:  
 Tantum sauit amor, sauiet ira minus?*

HORATIVS SOROREM  
 INTEREMPTVRVS.

**Q**VISQVIS in hostili lacrymatur morte parumper,  
 Hic sua sanguineis fata gemet lacrymis.  
 Hostis amor, Patria est odium; dolor hoste perempto,  
 Est dolor incolumi (nonne pudet?) Patriâ;  
 Quid gemis, & thalami nondû comes, appetis utrò  
 Funera funeribus consociare tua?  
 Immaturus amor, matura vulnere mortis  
 Prouocat, & sponsam sponsus ad Elysios.  
 Ternos hoc ferrum fratres, ferrum excipe, iunxit;  
 ⁊ soror, & sponso iungere casa tuo.

## COCLES.

**A**RDVVS *Hetruscas acies umbone retundit  
Solum, & indomitas sustinet usque manus.  
Ite quibus premitur numerofo milite mundus;  
Quarite non quotus, at quantus in arma ruat.  
Quantus erat Cocles? nescis? hinc discite, quod urbem  
Immensam clipei contegit orbe sui.*

## E FLAGITIO FLAGITIVM.

**A**RDET *amans Paris, & flammam vomit im-  
probus hospes;  
Arsit at in Paridis Troia cremata rogis.  
Euolat è Troia flammis scintilla superstes  
Aeneas; Dido hanc nescia corde fouet.  
Protinus erumpens famam populatur & aulam:  
Mox Regina etiam candida membra vorat.  
Sic scelerum ramosa lues, sic ignis ab igne  
Crescit, & alternant probra nefanda vices.  
Comprime crescentem malesano in corde favillam,  
Ne cinere, ah, grandem corde flagrante premas.*

## CLYTUS HISTORICVS.

**P**RODIGVS *in laudes Clytus quo plenior auro est,  
Venali ingenium digerit arte suum.*

Sic

*Sic lucem historia offusi iubar occulit auri,  
 Solis ut exoriens occulit astra nitor.  
 Aureus est calamis, est aureus atramento:  
 Scripta negat si quis aurea, plumbeus est.*

## SEMIRAMIS.

**F**ORTE incompósitos dum digexit ordine crines,  
 Crispas vibratis dumq; implicat orbibus orbes  
 Femina, cui Babylon corde est regnata virili,  
 Dura Semiramius voluebat praelia miles:  
 Irreligata comas, tractuq; horrenda micante  
 Adfuit, & tantos compescuit ore tumultus,  
 Crine ferox trepido, tenuesq; micante per auras.  
 Sic formidatus purum per inane Cometes  
 Prodigiale rubet, crines flammatus iniquos.  
 Incomptam sic Regna decent, si compta fuisset,  
 Forsitan incompto iacuisset caesa tumultu.

## E A D E M.

**C**OMPTA Phrygē sequitur proles Leda maritū;  
 Diruit at Troiam, compositosque lares.  
 Ast incompta volat domitura Semiramis urbem;  
 Et male compositos sub tua iura trahit,

F 3.

Crinis

*Crinis opus varium. Nunc ite, & fidite Regnis,  
Dum tremit exili pendula crine salus.*

## CYRI CAPVT IN VTRE.

**A**RIDA qua siccas exasperat improbe fauces  
Cyre sitis, tanti fluminis optat aquas.  
Lurida sanguineis exundant fluctibus ora;  
Jam bibe naufragijs apta fluenta tuis.

## I D E M.

**S**ANGVIS alit vitam, viuax est sanguinis humor;  
Num Cyrum Tomyri viuere iniqua cupis?  
Demetis ense caput, vitam non eripis hosti?  
Eripis? in vita cur natat amne caput?  
Iam rursus viget, atque animam de sanguine ducit;  
Iam fremit, & saeuus bella pauenda tonat.  
Fallimur, illecebris Tomyris namque implicat hostem:  
Viuat, & optato in sanguine semper erit.

## I D E M.

**F**LVCTVAT in medio caput à cervice reuulsum  
Sanguine, purpureas nec tamen haurit aquas.  
Et quamuis sitis alta voret praeordia, quamuis  
Ingerat optatus vina fluenta cruor;

In

*In medijs sitit ille vadis, potumq; recusat,  
Sentit & in vita flumine mortis onus.  
Tantale quid quereris fugientia munera lymphæ,  
Si Cyro ingestus sit noua pœna liquor?*

## B. R. V. T. V. S.

**D**VM librat dominas Natorum in colla secures,  
Sponte sibi Patris nomina amata rapit.  
Patria succedit Natis; sunt funera tanti:  
Olim Natorum, nunc Patria. Pater est.

## MILES LVSITANVS.

Ex Maffeio.

**A**ESTVAT hostili vallatus ab agmine miles,  
Dū premitur numero victus, & arma cupit.  
Anne sibi hoc, dixit, voluit fortuna licere?  
Scilicet illa mihi Martis ademit opem?  
Ira ingens telum est; irâ stimulante, minister  
Dens vita, mortis vulnere dura geret.  
Sic ait, & dentem decussam vibrat in hostem,  
Dente minor, tantis maximus excunjs.  
Dens flammis permixtus abit; thalamosq; latentes  
Pectoris, & vix depopulatur opes.

Disce



*Disce quid ira queat; pectus comenutat in Actnam.  
Et vomit ore feros lata per erus globas.*

## TARPEIA.

**P**ACTA aurum, Romam prodit Tarpeia Sabinis:  
*Illam auro hostilis conterit inde furor.  
 Fata Mida cerno, optato moreretur ut auro,  
 Pauper & aggestas cerneret frus opes.  
 Aurum etiam ferit; innocuum hinc absoluite ferrum;  
 Tarpeiam auratâ cuspide tela necant.  
 Sed pretiosa tamen mors est, pretiosior urna;  
 Auro obit, utque auro contumulata iacet.*

## IVNII BRVTI TVMVLVS.

**H**IC iacet assertor Patrie, vindexq; Pudoris  
*Brutus, & hinc Patrie ira sepultus agit.  
 Numquam obiit, nam fama viris sic ampliat animum,  
 Ut nequeant, quamvis morte furente, mari.  
 Ut Patriam sensit pulsus dormire Tyrannis,  
 Ante vigil, somno lumen victa dedit.  
 Quid loqueris Casar? cunctos compeſce minantes.  
 Excitus eni rursus Brutus in arma ruit.  
 Scilicet hoc fixum est: dabitis dum fata Tyrannum,  
 Qui sua commouidet secula Brutus erit.*

ANNI-

## ANNIBALIS TVMVLVS.

**A**NNIBAL *hic situs est: cineres venerare viator,  
 Dum legis inuicti nomina tanta Ducis.  
 Arduus Italia superauit moenia, quamuis  
 Natura starent imperiosa manu.  
 Pectoris igne niues, praeuptas robore cautes  
 Vicit, & obiectas, saxa superba, moras.  
 Calum animis, hostes armis, elementa labore  
 Fregit, & Italia libera colla iugo.  
 Aeternus potuit per mille pericla videri;  
 Vincere se tantum ni potuisset, erat.  
 Postquam alios vicit, dirâ se morte peremit;  
 Et fuit ipse ferox Annibal Annibali.*

## CATONIS VTICENSIS TVMVLVS.

**L**IBERA *magnanimi complectitur ossa Catonis  
 Vrna; quid hoc maius nomine Roma dedit?  
 Hostili non ense cadit, non Caesaris irâ;  
 Deberi hac seruis turpia fata putat,  
 Corporis ast nexus anima indignata resoluit,  
 Liberaq; antiquo è carcere sponte volat.  
 Ossa nec arctari tumulto pateretur, in urnâ  
 Stent quamquam vinculis membra soluta suis:*

G

Sed

*Sed timet ingrata ne labe tyrannidis ossa  
 Tabescant, famulos iacta per orbis agros.  
 Ergo sponte latet, libertatemq; tuetur,  
 Et libertatis Regia sit tumultus.*

## C A E S A R.

**E**<sup>T</sup> gladio & calamo Caesar fama ampliat  
 aium:

*Fulgurat hinc doctus, strenuus inde tonat.  
 Dat calamus vitam, gladius quibus abstulit annos,  
 Nomina dum calamus tempus in omne notat.  
 Quisque sub hoc gladio morituros projicit annos,  
 Inde sub hoc calamo sacula longa trahit.  
 Debuit hoc calamo gladius clarescere, rursus  
 Hoc gladio calamus ritè colendus erat.  
 Caesaris eloquium debetur Caesaris armis,  
 Eloquium haud aliud Caesaris arma capit.  
 Caesaris eloquio debentur Caesaris arma,  
 Haud alia explerent Caesaris eloquium.  
 Ite Duces, qui magna agitis; qui scribitis, ite  
 Historici & facere & scribere, Caesarum est.*

CATI-

CATILINA SOCIOS CONIVRATIONIS  
ALLOQVITVR.

**F**IDA cohors, habitura mea consortia palma,  
Cymbia sanguineo sume opulenta mero.  
Hac tibi verus amor medio de corde propinat:  
Despice fumosis clausa Falerna cadis.  
Illa etenim vitis populatus vinitor vnas  
Exprimit, hac vita sunt alimenta mea.  
Si bibis hac, partem Catilina nescius hauris.  
Rumpere quis poterit fœdera tanta furor?  
Pugnabis? gladios in te Catilina rotabit.  
Vinces? hostili in funere testis ero.  
Noster crit sanguis, fera si cruor imbuet arma,  
Nec tua confoſſo in pectore vita cadet.  
Namque tuam nostro spirabit sanguine pectus;  
In te solus ego tela cruenta feram.  
Mentior, irarum cruor hic incendia iactat:  
Sentiet Ansonidam perfida turba faces.  
I cruor, & socios Catilina ardoribus exple,  
Atque meo flagrent corda aliena rogo.  
Pocula Roma vide: fitis his accenditur, amnes  
O quales Latij sanguinis ense bibam!

PRO  
ALEXANDRO CARDINALI  
ESTENSI

In Hispanias per hiemem soluente,  
AD BOREAM.

**O** QUI *nivali barbarus aëris*  
*Sauis Tyrannus vellere, turbines*  
*Compesce rancos, & minantis*  
*Classica comprimito furoris:*  
*Procul rigentis vincula marmoris*  
*Iniuriosi verberare flaminis*  
*Constringe, celso sue in Hamo*  
*Ore nives operosiore*  
*Compone; Princeps donec Iberia*  
*Regnum capeſſat, tectaq; vertice*  
*Cognata calo, qua PHILIPPO*  
*Rege tument habitata magno.*  
*Princeps ſeueri neſcius ingeni,*  
*Et fraudulentæ pectoris inſolens,*  
*Non debet aurarum duello*  
*Ludibrium male pertinaci:*  
*Inſanientem nec Boream decet,*  
*Regalis iram flaminis in leues*  
*Truiſe*

*Trivisse bacchantem tumultus;*

*Sit famulis ea cura ventis.*

*Longè tonanti murmure tu polos*

*Luctatus Austris concute fratribus,*

*Vel mugientes volue fluctus*

*Arbiter imperiosus undas*

*Manes et vel imos sollicitet fragor,*

*Concussus orbis dum gemit; arduas*

*Vel montium confringe frontes,*

*Robora concutiens cuncta.*

*Ast purpurantis Principis ambient*

*Latus minori flamina marmore,*

*Calumq; contractum, algidumque,*

*Degeneres Zephyri laceffant.*

A D

MAFFEIVM CARDINALEM

BARBERINVM.

**O** *QVÆ canorè culmina cœrticis*

*Cognata calo Calliope colis,*

*Descende, Maffeiis tacentem*

*Dum meritis citharam laceffat.*

*Tecum loquaces sollicitat fides*

*Dudum quieto dextra silentio*

G 3

*Assucta;*

*Affucta; te nil dulce nostrum  
 Ingenium parit abnuente.  
 Virtus beatum sit pretium sibi,  
 Nec mutuata luce renideat;  
 Nec fabulosis quarat astris,  
 Clara satis, numerum addidisse.  
 Tamen nitescit murice pulchrius,  
 Auroq; fulget; gemma velut iubar  
 Exertat insuctum, ambiente  
 Splendidior meliorq; ab auro.  
 Et Musa docto sidera vertice,  
 Pannosa quamvis, lucida tangere  
 Potest; sereno verum ab ostro  
 Ducit opes animosq; diues.  
 Testis vetusti nobilis Imperi  
 Alumna, Regum tacta manu fides,  
 Cum Caesarum vatunq; crines  
 Laureæ frons eadem impedivit.  
 Fecunda postquam sacula criminum  
 Auro incubarunt, occidit, occidit  
 Aetas Anorum, pertinaci  
 Docta animum studio beare.  
 Hinc in repostas ardua montium  
 Fugit latebras Musa virentium;*

*Fasli.*

*Fastidiosis pulsa ab aulis*

*Deseruit genus immerentium.*

PRINCEPS Latino murice fulgurans

MAFFEIVS altis deuocat è ingis

*Musam exultantem, purpuramq;*

*Auget opes pretiumq; Pindi.*

*Rursusq; in aulis carmina perscrepant,*

*Audita quondam sub Ioue frigida,*

*Et simplices ducunt choreas*

*Agmina Pieridum per alta, &*

*Protrita fraudis lumina saltibus.*

O vine semper, cui geminus comas

Honor praesumbrat; cui dat ostrum,

*Musa simul decus inuidendum.*

A D

ALOYSIVM CARD. CAPPONIVM

BONON. LEGATVM,

De Italiae tumultibus.

SIC obstinato praelia sanguine  
Male astuabunt? Italus, Italus,

Cognata demessus per arma

Sic patrio cadet ictus ense?

Sia



*Sic occupatas seditionibus  
Urbes rotabit turbine. Mulciber?*

*Plaga cruentas sic natabunt,  
Imperijs grœvida, per cundas?*

*Formidolosis agmina classis*

*Mortem excitant; illa perambulat*

*Campos cadentum tabe pingues,*

*Italia nece purpurantes.*

*Inauspicatos transtulit impetus*

*Mauors Getarum, sanat in Italos*

*Assucta bellis efferare.*

*Indomitos rabies Friones.*

*O tandem olympi è margine labere*

*PAX, florulentis aurea crinibus,*

*Secura mundi sospitatrix,*

*Cordis amor, requies laborum.*

*Tecum procellis imperet improbis*

*Qui frena docta mitia Felsina*

*Tractat benignus, cui Latina*

*Vitta comam obsequiosa lambit.*

*Qui peruicacis prœlia pectoris*

*Virtute frangit celsior arduâ,*

*Qui mulcet imbelles tumultus,*

*Atq; animum sine clade vincit;*

*Hic*

*Hic praeliantum corda furoribus  
 Regnata flectet, Martis inhospitos,  
 Pacis sequester, temperabit  
 Italia columen dolores.*

*Auita crines mordet adorea  
 CAPPONIORVM tradita posteris,  
 Tumultuoso qua labantem  
 Restituit patriam duello.*

*Arvus minaci territus impetu  
 Exhaustit undas luridus aureas,  
 Ne fortè Tyrrhenum per aquor  
 Sanguineum ueheret tributum.*

*Hinc ciuium ardor CANDIDA sustulit  
 Vexilla ad auras, signa NIGRANTIA  
 Hinc explicauit. quis colores  
 Credat in exitium ruentes*

*Vicissim? amicis hostibus hostia  
 Florens supinum patria decedit  
 Demessa culmum; dissidentis  
 Bella uteri labefacta fleuit:*

*CAPPONIORVM donec originis  
 Heres, gementis vulnera patria  
 Curans, amoris fecialis  
 Composuit iubar & tenebras.*

H

Ergo

*Ergo parentum tessera te vocat  
 Ad arma Princeps; i, pete turbido  
 Distracta amicorum furore  
 Castra, pio violanda ferro.  
 Per te residet flamma, fugabitur  
 Mars, & liquabit Bistonias nives.  
 Eat cruentus; vindicanti  
 Roma tibi titulos sacrabit.*



AVGV-

AVGVSTINI MASCARDI  
SILVARVM  
LIBER SECVNDVS.

CAMILLO MOLSE COMITI  
AMICORVM OPTIMO  
AVGVSTINVS MASCARDVS

S.



LIBERO fidem meam, Camille Molsa amicorum optime; & Didonis morituræ querimonijs, quod me probaturum receperam, præsto.

Intelligent, opinor, qui obstinatè negabant, in argumento, lubrico illo quidem ac periculoso, Poëtam moribus non improbum modestè posse versari: ac nihil esse

H 2

se

se tam turpe, quod, vt ait ille, boni viri  
 prudentiâ non sanctescat. Alteram delati  
 muneris partem, cùm se dabit otium, ab-  
 soluam libens, & filiæ Iephte lacrymis  
 Parnassi lauros atque hederas irrigabo.  
 Tu interim vale, & me, vt humanissimè fa-  
 cis, ama.



ERYN-

## ERINNYOS

SIVE

DIDONIS PRODITÆ AB ÆNEA

CONQUESTIO.



ERGO-ne ventosum classis transiecta  
per aquor,

Ibit in Ausonias perfidiosa plagas?

Ergo etiam thalamis illuserit aduena  
nostris,

Aduena vix turpi lapsus ab igne fugâ?

Aduena quem toties indignans expuit aquor,

Credula cui Regni sceptrâ gerenda dedi?

Ille feret nostrum peregrina per oppida nomen,

Excussq; meis ibit onusta ratis?

Parce Aquilo, rogo parce rati, velut illa pudorem;

Quâ benè femineus merce superbit honor.

Dum spolijs pretiosa meis secat aquora navis,

Deprecor, ah, tanta classica rauca rati.

Non freta Peliaca proscindit filia silua;

Nec gerit in curuo vellera raptâ sinu.

H 3

Dar-

*Dardana vela vides; noster comes additus illis  
Nat pudor, heu Phrygiæ præda superba ducis.  
Si fortè ignotas, Latio procul acta, per ondas  
Cymba hiscat, vasto dissiliatq; salo;  
Quam meus, ah quondam, pudor irritus enatet alno,  
Ne meliore mei naufraga parte cadam?  
Manibus & quondam querulis novus exprobet hospes,  
Hic tuus, ô Dido, naufragus iuit honor.  
Quid loquor, heu demens, aut quam spe perditâ mitor,  
Votaq; cur odijs narro pudenda meis?  
Carbasa nonne vides gravidantibus incita flabris?  
Illa tua, Dido, sunt monumenta necis.  
Illa fluunt refluantq; tui vexilla pudoris,  
Transfuga quem ficto sustulit ore latro.  
Improba perfidia suspendunt signa rudentes;  
Quaq; vehit navem, deuehit unda fidem.  
Sic qui Cæcropsio tulerat stipendia Tauro,  
Illusit thalamis, Regia nata, tuis:  
Et deuota domum retulit periuria navis,  
Altaq; ab antennis lintea furua tulit:  
Quaq; tremunt rapti miseranda trophæa pudoris,  
Praludunt fati, prodita nupta, tuis.  
Externata malo, sed non frustrâ obstrepis auris,  
Frigidulósque cæs voce tremente sonos.*

*Scilicet*

*Scilicet ut lentos incuruat gurgite remos  
 Theseus, & ventis carbasa feta tument;  
 Lumina perpetuis absumens fletibus Aegæus  
 Despicit optata vela timenda ratis,  
 Et formidatum nati in sua funera funus  
 Pronocat, & verum falsa pericla creant.  
 Vltæ tuum saltem cecidisti Ariadna pudorem,  
 Auersâq; præcès non bibit aure Deus;  
 Quasq; tuis lacrymas negat osibus impius hospes,  
 Has, licet inuitus, patre cadente dabit:  
 Nec pater, infandum qui dedecus hauriat olim,  
 Ex Ariadnao fure superstes erit.  
 At meus incolumis iam nauibus imbuit aquor  
 Hostis, & è nostro littore victor abit.  
 Ergo ne libati statuet vexilla pudoris  
 Improbus, & Latios cernet inultus agros?  
 Dicar ego extincti thalamum temerasse Sichæi?  
 Dicar, ut heu nostris rideat ille probris?  
 Dicar, ut Ausonia narrantis pendula ab ore  
 Illudant tacita crimina tanta nurus?  
 Aestuet ah potius conuulsa per aquora classis,  
 Et fera periuros obruat unda Phrygas.  
 Naufragium quid inane meo formido pudori?  
 Iam perijt scopulo, quo perit acta fides.  
 O quoties*



O quoties scopulum tepido suspiria vento,  
Et fletus quoties contudit unda mei?  
Efferus ille tamen, veluti Marpesia cautes,  
Perstitit in rabidis imperiosus aquis.  
Ille gerit cautes, scopulosq; in corde latentes,  
Qui potuit lacrymis non lacrymare meis.  
Cacus amor fratrem non implacabile saxum  
Credidit, & nostrum per mare rexit iter.  
Protinus allisus perijt pudor impete vasto,  
Nausfraga cum socio est iuncta pudore fides.  
Ergo nihil superest: furialia classica venti  
Sumite, contorto turbine tela fremant.  
Quid magis exoptem, ut sceleris vestigia nostri  
Non relegat serus post mea fata nepos?  
In mediâ scribantur aquâ, fractisq; carinis  
Fluctuet instabili littera ducta salo.  
Littera sed quid erit? misera vestigia flamma,  
Qua statuet medio fracta carina mari.  
Monstrum ingens, fax scripta in aquis: dabit unda  
Nec feret aternas per undas salsa faces. (lituram,  
Ergo Aquilo freta contorque, maris unda dehiscat,  
Rursus & impatiens sidera ad alta volet.  
Si tuus aduersis solitus concurrere ventis,  
Montis & impositi frangere claustra furor,  
Nescit

*Nescit in Aeneam rapidis seuire procellis,  
Si mare multantes voluere nescit aquas;  
Suspirans cor ventorum auxiliare tributum  
Pendit, & ex oculis labitur unda meis:  
Hac pontum sternet; calidis suspiria flabris  
Ponti concutient aquora fusa oculis.  
Nauiget hac prado; sed amantibus obrutus undis,  
Moribus inficiet dulcia fata suis.  
Forſitan, aut fallor, lacrymis animabo carinas,  
Errabitq; meo Troica nympħa lacu;  
Aut potiùs Siren mœſtum queribunda per aquor  
Conciet in lacrymas corda proterua Phrygis.  
Decipior, tempuſq; tero; tibi Dardane prado,  
Imprecor, irati ventus & unda ruant.  
Mox ubi concidero violato sancta Pudori  
Victima, & abluerit probra nefanda cruor,  
Ipsa ultrix adero; laſo furibundus ab ore  
Spiritus erumpens perfida lina ruct;  
Pectus & iratos iaciens è vulnere fluctus,  
Obruct infano Troica ligna freto.  
Ipsa ultrix adero; vinoq; sub aquore viuens,  
Scylla ferox Phrygibus, vaſta Charybdis ero.*

## ELEGIA SECVNDA.

**S**ANCTE Pudor, Pudor heu facibus temerate mari-  
 Quas male nubenti sustulit alter Hymen: (tis,  
 Accipe quæ fundit tibi verba nouissima Dido,  
 Dum parat inferias sanguinolenta suas:  
 Parce precor saltem moritura, parce luenti  
 Morte, quod admisit vita pudenda nefas.  
 Sat vixi, dum vita fuit sociata pudori;  
 Altera ab alterius nescit abesse sinu.  
 Victima debuerat tibi iam cecidisse libido;  
 Floreret fato vita pudorq; pari.  
 Tu numen, pectus templum, cor sancta fuisset  
 Ara, fides ferrum, funeris auctor honor.  
 Me miseram! non ara sacris, ast area bello  
 Cor fuit, & validas sensit in arma manus:  
 Sensit & antiquo deiectum culmine Regem,  
 Et non legitimi Principis arma tulit.  
 Scilicet in solio cordis Pudor arduus olim  
 Constitit, & rexit Regna pudicitia.  
 Casta Verecundas pingebat purpura malas,  
 Cingere qua solita est regia membra chlamys.  
 Alba coronatos mordebant lilia crines,  
 Fama lecta manu, consita honoris agro.

Si

*Si qua meas fureret per uenas flamma rebelles,  
 Compressit Princeps bella proterua Pudor,  
 At postquam edomuit iam bella domestica sceptris,  
 Munit ab hostili mœnia prima metu;  
 Et Regni fines rigido custode tuetur,  
 Ne uia finitimis hostibus colla foret.  
 Inde oculos locat in speculis, pro mœnibus aures,  
 Clausa hosti ut seruent limina peruigiles.  
 Arcem quicq̃ fremit debellaturus ̃arbas,  
 Miscuit incassum uiribus ille dolos:  
 Si loquitur, uox uicta cadit; si blandius orat,  
 Frustrà orat; frustrà congerit arte minas:  
 Si lacrymat (lacryma quid non potuistis amantum?)  
 Labitur è cupidis irrita gutta oculis.  
 Præteriti decus altum aui stant castra Pudoris,  
 Nec tremefacta minis, nec temerata prece.  
 Sed quid non cernat, quamuis sine luce, Cupido?  
 Et quid non possit, sit licet ille puer?  
 Argus ad exitium, ualidaq̃ ad damna Typhæus,  
 Et uidet, & uincit regna Pudoris Amor.  
 Ille aditus cordis molles speculator oberrat,  
 Metitur uires, ingeniúmque loci:  
 Et quâ prona patent Hymenao castra pudico,  
 Admouet innocuas & sine fraude manus.*

Tros venit Aeneas, terris agitatus & undis,  
Errantésque gerit dura per arma Deos:  
Excipitur, Priamíque necem, Troiámque labantem  
Narrat, & uxoris fata gemenda sua:  
Nuntia tum pietas inimici dulcis amoris  
Arietat ignotâ corda pudica face;  
Et licet obstaret primi reuerentia lecti,  
Attamen ignaro in pectore vulnus alo.  
Si gemit ille, gemo, queritur si crimina Graiúm,  
Ípsa etiam Graiúm crimina tanta queror.  
Suspirat, nostro erumpunt suspiria corde;  
Si lacrymat, lacrymis proluo mæsta genas.  
Si rogat Anchisem, Anchisem mea vota fatigant;  
Si dolet ereptâ coniuge, Elísa dolet.  
Si furit in Danaos, Danaos ego vulnere figo;  
Sanguineus spargit tela, crúentor ego.  
Dedisco proprios, alienos disco furores,  
Femina femineo grandior ingenio.  
Tum cor amat, dixi, sunt hæc vestigia amoris:  
Ílle suâ alternat callidus arte vices.  
Protinus ingenuum suffundo per ora ruborem,  
Pristináque in pavidò pectore bella nouo.  
Anna sed (insano soror heu crudelior hoste!)  
Ventilat indomitas, corde micante, faces.

Ílla

*Illa meo primùm deiecit ab ore ruborem;*  
*Hostibus illa prior credula rexit iter.*  
*Deduxit tacitis Hymenaeum passibus Anna;*  
*Improbus at rabidi frater amoris erat.*  
*Anna soror, soror Anna, meis cur hostibus arcem*  
*Prodis, & heu fœdus seditione feris?*  
*Quas clades miseranda gemes, qua fata sororis,*  
*Vt tua fœdabis unguibus ora soror?*  
*Sensit & hoc calum, lacrymasq; effudit in auras,*  
*Jussit & atrato sole meare diem.*  
*O utinam subitam traxissent antra ruinam,*  
*Cùm nos imbriferens egit in antra furor;*  
*Victima regnanti cecidissem casta Pudori,*  
*Victima diuinis inuidiosa focus:*  
*Aut mecum sceleris iam fama sepulta iaceret,*  
*Obrutâque ingenti pondere tuta forem.*  
*Dij's aliter visum: Regno te extrudit auito,*  
*Sancte Pudor, flammis imperiosus Amor.*  
*Tu fugis, & fugiens disiecta per arua susurros*  
*Mille seris, nostrum pandis ubique nefas.*  
*Ah tandem iam pone modum, iam parce querelis;*  
*Sufficiat vultus immaduiffe meos.*  
*Si fremis, ultores iamdudum & concipis enses,*  
*Si sedanda meo est longa cruore sitis;*

*Mortem opto: mortemq; dabit mea dextera, crede.*

*Heu quid ago? ah potiùs confice corda Pudor.*

*Lase Pudor, misera ferrum tu sufficis unus,*

*Et dura caussam mortis inermis habes.*

*Sed propriâ cadat usa manu mæstissima Dido,*

*Vindictæ ut propriâ crimina dira manu.*

*Illa tuo interimat regnantem in corde Tyrannum,*

*Et pereat tantis diues ab exuijs.*

*Ibo, ibo, ferroq; meo rimabor amorem;*

*Quis scit an & ferro Numina victa cadant?*

*Te quodcumque meo sedes in corde superbas*

*Numen habes, Dido sanguinolenta vocat;*

*In tumulum solium uertens, in funera Regnum;*

*Victrix victoris uiuet in exequijs.*

*At tu sancte Pudor, nostro iam pascere fato,*

*Dum lauat effusus probra nefanda cruor.*

### ELEGIA TERTIA.

**I**TE anima pars magna mea suspiria cordis,

*Ite per Elysias irrequieta plagas;*

*Ite, meas narrate faces, narrate dolores,*

*Aura vicini funeris ite duces.*

*Est nemus umbriferum, miserorū carcer amantum,*

*Silua quod obliquo myrtea crine secat.*

*Alpheus*

*Alpheus querulis hanc praterlabitur undis,  
 Semper & irati flumina fontis amat.*  
*Narcissus vitreo se spectat amator in amne,  
 Et quibus, ah, perijt crescere discit aquis.*  
*Errabunda colit latebras resonabilis Echo,  
 Reddit & incerto credita verba sono.*  
*Fortè per umbrosam curarum examina siluam  
 Coniugis heu miseri flebilis umbra trahet.*  
*Ite anima pars magna mea suspiria cordis,  
 Ite per Elysias irrequieta plagas.*  
*Quis scit an occurrat secreto in calle Sichæus  
 Squalidus, & fratris vulnera nota gerens?*  
*Si non occurret, querulos impellite ramos,  
 Mæstaq; frondosis ingemat aura comis;*  
*Protinus agnoscat legatam coniugis auram,  
 Protinus excipiet feruida flabra sinu.*  
*Si non excipiet, lymphas tum fontis amantes  
 Consulite, & tremulas fluminis ite vias.*  
*O te sic numquam fugiens Arethusa sequacem  
 Temperet ardentes pectoris amne rogos;*  
*Atque faces in aquis proprio non igne calentes  
 Mitiget haud proprijs fons fugitivus aquis.*  
*Qua meus, ah, coniux quondam meus, arua pererret,  
 Qua colat, ah, silvæ myrtea tecta doce:*

Ne



*Ne suspirantis soboles temeraria cordis  
 Peruolet incassum vestra per arua diu.  
 Sic ego, cum nostri sub terras ibit imago,  
 Hospita cum silvas & nemora alta colam,  
 Grata feram fluuiio lacrymis vectigal aquarum,  
 Et tuus è nostro flumine crescet honor.  
 Ite anima pars magna mea suspiria cordis,  
 Ite per Elysias irrequieta plagas.  
 Oscula Narcisso iubeo libetis odora,  
 Ille mei forsàn nouerit arua viri.  
 Aura, lugentes aura, sociate susurros,  
 Et Floris foucant murmura vestra comas:  
 Quà meus erret amor silua per opaca docebit,  
 Monstrabitq; viam quà meus erret amor.  
 Se sic inuentum inueniat, teneatq; tenentem,  
 Sic se possideat semper amatus amans.  
 Ite anima pars magna mea suspiria cordis,  
 Ite per Elysias irrequieta plagas.  
 Sed melius poterit vocalis Nympha Sichaum  
 Prodere, per virides illa vagatur agros.  
 Ipsam ergo inclament vestri, ô suspiria, ventis  
 Illa imperfectos reddet amica modos.  
 Myrtea, dicetis, num tecta Sichaui oberrat?  
 Errat, inexpleto fabitur illa sono.*

*Sed*

*Sed quò carpit iter, uel quà nos tendimus illuc?*

*Huc, referet dubia conscia Virgo uia.*

*Coniugis ànne sua satis est memor? Est memor, Echo*

*Dicet, nam semper uixit amantis amans.*

*Possumus affari? Fari ingeminabit & Echo.*

*Num plorare licet? reddet & ipsa, Licet.*

*Sed qua caussa, simul cur non coeamus? Eamus,*

*Vox referet uestra Dux propè facta uia.*

*Ite anima pars magna mea suspiria cordis,*

*Ite per Elysias irrequieta plagas.*

*Ilicet ah mæsti uolitate per ora Sichai,*

*Et fugientem animam ferte sub ora uiri.*

*Dicite, iam iam aderit Dido tua plena pudoris;*

*Occidet heu propria uulnere fixa manus.*

*Audiuit sonitum sacratâ ex ade uocantis,*

*Iamq; uenit sceleris tarda pudore sui.*

*Errauit, fassa est crimen; sed idoneus auctor*

*Decipiens, noxa detrahit inuidiam.*

*Adde fidem Aenea, fuerit quâ parte pigendus?*

*Errandum fuerit, error honestus erit.*

*Quid iuuat, heu demens, scelus excusasse nefandum?*

*Quid ue latere cupis crimina læse Pudor?*

*Erraui, erraui, nulla est erroris honestas;*

*Coniugis ah pœnas exige lente dolor.*

K

Erraui,

*Erravi, lasus Pudor est, lasusq; Sichaus:*

*Erravi, & sanctum prodidi iniqua torum.*

*Ipse rubor frustra malis iam multus inerrans*

*Sanguine funestum scribit in ore nefas.*

*Olim abiit pulsus, traxitq; ad corda cruorem,*

*Vt mage sanguineo in corde caleret amor:*

*Nunc redit in vultus, cordisq; cubilia linquit,*

*Vt demum incipiant frigida corda mori.*

*Frigida corda mori multo sine sanguine nollem;*

*Sanguis abi, & cordis perflue castra mei.*

*Iam ferro veniam cordis bibitura cruorem,*

*Abluet expressus arma sinusq; liquor.*

*Erravi, ô furias male sanâ in mente rebelles!*

*Erravi, ô cacas pectoris usque faces!*

*Prodere ten' potui thalami comitemq; laborum,*

*Optaram quondam quo moriente mori?*

*Ferret ut in terras alieno sole calentes*

*Probra, peregrinis perfidus hospes aquis?*

*Ten' potui Phrygio, ten' posthabuisse latroni;*

*Quo pereunte, hostis vel mihi frater erat?*

*O mea vel sauis lacrymanda piacula Parthis!*

*O mea vel Stygio facta pudenda Deo!*

*Quid faciam? quo fonte scelus, quo flumine tollam?*

*Ni fluat è nostro flumine, fonte, cruor?*

*Vota*

*Vota mori mea sunt: huc huc violate Sichae,  
Infelicem animam vulnere conde tuo.  
Ut quos certus amor (dubium facit impius hospes)  
Iunxit, in Elysijs iungat & una fides.  
Tecum ego ferales, infelix umbra, per umbras  
Ducam perpetuas, sed sine luce, dies.  
Sol qui terrarum flammis opera omnia lustras,  
Sparge comâ extremam nobiliore diem.  
Si tua, dum sceleris furerent contagia primi,  
Lumina praradians oculuere iubar;  
Improba connubij forsân ne vincla viderent,  
Vincla catenatam qua rapuere animam;  
Nunc mea dum sceleris delet contagia dextra,  
Testis honorato in funere Phœbe veni.  
Tuq; ensis, manibus dudum quem tracto malignis,  
Duritiem à Domino disce cruento tuo.  
Scilicet hunc linquit? danda hac sunt munera nuptis?  
Num timet ingratas ne grauet ille rates?  
Jam mortis causam dederat, nunc tela ministrat:  
Non poteram telis fortè perire meis?  
Sed dedit, accipio, munusq; in corde reponam.  
Nostra quid exhorres vulnera lenta manus?  
Ensis abi, in medio Aenea stat cordis imago,  
Excute vulnerebus signa scelestâ meis.*

*Tuq<sup>3</sup> pyra, immitis quam flamma cupidinis ambit,  
 Vre notas fama, pectoris vire faces.  
 Deficio; iam sauit atrox à vulnere funus,  
 Jamq<sup>3</sup> graues oculos lurida Parca premit.  
 Ite anima pars magna mea, dispellite classem:  
 Ito anima, indignans perfida ligna quate.  
 Didonem perijisse sciat, perijisse queratur,  
 Dum gemet undantes per freta saua rates.*

## V E R.

AD FRANCISCVM BARBERINVM.



*QVID tantum mea plectra silent, eborisq<sup>3</sup>  
 canori  
 Fila tacent, nondum digito explorata mi-  
 canti?  
 Aonius quid cessat honor, scatebraq<sup>3</sup> loquacis  
 Pura represso quid non fugit unda fragore?  
 Cernis, ut in varios pubescit Dadala partus  
 Terra parens, laudisq<sup>3</sup> sua monumenta reponens  
 Pingit odoratis florum sua gesta labellis?  
 Liliâque irriguis argentea dum fouet hortis,  
 Muta sua extrudit folijs praconia laudis?  
 Tu tamen ah nondum plectro exoptata sonanti  
 Dextera*

*Dextera ades Clio, nemorosâque rura relinquis.  
 Sed quid ego Aonidum vocalem è fontibus undam,  
 Numinâque arcesso montes agitantia thyrsos?  
 Te sequor ô Veris tempestas florida, amorum  
 Mater, & amissa reparatrix cara iuuenta:  
 Quâ duce prata virent, senio quâ præsede tellus  
 Candida, lactentes rursus puerascit in herbas,  
 Funeris atque sui cineres ex igne superstes  
 Frigoris, in priscos operosa recolligit usus;  
 Et sibi iam senio effeta, ac niuibus morienti  
 Succedit iuuenis, partisque datura recentes,  
 Alitis in morem, prabet cui pabula Titan.  
 Tu mihi te dignum, mentisque capacius alta,  
 Et numeris animatum alijs, & amabile carmen  
 Suggere, quod Veris priscos instaureret honores.  
 Te canimus, tibi ludit ebur, tibi fila coruscant.  
 Si tibi pictarum turba officiosa volucrum,  
 Spiritibus vegetata tuis, vectigal amœna  
 Vocis, in argutos impendit garrula cantus,  
 Non intellecto modulans tua facta susurro;  
 Si tibi diductis gemmantes floribus horti,  
 Ora tot in Veris laudem ambitiosa resoluunt,  
 Quot tibi discludunt violato cespite gemmas;  
 Si tuba fit Veris frondes effusa comantes*

K 3

Arbor.

Arbor, & hirsuto trudens sua germina libro;  
 Te silent despecta chelys? Salve aurea cali  
 Temperies, mundique vigor, terrarūq; iuuenta;  
 Atque renascentis genitrix felicior anni,  
 Anni Aurora noui salve, quā terra rubente  
 Discolor Aurora nitet inuidiosa comanti.  
 Namq; ubi venturi graditur prænuntia Solis  
 Purpureas impexa comas, roseoque flagello  
 Sidera regnato latè dispellit olympo,  
 Pallida tabescunt, ac lucida tela diei  
 Prona reformidant, Phœbum patrēmq; tyrannūmq;  
 Aversata suum, lacrymas fugientia roris  
 Demittunt, aurāsq; sua in suspiria cogunt:  
 At tua dum melius lux aurea purpurat ore,  
 Ver orbis Matuta noui, tunc prata renident.  
 Pulchrius, & nostris adulescent sidera campis:  
 Lacryma si tenues irrorat vitrea frondes,  
 Cogitur in gemmam pretiosum pondus in hortis,  
 Et florum dispersa comis argentea fulget,  
 Et Natura rubet, gemmam dum gemma coronat;  
 At si florenti populo leuis adstrepit aura,  
 Blanda fouet flores, atque oscula libat odora.  
 Ergo iterum salue tempestas nuntia pacis,  
 Horrida qua Zephyro componens auspice bella,  
Mollia

*Mollia tranquillum vi cogis in otia calum,  
 Dulciaq; instauras ridentibus otia terris.  
 Scilicet immanis dum cali detonat ira,  
 Et tempestatum glomeratur in aëre turbo,  
 Frigida concreta iaculantur spicula nubes,  
 Aspera bacchantes contorquent spicula Cauri,  
 Nix terris inimica ruit, gladióq; silente  
 Lancinat agricola iam pubescentia vota;  
 Pignora quot terra, cali penetrabilis ira  
 Excutit, atque aruis late grassatur apertis?  
 Mox hiemis sinuata volant vexilla per auras,  
 Qua tandem terris statuit sua signa subactis.  
 Infelix mater, tantis iam viribus impar,  
 Concrescit, firmátq; humeros, hiemísq; superba  
 Ferre iugum, ac dominis discit parere pruinis:  
 Pignora sed superas iam iam eruptura sub auras  
 Comprimit, inq; sinu claudit tremefacta profundo;  
 Parca prius soboli quàm mater, & antè sepulchrum  
 Quàm cuna, sed Parca fouens, vitale sepulchrum.  
 Interea tu bella tonas, hiemémq; nigrantem  
 Ver agis in latebras, pellisque tyrannidis iras,  
 Et roseum instructis perlustrans arua quadrigis  
 Pacatas reuehis post aspera praelia luces:  
 Protinus alipedes blando cum murmure venti  
 Gramina*



*Gramina sollicitant, ludúntque per arua tepentes;  
Venturíque hilares testantur Veris honores,  
Deuictámque hiemem referunt, pulsumq<sub>3</sub> timorem.  
At Zephyrus volitans, interpretis pacis, & auspex,  
Indicat attonita redeuntia gaudia terra,  
Seminecésque rosas, latebrísque occulta profundis  
Lilia, purpureas iam cali educit ad auras,  
Vitrices pictura comas & tempora Veris.  
Ilicet erumpunt terra de viscere flores,  
Atque ubi torpenti candebant prata pruina,  
Terra oculus, cali linor, rosa purpurat ardens,  
Et regina suam vestit pretiosa tribunal,  
Flava coronata iactans incendia frontis.  
Frondeb<sup>us</sup> obuiat sedem, dumósque rigentes  
Armat in excubias, populo quo iura minori  
Tuta ferat, florésque suos transcribat in usus:  
Cingitur hinc Princeps, densóque satellite florum  
Emicat, & teneros iacit ambitiosa capillos;  
Inuidiosa astris, Aurora lumen, Olympi  
Gloria, Veris honos, & viuax pompa colorum.  
Namque ubi sidereis adolescens incipit aruis  
Ostentare rosas, quibus aurea tempora cingit  
Phæbi Aurora parens, fugiunt, radiósque resorbent  
Sidera, ne roseis hebetentur lumina malis:*

Tu


*Tu quoque Ver genitor, tantum cui filia debet  
Ornatum rosa, dum famulus tibi ludit in hortis,  
Floribus & plaudit Zephyrus, tu flamine mistum,  
Oscula dum libas nata, furaris odores.  
Ergo iterum salve, mundi genialis origo,  
Atque Deo Ver fecundum; quo terra parente  
Calumq;, & quidquid circumflusus halitus ambit,  
Quidquid & in gremio vaga continet Amphitrite,  
Exitit, Aethereo referens primordia Patri:  
Feta Deo, pretiosa parens, ô florea Veris  
Tempestas mundum peperisti ignara dolorum.  
Quid inbar aeternum iactas, terrâsque iacentes  
Despicias, obliquo conspergens lumine mundum,  
Cor cali nitidum, luna astrorumque tyrannus?  
Te quoque Ver peperit, crinesq; intexuit auro.  
Terra soror cali, rosa Solis, lilia Phæbes;  
Turba minor florum, stellarum est edita partu;  
Omnibus una parens tempestas roscida Veris:  
Hinc ubi cognato splendet uterque nitore,  
Calum terra refert humeros gemmata, capillos  
Multiplici stellata rosâ; telluris honoram  
Calum aperit faciem, tremulis florentibus astris.  
Ergo iterum salve, Natura gloria salve.  
Tu vero ô juvenis, cuius Ver ludit in ore,*  

*L                      Pingit*

*Pingit & Aprilis videntia pignora malis,  
 Cur animi impubes sinis alii marcescere flores?  
 Ingenij non gemma tumet? non purpurat hortus?  
 Non fouet irriguum mentis violaria flumen?  
 Quid tantum cessas iuuenum decus? i, pete saltem  
 Castalias. FRANCISCE rosas, teneroque capillo.  
 Plectere iam discas alieno flore corollam.*

## Æ S T A S.

## AD CONDISCIPVLOS.

 VO fugis, ô teneri genitrix felicior anni?  
 Impubésne rosas, viridiq; micantia culmo  
 Lilia, & omnigenis halantes floribus hortos  
 Deseris, heu sobolis proprij q; oblita decoris?  
 Lactentes cur sana parens tibi prodere fetus  
 Sic placitum, partús q; rudes, & matris egentes  
 Tradere, & immiti sic commississe nouerca?  
 Siste gradū miseranda parens; viden' orba comantes  
 Pignora ut atratâ demittunt fronte capillos?  
 Cernis languidulo iam iam pallescere vultu,  
 Te cedente, rosam; quondam qua prælia calo  
 Indixit, maior terris, sed non minor astris.  
 Siste gradum, prolémque tuam tuus educet ardor,  
 Nutriat

*Nutriet aura, iubar foueat, roresq; maritent.  
 Tu tamen auersâ votum fera negligis aure,  
 Et Zephyris inuicta super peregrina reposcis  
 Littora, qua roseo collustres lumine frontis;  
 Jamque tuos Aestas inuadit torrida fines.  
 Quod si tantus amor nostris discedere terris,  
 Nec precibus mutata loco sententia cedit,  
 I decus, i, nostrum, mentemque per alta sequacem,  
 Atque animum liquidas tecum, Dea, tolle per auras:  
 Te sequor, extremasque colo quas Maius honestat  
 Reliquias, & Veris amo fugientis honores.  
 Sed qua causa fuga, vel qui casusve, Deusve  
 In latebras Ver impulerit, tu Diua sonantem  
 Sueta animare tubâ Clio, rogo, suggere vati;  
 Namque potes meminisse, tuus si regnat Apollo.  
 Est locus, aethereis ubi Sol sua pascua campis  
 Instruit, & caulas reuoluto circinat orbe,  
 Astrorumque gregem per prata nitentia ducit:  
 Currus inde sui diffundens vomere calum,  
 Prodigus aterna dispensat semina lucis,  
 Qua, dum conniuens oculum sopiuit Apollo,  
 Immixta aethereis glebis adolescit, & aureas  
 Germinat in stellas, calumque coloribus auget;  
 Nocturnumque aperit Ver, quod florentibus astris  
 L 2 Pingit,*

Pingit, & aternos textus discriminat agros.  
 Leniter Eridanus stellanti flumine calum  
 Irrigat, & fusis dum sidera subluit astris,  
 Ingeminat lucem, crescitq; in lumine lumen:  
 Hic stella choreas agitant, prior Hesperus altam  
 Attollens flammam, ad lulum per florea prata  
 Astra vocat, noctemque ciet, scenamque recludit,  
 Qua superum exercet cali per gramina pompas:  
 Imperium hoc diuum, nitidig; hac regia Solis;  
 Hanc colit, hac tantum Phæbus se iactat in aulâ,  
 Immemor Amphrysi, solidog; adamante quadrigas  
 Instruit, & famulis latè spatiatur in aruis,  
 Sequæ uno contentus abit, terrâsque iacentes  
 Arduus obliquo gradiens vix despicit ore.  
 Vt picturato terram pubescere crine  
 Vidit, multiplicig; comas umbrare coronâ,  
 Floribus & variare sinus, atque amula calo  
 Sidera florenti sensim consurgere culmo,  
 Indoluit: noua sed terra miracula crescunt:  
 Namque etiam aduerso qualis traxisse colores  
 Nuntia Iunonis Phæbo solet, emicat Iris  
 Discolor in terris, & fœdera sancit in hortis:  
 Atque adeò rosa purpurei velut amula Solis  
 Fulgurat, & frontis iacit ambitiosa nitores;

Hac

*Hac ueniente, minor florum grex pallet in umbras.  
 Obstupuit, sed multa minans, & lampada quasans,  
 Indignatus ait: Qua tanta superbia terram  
 Extulit, ut cali describat floribus astra;  
 Et sibi iam Solémque nouum, noua sidera fingat?  
 Scilicet arcemur mundo, sua lumina tellus  
 In calum conuersa fouet, Phœbúmque recusat:  
 Hanc ego. Ledaos contorquet protinus ignes,  
 Icariúmque canem soluit, qui gutture terram  
 Personat igniuomo, patriúmque inflamat Olympum.  
 Hercules furit inde labor, collumque superbum  
 Asperat in flammæ, iratoque attonat ore.  
 Ipse uiam propiore legit Sol igneus axe,  
 Jamque faces per inane uolant, labentiæque astra  
 Iam scintillanti diffundunt nubila tractu:  
 Undique grassantur flammæ, ferus ardor ubique  
 Ingruit, & terram flagrantior obruit imber.  
 Talis, ubi insolitas Phaëton uersauit habenas  
 Infelix puer, & tedis consumptus amoris  
 Decidit Eridani liquidis tumulatus in uoluis,  
 Flamma etiam gelidas tepescit fluminis undas.  
 Arida tum primum telluris viscera febre  
 Ingemuere, sitis fauces exasperat ardens,  
 Et grauis exhaustos contundit anhelitus artus;*

Pectus hiat, densos cali trahit agra vapores,  
 Et densos calo regerit malefana vapores:  
 Splendor abit vultus, nitidus rubor ille genarum  
 Deficit, & forma macies corrumpit honores:  
 Exangues sine luce iacent in vallibus herba,  
 Pallida languenti tabescunt lilia fronde.  
 Iam venit, heu, morbo nimium properata senectus,  
 Et modo lactentes canescere cogit aristas:  
 Hinc timet extremis tellus succumbere fatis,  
 In medio pauescens rogo; iam iamq; crematos  
 Dimicat in cineres proprio moribunda sub ictu;  
 Ipsa sibi tumulus, rogos ipsa, atque ipsa cadaver.  
 Nec minus Oceanum vesani stella leonis  
 Increpat, & facibus iubet exardescere marmor:  
 Tum pecus ingemuit mutum, curruumq; retorquens  
 Dorsum, arcum simulat; cauda dein tela bicornis  
 Incutit, & lymphas aduersum vibrat in orbem,  
 Ut queat astrorum restinguere flumine tedas.  
 Verum impar flammis ubi silua excrescit in algas,  
 Conditur, atque umbras captat per operta natantes  
 Aequora; muscosos Phocas agit inde per agros  
 Innixos scopulis Proteus, Solisq; furentis  
 Illudit rabiem, extremis resupinus in undis.  
 Aestuatur humenti Nereus male tutus in aula,

Et

*Et rursus Phaëthontis equos, pluuiamq; calentem  
Formidat, medio admirans in flumine flammās.*

*Quin etiam Eliades, quondam pia turba, sorores,  
Dum metuunt inimicum imbrem, cui mistus in aquor  
Decidit, heu, patris confectus munere frater;*

*Diffudisse comas, atque obduxisse feruntur*

*Eridanum, ne fors iaculis feriantur iisdem*

*Fraterni cineres, nec priscā in morte quiescant:*

*Hinc media natat umbra lacu, fugit unda sub*

*Ilicet euasit Zephyro comitata marito (umbras.*

*Flora parens, regnūque suum, suaq; arua reliquit,*

*Labentēque rosas alium traduxit in orbem:*

*Ast ubi Ver pulsum calidam Sol igneus egit*

*Sub terram; decussa comas, ardore dehiscens,*

*Pulvere sordescens, viridi sine sanguine Tellus*

*Adfuit, & solium magni amplexata Tonantis*

*Turbida clamauit: Lacrymis non ora rigantur,*

*Summe Pater, lacrymas nam fundere posse negatur,*

*Flumina torrenti quando Sol ebibit ore.*

*Quis tam crudelis fatum mortalibus umquam*

*Flere negat? lacrymasq; vetat, prohibetq; dolorem?*

*Sola ego iam moriens, nimiosq; obsessa per astus,*

*Excidium proles cernens, mea viscera flammis*

*Vsta dolens, prisco florum viduata decore,*

*Flere*



Flere vector, votúmque gemens narrare Tonanti.  
 Tanta-ne caelestes etiam coquit ira? quid ergo  
 Magna vocor Mater, superis quíd-ve amula regnis,  
 Quando etiam lacrymas, etiam suspiria Phœbus  
 Denegat, & facibus pectus quatit asper hiulcum?  
 Ille abigit ventos, misera suspiria terra,  
 Ille bibit fontes, flentis solatia terra:  
 Et ne vocales argutet turba volantum  
 Materno in leto gemitus, calúmque laceffat;  
 Ipse agit in latebras volucres, & fata minatur  
 Aspera, ni teneant inimica silentia, Phœbus.  
 Vnda fluit taciturna vagis non incita ventis,  
 Et pede stagnantes pigro dat in aquora merces:  
 Ipsa etiam Natura gemit, facibúsque coacta  
 Aegrotat, queriturque sua dispendia lucis:  
 Mundus obit, mundóque cupit migrare, salubres  
 Vt quærat sine sole domos, & lucis egentes.  
 Tu tamen, ah, Terra precibus non flecteris ullis:  
 Tu me confectam iaculis, qua torquet ab axe  
 Phœbus, & exhaustâ nequidquam voce querentem  
 Deseris, heu pietas, nec tela inimica retundis?  
 Dixerat: intonuit laevum, dextrámque tetendit  
 Juppiter, & Terram affatu solatus amico est:  
 Parce metu mater, mea, si sunt regia, Phœbus  
Excipiet.

Excipiet mandata, tuum quo mitior orbem  
 Irriget, & graciles vultu maturet aristas.  
 Vix ea; cum sensim verso temone iugales  
 Altius obliquo traxerunt tramite currum  
 Solis, & affulsit terra clementior ignis:  
 Protinus in teneros adoleuit molliter annos,  
 Qui modò vagitu poterat tantum astra cingere  
 Mundus, & in terris coepit robustior atas.  
 Virgo genas Tyrio depingit murice Tellus,  
 Poma verecundo inficiens matura veneno;  
 Iam nec acerba fouet iuuenili in pectore poma;  
 Vbera sed proli vitam distenta ministrant:  
 Effusam iubet ire comam, nimboq; sereno  
 Ludere, & aurarum sensim trepidare flagello.  
 Flaua coma est iuueni, qualem (cum fusa metallo  
 Sacula primo Saturnia regna tulerunt)  
 Seruauisse ferunt annis melioribus orbem:  
 Sed viridis tamen antè fuit, redimitaque sertis:  
 Scilicet hac florum puero data munera mundo.  
 Aurea nunc rutilos circumligat infula crimes  
 Messè nouâ, terraq; comas regaliter umbrat;  
 Sic aurum intexto melius splendet in auro.  
 Illa sedet regina anni, segetesque beatas  
 Prouida venturis disponit in horrea sacris,

M

Desi.

Designatq<sup>3</sup> vicos rerum, annonamque futuris  
 Mensibus, anno etiam seruans alimenta labantis,  
 Inde coronatam tollens ad sidera frontem,  
 Calum amat, & tepidos dum vibrat in astra  
 vapores,

Nuntia torquet amor terra suspiria calo.  
 Iam redit, atque animat rursus praecordia sanguis,  
 Qui quondam exclusus calo indignante recessit;  
 Et iam sanguineas ostentat pampinas uuas,  
 Purpurat & Thisbes miseratus funera fructus.  
 Vos iuuenes, atas pleno dum viuida succo  
 Vernat, & arridet facilis clementia cali,  
 Quid vestras sine honore comas fluitare per ora,  
 Poma quid in rigido sinitis marcescere trunco?  
 Forsan inaccessi terrent vos ardua Pindi  
 Culmina? at ingenium validis secat aëra penus.  
 Frondis honorata stipes sterilescere visus?  
 At frontis sudore viret si forte rigetur.  
 Ite alacres; Pindus praeinget Daphnaide crines,  
 Pomaeque Sidonio vobis feret ebria fuso.  
 Sume animos mihi cara phalanx, plectroq<sup>3</sup> sonanti  
 Dum Procyon furibundus agit sua tela per auras  
 Treijcia ut quondam potuit lyra, contrahere filias,  
 Et plantas lucosque eic; sic aggere denso

Vmbra-

*Vmbrarum obuallata, leuis dum perstrepit aura,  
Solis inexhaustos illudes lenta calores.*

## A V T V M N V S.

Fragmentum.

AD MARCVM ANTONIVM CANOSSAM  
COMITEM.



*QVI pampineis exerceas ora lupatis  
Tigridis, & thyrsos agitas per inane co-  
mantes,*

*Bacche ueni, effusisq; hederis, tremuloq;  
corymbo*

*Aurarum ad lusu plaudentia flabra laceffe.*

*Euohe Bacche ueni, thyasis & Menade crudâ*

*Victor ab Eois referens tua signa subactis:*

*Proijce tela manu, flammantes deijce cristas,*

*Flauentisque coma (quales simulata gerebas*

*Virgo) reluctantem ferro crispentur in orbem;*

*Tortilis hic Tyriam sinnet per tempora mytram*

*Aureus, extremoque tremens in margine limbus.*

*Euohe Bacche ueni, mentisque per amia Nisa*

*Errabunda regens placido uestigia ductu,*

M 2

Cul-

Culmina da facili tandem contingere passis.  
 Picridum vale turba loquax, qua pectora tuatum  
 Pimplais perfundis aquis, aperisq; canoros  
 Natio de fonte lacus, mihi dolia musto.  
 Eeta nouo tristis dispellant nubila mentis,  
 Atque coronatis spumet vindemia labris.  
 Si tuus argento fugituo gramina mordet  
 Irrequieta ciens per siluas murmura riuus,  
 Leniter irrorans curuata cacumina florum;  
 Me rutilo melius flarescens proluet auro  
 Bacchus, & irriguo distendit murice uenas,  
 Molliter admordens tacito praeordia lapsu.  
 Euohe Bacche ueni, dum nutabunda choreas  
 Nympharum exercet Satyris immixta proteruis  
 Turba rotans thyrsos, crinali incincta corymbo,  
 Clementesque tuo pinguescunt sanguine colles.  
 Candide Bassareu, genialis confitor uua,  
 Latitiaeq; dator Liber, cui nomina mille  
 Fama dedit, Graium calamis subuecta per auras,  
 Huc adsis, per praela latex temulenta cruentus  
 Dum fluit, & labris undans sese ingerit ultrò,  
 Ossaq; peruadens placide mox suscitatur ignem,  
 Qui vocat ad cantus, irritat ad orgia Nymphas,  
 Alternisq; docet Satyros lusse Camænis.

Scilicet

Scilicet ut vario ditescens vinea partu,  
 Ipsa suis pretiosa opibus, frondente Smaragdo  
 Murice vel pingit, tenero vel temperat auro  
 Brachia, natiuis tractim gemmantia baccis;  
 Protinus in siluas latebroso prodit ab antro  
 Turba procax, cui capra pedes, dat cornua coniux:  
 Silenus sequitur pando subuectus asello  
 Ebrius, & inctans caput in diuersa caducum,  
 Illius hesterno feruent praeordia Baccho,  
 Nec cruor in venis trepidat, corpusve pererrat,  
 Saucia quem laceris non fuderit uua racemis.  
 Ille ubi de facili pendentia pectore vitis  
 Vbera conspexit, consanguineisq; racemis  
 Sopitos sensit cognati sanguinis ignes  
 Excitos, cupidamq; animam adsuprema volantem  
 Labra, coloratis libaret ut oscula baccis;  
 Salue, ait, ô numquam satis implorata bibenti  
 Mater, inhumano nimium male visa Lycurgo,  
 Votum anni, spes agricola mitissima, salue.  
 Tu gemmis Autumnum oneras, molliq; pyropo  
 Plectis honoratas operosa sine arte corollas,  
 Quas tenero absimilis depingit pampinus auro.  
 Tu nimio defessam astu, atque extrema trahentem  
 Fata siti terram, distentis nectare mammis

M 3

Prona

*Prona foues; propria tandem sed prodiga vita,  
 Cui lacrymas olim dederas (dum Vere tepanti  
 Semiputata truci deflesti brachia falce)  
 Sanguinis exundans pretiosa fluenta propinas.  
 Dum lassos terra declinat feta lacertos  
 Arbor, ab acclivi depromens aurea trunco  
 Poma manu carpenda; sinus tu gemmea dites  
 Recladis, calathosque graues, annique medullam  
 Seri aperis, venamque liquabilis elicis auri,  
 Ferrea quod curarum examina cordis inaurret.  
 Dum fessum in tepidis lacrymarum fluctuat undis  
 Cor, vasto indomiti absorptum maroris hiatu,  
 Naufragiumque timet; tu risus leta micantem  
 Fontem aperis, sternisq; lacum, qui spumens auro  
 Cor rigat, & salsos inducit nectare fluctus,  
 Naufragiumque parat vexanti corda dolori.  
 Tu seu pampinei curuata in fornicis arcum,  
 Desuper impendens, frondosi culmina cali  
 Tot variis operosa astris, quot botrus amatus  
 Educat & variâ baccas discriminat arte;  
 Seu mage connubio palo copulata marito,  
 Coniugis amplexus firmosâ blanda flagello  
 Expetis, in prolem gravidos enixa racemos,  
 Et paris, & partus mortales lactat hiantes.*

*Ergo*

Ergo iterum salae, Sileni gloria salae.

Dixerat: ad numerum Fauni iussisse feruntur,  
 Et choreas agitaſſe fera, crinésque ſuperbos  
 Protinus aëria motaſſe ad carmina quercus.  
 Orpheus Eumenides nunquam, delphinus Arion,  
 Amphion lapides, Amphryſi Cynthium arua,  
 Tyrteúsque mares animos, meliore laceſſant  
 Carminis, non ipſa Parnaſſia culmina Muſa.  
 Ecce autem gemini thyrſos impune per nugas  
 Criſpabant Satyri, belli ſimulacra cientes:  
 Alter in alterius procurrat cominus haſtam;  
 Suſpenſo ferit ille gradu, rotat alter in orbem  
 Terga fugax, hoſtem reuoluto ut verberet ictu.  
 Crura alternatim, mox brachia iaculat uterque.  
 Adſiliunt, inſtant, minitantur; hic obuius hoſtis  
 Ante oculos thyrſum ſimulatâ cade coruſcat,  
 Contentúsque metu pauitantem innoxius Ultrò  
 Præterit, obducto confeſſus gaudia victa.  
 Ille inſultantis ſuetus male ferre cachinnos.  
 Excoquitur furijs, & honeſtas imbibit iras;  
 Conſtitit in digitos, thyrſumque amplexus utraque  
 Fortè manu, ferus inſurgens altè extulit ictum,  
 Fregit & implicitum gemina inter cornua thyrſum:  
 Iamq; amens fremit, Ultrices iamq; aggerat iras  
 Alter,



Alter, & in cadem ruit imperterritus hostis;  
 Cum litem ancipitem numeris syringa diremit  
 Sileno modulante Dryas. Silenus ut æstro  
 Percita sanguineo Satyrorum pectora vidit,  
 Indomitasq; animas agitare in corde tumultus,  
 Admonuit Dryadem labris queribundus hiulcis;  
 Hac ubi per silvas temulento exastuat igne  
 Turba ferox, Bacchiq; avidis exhausta medullis  
 Flumina turgentes disrumpunt sanguine venas,  
 Atq; viam (heu rabies!) permutata vulnera quarunt,  
 Alligat ille truces, & nescia corda soporat.  
 Ergo ubi paulatim irarum deferbuit astus,

\* \* \* \* \*  
 \* \* \* \* \*

### PAVPERTAS LIBERA.

**B**ENE est: auara vincla tyrannidis  
 Tandem resolui: proripe te citò  
 Fortuna, votis vulneratum  
 Verte aliò pudibunda regnum.  
 Dudum catenis prada sub aureis,  
 Et seruitutis victima libera,  
 Sortis furori mancipati  
 Damna animi pretiosa flevi.

Iugo

*Iugo premebar nescius; insolens  
 Fortuna vitæ frena licentiùs  
 Versabat, aurato seuerum  
 Exagitans animum flagello.*

*O caca flauo pectora fulgetra!  
 Sic blandientis vos iubar occupat  
 Fallax metalli? sic renidens  
 Terra oculos ferit inquietos?*

*Tellus maritis ebria Cynthij  
 Flammis, latentes erudit aureo  
 Colore glebas; gleba cordis.*

*Imperium rapit impotentis.  
 Aurum sititis? prona micantibus  
 Aurum propinant sidera crimibus;  
 Hac vos dolosis incubantes  
 Diuitijs, furiata cernunt.*

*Hac, quæ lacunar imbricat ætheris,  
 Pingitq; noctem luminis artifex,  
 Defuncta fortuna triumphis  
 Pauperies opulenta calcat.*

*Ergo quid audes orbe plicatili  
 Versare rursus Ixiona? pectoris  
 Fortuna quid frustra laceßis  
 Arbitrium generosioris?*

N

Fuge

*Fuge ah rotanti turbine labilis,  
 Infame monstrum, crinibus orphanum,  
 Monstrum pudendis impiatum  
 Criminibus, sine laude nomen.*

*Tu lacrymato nauita in aequore  
 Suspirioso lintea flamine  
 Vrges auarorum, precantum  
 Vocibus imperiosa cautes.*

*In hoc libenter sarcina naufraget  
 Felix bonorum: pondus inutile  
 Quid terga delasset Biantis?  
 Cur domino dominetur aurum?*

*Iter uiator si breue concipis;  
 Inefficaci parce pecunia:  
 Congesta torquet ambulantiem;  
 Vita breuis breue poscit aurum.*

*Ita, excitasti iam satis irrita  
 Fortuna risum: lustra perambula,  
 Fuge in latebras; despicias  
 Quid toties meditaris artes?*

*Afflabis? auris iam melioribus  
 Cali magister pectora sospitat,  
 Et largus aeternis capacem  
 Diuitijs animum beauit.*

*Reflabis?*

*Reflabis? iras negligit hispida  
 Depraliantum per mare turbinum  
 Subductus in portam phaselus,  
 Cui placida famulantur unda.*

## P A V P E R T A S S E C V R A.

**P**OTENTIORVM pectoris hospita  
*Valete cura: me vacans iuvat  
 Egisse noctes, & quieti  
 Purpureas sine labe lucas  
 Sacrasse: Serum vellera murice  
 Sarrano in aulis ebria rideant,  
 Vt calcet instratum cubile  
 Diuitijs temulentus Heros;  
 Numquam seueras sollicitudinum  
 Eludet iras anxius, in toro  
 Artus reclinabit labantes  
 Indomito populandus ager.  
 Cura mapalis pauperis inscia  
 Celsas pererrant nobilium fores,  
 Sanaq; pallorem sepulto.  
 In dominos regerunt ab auro:  
 Plumas, soporis scilicet illices,  
 Docent acutis vulneribus lenes*

N 2

*Ferire*

*Ferire somnos: pluma telum est*  
*Diuitibus, feretrum cubile.*  
*Laboriosis ingenium fames*  
*Largita torpet; flamma frigidis*  
*Retusa curis, prouocati*  
*Segnitiam stomachi obstupefcit.*  
*Ite, ite cura: diuitis India*  
*Fastidiosam defero copiam;*  
*Bacchiq; munus saeuientis,*  
*Fata Mida speciosa, temno.*  
*Fortuna rumpit messibus horrea?*  
*Fortuna curas semine cum suo*  
*Seuit per agros; sic adultâ*  
*Cum segete inualuere cura.*  
*Ventus sonantes aggeret impetus*  
*Emolienti Nerea classico:*  
*Frustrâ minatur; vota nulli*  
*Credo rati, peritura in undis.*  
*Calum superbis nigriceat imbris,*  
*Agriq; dirâ grandine cupulenti:*  
*Non corda sacraui nouali,*  
*Olenio ferienda cornu.*  
*Frangat morantes spumeus aggeres*  
*Padus, benignis atque equitet satis:*

*Exastuan-*

*Exastuantes non natabit  
Spes mea deficiens per agros.  
Euerberatis machina mœnibus  
Insultet arcu puluere Martio:  
Mens tuta ridet fulminantem,  
Nec dominas metuit secures.  
Illa abdicatis fascibus imperi  
Maior, serenis insidet arcibus;  
Virtute se innoluens, maritam  
Pauperiem sine dote quarit.  
Dum Phœbus auro cœrticis improbas  
Bellator umbras sauciat, ignibus  
Non mutuat tunc renidet,  
Sed proprio ferit ore noctem.  
Sic inuidentum nubila dissipat,  
Non tela spargens aurea, fulgure  
Virtutis agnato sed ignes  
Pauperies animosa iactat.  
Auri valete ò pondera, pondere  
Curarum onusta; me leuis ignea  
In astra sustollet beandum  
Pauperies sine fraude diues.*

PSALTRIA IN PVTEVM SESE  
PROICIENS.

**H**AVSERAT *in silvis voces satyricus amantum,  
Vanaq; mendaci nomina fusa sono,  
Cum sponte indecori perijt Citharistria leto.  
Prisca ille irridens verba protervus ait:  
Sol sub aquis latet; unde diem speratis amantes?  
Obruit ah vestrum prodiga lymphæ iubar.  
Forſitan ex oculis amnes fudiſtis amaroſ,  
Dura quibus pœnas obruta Virgo daret.  
Illa vel undoso in speculo, sibi triſtis amatrix,  
Narcissi referens fata gemenda perit;  
Aut Siren cupijt lymphas mulcere querelis,  
Dum canit, & docto pollice tangit ebur.  
Sic reor: unda melos ſalit auditura canorum;  
Sed nimis, heu, cupido flumine colla premit.  
Ite, faces qui corde alitis: docet improba Virgo,  
Quo benè ſubſiſant flumine fax, & amor.*

P A V L V S.

**Q**VÆ me barba decet, malas mihi pingat honestas,  
Paulus ait. tonsor cui catus iſta refert:  
Tempora

*Tempora si numero, qualis non dedecet hircum,  
Te decet; ingenium computo, nulla decet.*

## L V C I V S.

**L**VCIVS amissum deflerat morte socalem;  
*Quem cernens, lacrymas fudit ab ore novas.  
Latitia nova signa; fretum lacrymando profudit,  
Posset ut in lacrymis naufragus ire dolor.*

## ANNIBALIS SPAZZINI CAPVT

## E MARMORE.

**S**VM lapis, Annibalem forsā quem rere uiator;  
*Sed lapidem artificis vix sinit esse manus.  
Non uitam dedit, Annibalem sed transtulit in me,  
Vt nequeam, Annibale non moriente, mori.  
Cetera si simili finxisset membra labore,  
Ipsum opus artificis falleret artificem.  
Docta pedes renuit capiti supponere dextra,  
Ne pedibus uiuens artis abiret opus.*

## ALPHONSVS FONTANELLA MARCHIO.

**N**VNC grauis in medio indagas arcana Lyceo  
ALPHONSE, & populi frena regenda doces;  
Mitior



*Mitior Etrusco exploras nunc pectine nervos,  
 Et placida ingenium temperat aura tuum.  
 Nunc etiam numeros dispensat dextra canoros,  
 Quos tecum artificis digeris antè notâ.  
 Sic lenibus grauiâ immisces, leniora seueris,  
 Vt grauior numquam aut dulcior esse queas.*

MAFFEIO CARD. BARBERINO

BONONIAE LEGATO,

VVÆ MVNVS VERNO TEMPORE.

**I**NTEMPESTIVIS *qua purpurat tua racemis,  
 Veris & Autumni consociavit opes.  
 Anne orbis MAFFEIE tibi sic militat atas;  
 Sollicites anni ut tempora, vel reuoces?  
 Nec reuocas, nec sollicitas, sed sistere cogis;  
 Illa tua fuerint iusta trophaea lyra.  
 Sed fuerit quodcumque; Urbis componere motus  
 Non poterit, motum qui cohibere potest?*

ANGELVS GRYLLVS PRIMI NOMINIS

POETA LYRICVS.

**N**VLLA *per implumes malas dū serperet umbra,  
 Phæbus eras vultu, carmine Phæbus eras;  
 Aut*

*Aut Siren querulum lacrymarum quæsta per aquor,  
Cordis & affectus eiacula pio.*

*Mox ubi creuit honor vultus, tu Thracius alter  
Amisſam reuocas ſqualido ab orbe animam.*

*Grylle quid incuſas canos? ah plectra laceſſe:  
Hi tantum deerant, ut morereris olor.*

## AD N. DE N. POETA

## EDITIONEM CARMINVM MEDITANTE.

**N**.... *volet fama pennis, calamumq; diſertum  
His inget, ut citius carpat honoris iter:  
Me tellus propiorem habeat, ne forte cadentem  
Sentiat; ad ſuperas mens volet una plagas.  
Nescius hic orbis, tacitoque inglorius auro  
Dum viuam, calo ſat bene notus ero.  
Sufficit hoc; calum ſi cui non ſufficit, ille  
Infernis rutillet clarior in tenebris.*

## AD PAVLVM RVBEVM COMITEM.

**P**ROFER opus; mundi cur ſic vota irrita differſ,  
Negligis & ſtudiij præmia PAVLE tui?  
Tu potis es calamis calamos adiungere fama,  
Ut ſubuecta tuo remige celſa volet:

O

Excubat

*Excubat ante fores, fetumq; exposcit alendum  
Illa tuum, tantis debita carminibus.*

*Quid senium expectas? patri succedat ut heres  
Partus, & extincti nomina tanta nouet?*

*Profer opus, viues, nec nomina tanta peribunt,  
Et patris in nati fronte legetur honor.*

PAVLVS RVBEVS COMES

AD AVGVSTINVM MASCARDVM.

**E**DAT opus, qui mentis opes effundere doctis  
Ingenij Venis non sine laude potest.

*Diuitias animi nequit hoc expromere pectus,  
Ni quas eliciat, mens tua fundat opes.*

*Non calamus noster calamos, quibus euolet; alas,  
Astra quibus tangat, nec mea fama gerit.*

*Sola tua ducent membrana carbasæ, tollent  
Qua calami ventis, quod celebrabit opus.*

*Remigio tanto me, Vates, erige Vatem;  
Gloria te, calami nec vehet aura tui.*

AD OCTAVIVM MENINVM

I. C. ET POETAM.

**V**T tua Pierios imitantia carmina cantus  
Hausimus, & rabidas vincere docta feras;  
Flicet,

*Ilicet, OCTAVI, tenui mea Musa susurro  
 Gestit in laudes ambitiosa tuas.  
 Carmina num temnes? colitur sed carmine calum,  
 Et fouet Augustus carmen oloris olor.  
 Carmen habe, OCTAVI; sed cor cum carmine Vatis:  
 Qui cordata neget carmina, corde caret.*

OCTAVIVS MENINVS  
 AD AVGVSTINVM MASCARDVM.

**C**VLTOR ô Heliconij recessus,  
 Et umbra nemorum sacrationum,  
 MASCARDE, ah nimium malum Poëtam  
 Bonis carminibus tuis beasti:  
 Hisce carminibus, venustiorum  
 Plenis, Iuppiter, elegantiarum,  
 Qua vel pulcher Apollo, vel Thalia  
 Dictavit tibi sub virente lauro,  
 Ad murmur placida strepentis unda.  
 Qui grates igitur pares rependam  
 Hoc pro munere, quod mihi perenne  
 Tui pignus amoris est futurum,  
 Planè nescio; sed Deos rogabo,  
 Vt hoc eximio tuo lepore,

*Rari dotibus ingeniq̃, captus  
Te Tiberis pater, & beata dignis  
Roma tollat honoribus merentem.*

PAVLVS RVBEVS COMES  
AD AVGVSTINVM MASCARDVM.

**D**VM petis athereos fama talaribus orbes,  
Ingenio laxans tam benè lora tuo;  
Cynthia hoc cursu splendorum auriga quiescit,  
Et radijs pingit quod pede verris iter.  
Dum canis, ipsa silet cali symphonia, pugnat  
Cum Phæbo Phæbus, qui tibi corde fluit.  
Vinces: nam fulgent mage lucida carmina sole,  
Carminibusq̃ micat mens tua clara magis.

AD PAVLVM RVBEVM COMITEM  
AVGVST. MASCARDI RESPONSIÓ.

**D**VM peto sidereos calamis audacibus orbes,  
Dadalus assurgens Icarus inde cado.  
Cynthia indignans radijs mihi demetit alas,  
Atque vltrix sequitur flamma cadentis iter.  
Dum cano, muta silet cali symphonia, cantus  
Indignata rudes, immeritumq̃ melos.

*Quid*

*Quid faciam calo ac Phæbo indignante? tacebo?  
 Quosq; loquax nequeo flectere, mutus agam?  
 Tu mihi PAVLE lyrâ calum Phœbumq; mouebis,  
 Aut calum & Phœbus carmine solus eris.*

AD CONSTANTIVM SCALAM  
 CANONICVM MVTINENSEM.

**P**AX fugit Insubrum rabido tremefacta tumultu,  
 Et secum Italia vota gementis habet.  
 CONSTANTI, dum sacra coles altaria, Pacem  
 Euocet à superis mens miserata plagis.  
 Carmine quid faceres tenero, si carmine Mauors  
 Increpat Aonidum pleetra canora truci?  
 Acra lyras vincunt clangentia, tympana cantus,  
 Arma iocos, Pindi rauca fluenta cruor.  
 Prosertis galea est, Phæbi pro fronde cupressus;  
 Proq; Erato Lachesis exequiale gemit.  
 Ergo aras dum ritè colis, tacitasq; loquentes  
 Pectore de sacro mittis in astra faces;  
 Pacem ora, veniet calo deducta; catenam  
 Scilicet effingit voce precantis Amor.

CONSTANTII SCALE  
AD AVGVSTINVM MASCARDVM  
RESPONSIO.

**B**ELLA parant, MASCARDE, homines, pax pulsa  
recedit,

*Aonijsq; pauct, Marte furente, chorus.*

*Pax calum repetit: sacros fugitiua recessus*

*Musa tuo quarit rite fouenda sinu.*

*Hic galeas non ipsa timens, cristasq; minaces,*

*Frondis Apollinea gloria sospes erit:*

*Nec tibi terrifico cessabit victa fragore*

*Edere dulcisonos blanda Camæna modos.*

*Interea profugam votis deposcere pacem,*

*Nostra erit hac monitis sedula cura tuis.*

*Sapius offensi timeo sed Numinis iram;*

*Spreta diu tardas despicit illa preces.*

*Quam pridem heu similes portedunt saeva tumultus?*

*Lenis at incassum murmurat ira Dei.*

MELCHIOR INCHOFER E SOC. IESV  
AD AVGVSTINVM MASCARDVM.

**P**HOEBVS Hyanteis Vatem quem subroget aruis,  
Muta diu rursus Musa Latina docet.

*Ille*

*Illa tua est, MASCARDE, suis qui sidera calis  
 Reddis, & Ausonio carmina digna solo;  
 Pelignus vixit, tu nobis vinito, priscis  
 Sideribus sidus iunge Poëta nouum.  
 Iungere sideribus tua carmina fortè uereris?  
 Iungent carminibus sidera seipsa tuis.*

## AVGVSTINI MASCARDI RESPONSIÓ.

**C**ARMINA sideribus si iungere, MELCHIOR, optem,  
 Sidera carminibus uel sociare meis;  
 Aut me sidereus moribundo gutture cygnus,  
 Aut lyra sidereis instruat apta choris.  
 Repo, calo inhiem? caca est, petat astra Camæna?  
 Cali oculos oculis capta uidere nequit.  
 Limes erit numeris, qui passibus; astra lacessat  
 Carmine, cui dignum sidere cantat ebur.  
 Me picturato describens sidere campos  
 Cogit odoratos aura referre sinus.  
 Perlege qua calamo Zephyritidis inter odores  
 Lusimus, hinc disces quàm procul astra colam.  
 Sola potest tua me uirtus super astra locare;  
 Hanc ego si celebrem, sidera iungo metris.



## FVLVIVS TESTIVS

## AD AVGVSTINVM MASCARDVM.

**M**ASCARDE, eloquio & Vatum virtute priorum  
 Perdita qui nobis sacula restituis,  
 Cui licet Aonidum sacros penetrare recessus,  
 Oraq, Castalijs fontibus abluere:  
 Ardua dum summi conor fastigia Pindi  
 Scandere, & insuetus denia saxa peto;  
 Porrige mî dextram, trepidos & dirige gressus,  
 Ne nova dem salsis nomina lapsus aquis.  
 Quòd si Aganippaos mihi fas haurire liquores  
 Per te, & Pieriam sollicitare chelym;  
 Te mea per cunctas resonabunt carmina silvas,  
 Et fies nostra gloria prima lyra.

## AVGVST. MASCARDI RESPONSIO.

**O**VTINAM siluam mulceres carmine, silua  
 Dignior Ausonio Consule nulla foret:  
 Rustica tam cultos edisceret aura susurros,  
 Docta quibus socias luderet inter aues:  
 Prona melos biberet vocalis Virgo, nec illud  
 Redderet abruptis facta diserta sonis:

Remi-

*Remigium libraret auis captiua canentis,  
 Spargeret argutos inde per arua modos:  
 Gloria prima lyra fierem, nam victa canora  
 Vltrò subiicerem barbita nostra lyra.  
 Ergo cane: est aliquid numeris vicisse; subibo  
 Sponte iugum, ingenij prada decora tui.*

A D

BERNARDINVM STEPHONIVM  
 E SOCIETATE IESV  
 EXPOSTVLATIO.

**S**ILICET *hanc etiam demum tentabi-*  
*mus arcem,*  
*Et tua pulsanda est carmine dura fi-*  
*des.*

*Carminē Bistonīa possunt mollescere cautes,  
 Flumināq; inuitum flexa referre pedem.  
 Carminē vibratos Celtarum contudit enses  
 Musa ferox, Martis non tremefacta minis.  
 Carmina Marmaricos possunt mulcere leones,  
 Et trahere immanes ad sua verba feras.  
 Quid siluas memorē, quid squamīa sacra natantū?  
 Hac scissum docto pollice traxit ebur.*

P

Carminē

*Carminè Persephonem properata retexere fata  
Orpheus, & Stygias stare coëgit aquas.*

*Quin etiam ad carmen dirarum ex ore sordum  
Hospita non patrio lacryma fonte cadit.*

*Carmina si poteris durus contemnere nostra,  
Dicêris cautes vincere duritie.*

*Sapè lacesitus, cur non rescribis amico?*

*Cur trahit inuisas muta Camœna moras?*

*Scribam, ais, ignoto? nouit me Flauia, nouit  
Crispus, inhumani culpa gemenda patris.*

*Tu quoque STEPHONI, tantum ne finge, beata  
Dum me Roma tulit noscere fasus eras.*

*Nunc quoniam uersor fatis auulsus ab Vrbe,  
Nec superest sine me nomen in Vrbe meum.*

*At tuus in nostro uiuit, semperq; uigebit  
Nescius auelli pectore fixus amor.*

*Et quoties Fausta relegam lacrymabilis ignes,  
Et Vatis toties nomina magna colam.*

*Crispe cadis? patri iuuenis deslendus, & hosti,  
Crispe nouercali fraude peremptus obis?*

*Heu dolor, heu lacryma, primo dum flore notantur  
Ora, cadis nulli cognitus ante necem.*

*Impiat infando dextram pater inscius ausu;  
Inscius, ah, potuit commaculare manus?*

*Ipse*

Ipse triumphali Capitolia ad alta quadrigâ  
 Vectandus, feretro flebilis inueheris.  
 Vna dies laurum potuit damnare cupresso,  
 Et Romæ plausus sustulit una dies.  
 Culpa fuit inuenem turpi placuisse nouerca,  
 Nec patrios probris conscelerasse toros;  
 Est-ne nouercales quisquam qui despicit iras?  
 Ast amor, heu pietas, funera tanta dedit.  
 Perdidit hunc pietas, clemens seruauerat ira,  
 Opprimit hunc nimio victus amore pater.  
 Arma furor sauus proiecerat, induit arma  
 Mitis amor, Crispus vulnere amoris obit.  
 Spretus amor matris, patris sed lasus; uterq;  
 Pugnat, in innocuum spicula uterque iacit.  
 Proh, quantus qualisq; tui flos integer aui  
 Occidis, & crimen dissimulare potes?  
 Eluis heu proprijs aliena piacula pœnis,  
 Ducis & in venas tela aliena tuas.  
 Si tibi qua regerit meretrix fera crimina prodis,  
 Impius in matrem damna pudoris habes:  
 Si lasi tacitus formidas damna pudoris,  
 Cogere innocuus sceptrâ paterna pati.  
 Roma amor, ornatus Roma, sic decidis heu heu,  
 Sicq; tuum in medio Parca reprendit iter!

*Hac dixi quondam, Crispi dum funera flerem,  
 Qua gemit in Tragico syrmate tanta chelys.  
 Nam cui sic rigido lapidescant viscera saxo,  
 Ut relegens lacrymis abstinuisset queat?  
 Iudicis inuitas iras quis ferret amantis?  
 Quis gemitum irati voce tonante patris?  
 Sceptra patris quò Crispe rapis, dum crimina matris,  
 Dedecus atque tibi laesus inurit amor?  
 Attamen est tanti iugulum cessisse nouerca:  
 Viuis Crispe tuis maior ab exequijs,  
 Dum quatit orchestram, Thymelem dum concitat ar-  
 Torquet & igniuomas Musa Sabina faces. (dens,  
 Maior obis, sensusq; trahis, lacrymasque sequaces  
 Elicis, hoc syren Parthenopaa docet;  
 Hoc quæ septeno baccata est vertice tellus,  
 Quæ Crispi toties luctibus indoluit.  
 Hinc neq; iam Sophocles Romana Tragædia Graijs  
 Inuidet, & Senecas euehet inde minus.  
 Dum feret iratus ponto vectigal aquarum  
 Tybris, & Ausonias alluet usque plagas;  
 Tortile dum Phœbe fraternâ luce nitescens  
 Ducet iter stellis inuidiosa suis;  
 Tempore dum primo gemmascent floribus horti,  
 Dum liquidum franget gutture carmen auis;  
 Fama*

*Fama erit, & Crispi numeris animata sonoris,  
Nomen & aeternum Vatis ab ingenio.  
Ille tuum cum Sole decus disperget in oras,  
Quas & trans Indos alluit Oceanus.  
Hac dixi quondam, Crispi dum funera flerem,  
Funera Romanis tam benè culta modis.  
O decus Italia magnum, quo Vate superbit  
Roma, sui quondam nescia Virgilij;  
An meritis forsan quasita superbia mentem  
Imbuit, ut nobis scripta cupita neges?  
Blandior abiectos tandem ah ne despice, tanti  
Flexisse est aliquid pectoris arbitrium.  
Flavia cur decies nobis repetita negatur?  
Debita iam dudum Flavia, noster amor?  
Hac satis: antiquas mulcet STEPHONIVS iras,  
Et redit innatum rursus ad ingenium.  
Versibus approperat iam iam comitata trecentis  
Flavia, iam votis saepè vocata redit.  
Me tenet antiquis celebrata Placentia chartis,  
Qua Roma quondam casibus ingemuit.  
Annibal hic cadem spirat, populúmque Quirini  
Demetit, hinc Roma Pergama celsa quatit.  
Discolor Eridano congesta cadauera torrens  
Euomit, ille suas tabe cruentat aquas.*

*Hinc dirum Trebia nomen Capitolin terret,  
Hinc Trebia audito nomine Roma pauet.  
O quoties cladis recoleus vestigia ploro,  
O quoties lacrymans Romula busta colo!  
Parte aliâ Eridanus Phaëthontis ab ignibus ardens  
Miscet aquas flammis, ignis & unda coit.  
Æmulus ille maris dum gurgite plenus honoro  
Labitur, occiduos solis amabat equos;  
Hoc tantum deorat, ne maior gloria pontum  
Efferat, ut Phœbus flumine mergat equos.  
Id vetuit lex fixa Jouis, rogat ille nitentes  
Ut nati saltem proluat unda comas.  
Mergitur hinc Phaëthon, currus auriga paterni,  
Et liquido Eridani conditur in tumulo.  
Hinc maius fluuio nomen, fata inde Sorores  
Non intellectis dura gemunt lacrymis:  
Plurima turgentes ripas hinc populus umbrat,  
Populus Eliadum fata superba comis.  
Aspera sed Bauj sileant iam barbita, credo  
Non feret incultos Musa Sabina modos.*

AD

AD IOANNEM VINCENTIVM  
IMPERIALEM,

De eius VITA RVSTICA, integro  
poëmate descripta.

**Q**UÆ viret intonsis frondescens silua capillis,  
VINCENTI, cithara pompa superba tua est.  
Scilicet hanc numeris nostras educis ad auras,  
Emicat hac tanta filia tanta lyra.  
Siluam olim viduus contraxit questibus Orpheus:  
Tu paris, & partam digeris antè chelys.  
Illius ad lacrymas adoleuit silua canoras,  
Nascitur hac trepidis semper adulta comis.  
Ille sibi exitium crudeli in stipite thyrsos  
Finxit, tu capiti laureaserta creas.  
Ille feras, tu corda trahis; sacra ille volantum  
Alligat, ast supplex utraque Musa tibi est.

AVGV-



AVGVSTINI MASCARDI  
 SILVARVM  
 LIBER TERTIVS  
 DE  
 REBVS TRISTIBVS.

---

MAXIMILIANO MONTECVCCVLO  
 COMITI

S.



EMO te prudentiùs de humanarum rerum inconstantia philosophatur, nemo frequentiùs de vitæ breuitate conqueritur. Tristia igitur hæc adolescentiæ utique infelicitis monumenta, carminibus utcunque concinnata, libenter accipies, libentiùs excusabis.

Nam

Nam, vt de ſcribentis ætate taceam, dolor phaleras atque pigmenta non patitur; & dum curis animum, oculos luctu paſcit, de calami ieiunio non laborat. Ego ſanè, qui ærumnas iamdiu de facie noui, vt acerba multa ferre poſſum, ita eadem verſu concludere non poſſum. Ad ſenſum mihi, non ad ingenium cadit perpeſſio calamitatum. Quiſquis in luctuoſis ſtilo ludit, næ ille ſanguine leuitatem ſuam in poſteritatem tranſcribit. ò duros animos, qui de doloribus ludos faciunt! - Vale.



Q

IN

IN OBITU  
MARGARITÆ AVSTRIACÆ  
HISPANIARVM ETC. REGINÆ  
E C L O G A.

LYCIDAS.

CORYDON.



QVID gemis, ô Corydon, curisq; voracibus ager  
Littore ab Hesperio patrios concedis  
in agros?

Namq; lares postquam magni perta-  
sus Iberi,

Natales, tua tecta, casas, campósque subisti,  
Deiectâ sub fronte lego monumenta doloris.  
Vulnus alis Corydon, tacitûmque liquefcis in imbrem,  
Seu nitidas hebetata comas pallefcât in umbras  
Stella, iubar renocante Deo; seu Delia fratre  
Plena, suas agitet cali per amœna choreas:  
Non Scythia tamen arua colis, non littora Daci,  
Incultos aut Lastrygonas, Meroém-ve nigrantem,  
Atque pharetratis regnata mapalia Parthis;  
Sed tibi nimbofis trepidat temulentior undis  
Parma,

*Parma, suis famulata vadis, patriosq; penates  
Mordet aquis, studio tantum ancillata fideli  
Dum pluuiæ madent Hædi, dum tristis Orion  
Verberat imbre solum, niuium dum tabe soluta  
Fumat ager, tepidusq; undis superincubat Auster.  
Attamen obscuras defles fera fata per umbras,  
Et duram inclamas Lachesis, sociosque dolores  
Ore ciens, querulo funestas carmine siluas.*

*Dic age, quid largi corrumpunt lumina fletus?*

COR. *Dum ver purpureum primæuâ in fronte renidet,  
MARGARIS occumbit (nomen venerare pudicum)  
MARGARIS Hispani non frigidus ardor Amyntæ.  
Hinc riget in venis inconsolabile vulnus,  
Quod lacrymis sua fata gemens inflixit Amyntas.*

LYC. *Ille-ne, cui flammæ ditiescit vellus in aurum,  
Peliacæ monumenta ratis, rutilumque coruscant  
Prata per & siluas auratis cornibus agni?  
Ille-ne, cui faciles dum curiæ ad littora pisces  
Oceani populator agit, Regnator aquarum  
Prodigus arcanis gazis opulentat arenas?  
Ille-ne, Sardois ramosa corallia saxis  
Qui legit, Actæo donat quem flore Pelorus,  
Blandaq; Parthenope Siren? quemq; ultima Solis  
Vrba colit, famulis cui supplicat India gemmis?*

Q 2

Hic,

COR. *Hic, Lycida, ô quali violavit flumine malas,  
Irrita quot vacuas olim dispersit in auras  
Carmina, dum querulo discindit pectine nervos!  
Vidi ego pallentis tabescere fletibus ora,  
Interrupta meis suspiria vocibus hausi.  
Hinc patrios gemebundus agros ac tecta subiit;  
Plorantisq; animo quoties occurrit imago,  
Integrat infansum mea mens perterrita luctum.*

LYC. *Fama peregrinas volitans metuenda per oras,  
MARGARIDOS fatû, lacrymas vulgarat Amynta.  
Hinc nostri dominator agri gemit, ille Menalcas,  
Perpetuo cui vere nitent vegetata per agros  
Lilia, caruleis calum reverentia labris.  
Ergo gravi durata gelu dum nubila pendent,  
Balantumque greges tepido tacuere sub antro,  
Ante focos miseri referas mihi carmen Amynta.  
Sapè dolor tenero didicit mollescere cantu.*

COR. *Incipiam, si forte queant mea carmina curas  
Fallere; tu Lycida questus memorato Menalca.  
MARGARIS occubuit? cineri dateserta pudico,  
Et sacra coniferâ conspergite busta cupresso.  
MARGARIS occubuit? primævi corporis annos  
Vix egressa, suo funestat funere Amyntam.  
O Coniunx mihi cara vale, vale lumen Amynta.*

*Ducite*

*Ducite perpetuos, mea lumina, ducite riuos.*

LYC. *MARGARIS occumbit? lacrymis decorate sepulcrum,  
Et magni veniant iniecta ad lilia manes.*

*MARGARIS occumbit? famâ diem colligit orbem,  
Occidit, & miserum inestant fera fata Menalcam.*

*O semper mihi magna vale, vale cura Menalca.*

*Fundite funereos, mea lilia, fundite odores.*

COR. *Decolor auratas limo Tagus obruit undas,  
Indica diuitibus sterilescunt marmora gemmis,  
Dum tu stella cadis, cuius lux candida gemmas  
Educat occultas, fluctusq; colorat in aurum;  
Dum tu gemma iaces, atque auri vena beati.  
Ducite perpetuos, mea lumina, ducite riuos.*

LYC. *Turba gemit vigilum, pecori qua nocte silenti  
Excubat, optatas quod sic Tagus obruat undas,  
Quod neque diuitibus gemmascant marmora baccis:  
Induit auratos, nam te donante, cothurnos;  
Arsit & articulus, te concedente, pyropis.  
Fundite funereos, mea lilia, fundite odores.*

COR. *Templa gemunt, simulacra labant squalentibus aris,  
Atque tuo cadit, heu, pauitans in funere Virgo.  
Templa oleis, simulacra rosis, & vestibus aras  
Ditasti, vigiles aeterna ad lumina noctes,  
Te suadente, tulit iurato carmine Virgo.*

Q 3

*Ducite*

*Ducite perpetuos, mea lumina, ducite riuos.*

LYC. *Plorat inops, miseranda dolet sine coniuge coniux,  
Flet Pietas, castiq; tori fremit anxia custos;  
Namque inopi pretium, Vidua solamen amanti,  
Atque illibata tutum Pietatis asylum,  
Et lasi fueras vtrix metuenda Pudoris.  
Fundite funereos, mea lilia, fundite odores.*

COR. MARGARI, *dum septem venerantur marmora  
Nati,*

MARGARI, *dum viduus veneratur marmora  
Coniux,*

*In Natis, simulacrum ingens, tua viuit imago.  
Orbus amor, miserandus honos, in Coniuge sauit,  
Atque in vtrisq; ingens populatur viscera mœror.  
Ducite perpetuos, mea lumina, ducite riuos.*

LYC. MARGARI, *Et ad tumulum Natosque Patrémque  
Menalcas,*

*Si deceat, comitatus adit, cineresq; vcretur,  
Et locat in mediâ simulacrum pectoris arâ,  
Quâq; licet mulcet dictis in Coniuge vulnus,  
Et consanguineo sociat suspiria luctu.  
Fundite funereos, mea lilia, fundite odores.*

COR. *Huc cinerî date ferta iterum, manesque pudicos  
Vnda salutifero supremum flumine lustret:*

*Crescat*

*Crescat odorato myrti de vulnere Amyntæ  
Luctus, & in laso relegat monumenta doloris  
Cortice posteritas, verum testantia amorem.  
Ducite perpetuos, mea lumina, ducite riuos.*

LYC. *Huc tumulum decorate iterum, cinerésque beatos  
Caruleo, dum fata sinunt, conspergite flore:  
Stet pyra centenis facibus radiata; Camœna  
MARGARIDOS casum circum, gemitúsque Menalca  
Mæsta sonet, veros sacris testata dolores.  
Fundite funereos, mea lilia, fundite odores.*

COR. *Interea mihi sancta vale, vale reddita calo  
MARGARI, purpureis qua nunc rutilantior astris  
Lata nites; nostras olim solare querelas:  
Si quid amor potuit, Natorum dirige cursum,  
Lapsantes si fors calo spectabis ab alto.  
Sistite perpetuos, mea lumina, sistite riuos.*

LYC. *Et mihi sancta vale, cali vale sidus amicum  
MARGARI, sidereoq; sedens dilecta Tonanti,  
Coniugis ab quondam lacrymas absterge cadentes,  
Maternósque animos Natis, altamq; parentis  
Indolem, & ingenuas inspira pectoris artes.  
Fundite natiuos, mea lilia, fundite odores.*

IN



IN OBITU  
CÆSARIS ESTENSIS PRINCIPIS  
INFANTVLI  
AD ISABELLAM SABAVDAM ESTENSEM  
MATREM  
CONSOLATIO.



*QUISVIS es, immiti qui scribere iura  
dolori,  
Manantésque potes sistere frontis  
aguas;  
Huc ades, impatiens lacrymis dum  
fædat ELISA*

*Pectus, & ardentes vibrat in astra faces:  
CÆSARIS occubitus, vita solatia, blandi  
Delicias pueri, voce querente gemit.  
Sed quis crescentem cogat sub iura dolorem?  
Luctantésque p̄j comprimat oris aquas?  
Hei mihi, si patrijs tantum frenatur amoris  
Legibus, assuetus frangere vincla dolor;  
Quò magis ardet amor, magis aspera tela doloris  
Viscera contorto vulnere dilacerant.*

*Est*

*Est amor una sibi lex, est dolor una dolori:  
Hac ab amore trahit iura parente dolor.  
Ergo dolor, dolor ergo novas superingere vires,  
Maternósque feri sanguinolente sinus.  
Sic eat, & Matris iuuet exaudire querelas,  
Aurea funereis dum ciet astra modis.  
CÆSAR obit, puer ille domus flos integer, heu, heu,  
Matris amor, Patris gaudia, CÆSAR obit.  
Non intellectam vix vocem enodat ad auras  
Blandulus, & fracto marmure mulcet Auum;  
Vix conuiuenti subridens lumine, Matrem  
Falsis festinus ludit imaginibus;  
Lactea vix tremulo alternat vestigia passu,  
Et risu nouit candidiore Patrem;  
Hunc tamen immani leti mihi turbine Clotho  
Abripit, heu rabida vulnere saua manus!  
Non legit impubes Enna Proserpina gemmas,  
Sed iam maturas demetit ungue rosas.  
Lactentem segetem non damnat falce colonus,  
Flaua sub incuruo vulnere arista cadit.  
Implumes celsâ non deijcit arbore nidos,  
Captat depictas durus arator aues.  
Tu pubescentem laceras Mors inuida gemmam:  
Gemma sub infantis cortice CÆSAR erat.*

R

Nascen-

*Nascentem mare non claudit Solem, at morientem  
Excipit undoso Tethyos urna sinu;  
At meus exoriens, primoque in limine cali  
Sol cadit, ante diem præripiturq; dies;  
Quaq; olim Soli cunas, Aurora sepulcrum  
Instruit, atque onus in funere triste subit.  
Illa oculos puero solita est recludere Soli,  
Nunc singultanti comprimit illa oculos.  
Quis ferat hoc? Solem venientem Aurora trucidat,  
Exequiasq; suas Sol gemit exoriens.  
Sol mihi CÆSAR eras, oculis quo Matris adempto  
Heu nox luminibus sanguinolenta venit:  
Sol cadis? ah lacryma saltem consternite marmor,  
Sol cadet in vestras, flebile pondus, aquas;  
Vix mundum ingressus, primaq; crepuscula vita  
Occidis, & retrò cogitur ire dies.  
O quoties mecum hac: Quàm tu quàm clara daturus  
Lumina, cum medio fulserit axe iubar!  
Dum tua, dicebam, spatijs adoleverit ætas,  
CÆSARIS æternus nomina pandet honor.  
Tu proavos, atavosque puer, tu gentis avita  
Maior ab integro stemmata restitues.  
In te iterum releget Mundus monumenta priorum;  
Dicar ego tantâ prole beata Parens:*

*Segni-*

Segnitiamq<sup>3</sup> suam iam sera redarguet atas,  
 Dum tua facta, puer, fama loquetur annus.  
 Irrita sed cecidit Matris spes, irrita vota  
 Narravi rapido diripienda Noto.  
 Spes tecum periere mea, tumultoque sub uno  
 Et puer & Matris corda sepulta iacent.  
 Hac Mater repetit, dum singultantia verba  
 Excipit, atque ferox impedit ora dolor.  
 Sit fleuisse satis, longo iam parce dolori,  
 Et satis ah lacrymis sit violasse genas.  
 Non sic à Phario fugiens peregrina Canopo  
 Ingemit amissum Daulias ales Ictym.  
 Non bis septeno sic mæsta in funere Mater  
 Obruit undantes rore cadente sinus.  
 Non sic Alcides Nympharum furta dolosq<sup>3</sup>  
 Plorat, dum querulâ voce laceffit Hylam.  
 Non sic Euander Pallantis vulnera fletu  
 Abluit, & canas diripit ungue comas.  
 Non sic Euryalum Phrygijs exercita fati  
 Mater, in hostiles flet ruitura manus.  
 Ah lacrymis iam pone modum, sat fletus ELISA  
 Corruptis roseas imbre fluente genas.  
 Parce pios lacerare sinus, dignumq<sup>3</sup> Marito  
 Robur, & infragilem concipe ELISA animum.

R 2

Quid

*Quid CAROLI natam deceat, celsumq; cacumen  
Aspice, quo terra conspicienda nites.  
Aspice quid poscant ALPHONSI pectora, quantus  
Coniugis in validâ fronte triumphet honor.  
Mors sine plebeias debellet squalida mentes,  
Et sine vulgares scindat iniqua sinus.  
Utendum dederat Natum sine fœnore calum;  
Usa es, quid cali sidera dura vocas?  
Depositum iam redde libens, hoc mutua poscunt  
Munera, non certo persolüenda die.  
Omnibus hac leti pedibus via dura terenda est;  
Nec fatum fugiet terra fretumq; suum.  
Alter ut incipiens in terga revoluitur annus,  
Lucem lux condit, tempora tempus agit.  
Funera terra timet, senio iam fracta labante,  
Visceribusq; suis ampla sepulcra parat.  
Fert trepidum leti non evitabile telum  
Aequor, & undoso verbere saxa quatit.  
Formidant elementa vices, agitabilis aër,  
Flamma levis, tellus pensilis, unda fluens:  
Et qua centenis subducta theatra columnis,  
Insultant Superis vertice, calce Stygi,  
Ipsa sibi incumbunt, vastoque cadaueris ictu  
Elident vires imperiosa suas.*

*Ipsæ*

Ipse sui victor ruct in sua funera mundus,  
 Obruet & cineres urna superba suos.  
 Ito, & dum calum ~~ruptâ~~ compage labascit,  
 Communēsque vices orbis uterque pauet,  
 Sola tuos casus oculo metire madente,  
 In te solam oculos & tua damna refer.  
 At puer (heu lacryma!) subito spes publica vixit,  
 Et mors incipiens abstulit atra iubar.  
 Sed tamen incipiens fuerat lux debita nocti;  
 Nascitur in partu vitæq; morsq; pari.  
 Ac velut aduersum postquam quis cernere Solem  
 Incipit, à tergo ducitur umbra sequax:  
 Sic ubi purpureas cali conspeximus auras,  
 Nascitur, & tacito mors venit atra pede.  
 Attamen haud perijt CÆSAR, calum aspice Mater,  
 Vnde suos blando despicit ore puer.  
 Illic latus agit redimitus fidere crinem  
 CÆSAR, & astriferos latus oberrat agros.  
 Libat inexhausto cupidus de lumine lumen,  
 Perpetuam & pleno temperat amne sitim.  
 Nec puer, ut quondam, sed iam maturus, Olympi  
 Signata aeterno fata adamante legit.  
 Pectus inextinctus depascitur ignis amoris,  
 Gaudet at in flammis vita beata suis.

R 3

Semper

*Semper amat CÆSAR, semper DEVS ardet amante:*

*Viuat ab alterno semper amore rogus.*

*Ille faces bibit, obtutu defixus in uno,*

*Pectoraque aspectu Numinis icta gerit.*

*Aestuat, at dulci resolutus corda calore,*

*Nollet ab ardenti longius esse face.*

*Et quamuis rapidâ calum vertigine volui*

*Sentiat, & celeres ire redire vias;*

*Sub pedibusq; licet stellas egerminet ather,*

*Caruleosque nouo sidere pingat agros;*

*Subiectos quamuis ventos, nubeq; volantes*

*Cernat, & heu nimio regna paranda metu;*

*Hæret inexplētus tamen, & diuina tuendo*

*Ora, suos renouat corde micante rogos:*

*Expositumq; patet diuinâ in mente theatrum,*

*Spectat ubi instabiles orbis in orbe vices.*

*Venturas legit ambages, implexaque mundi*

*Sacula, caelesti qua latuere sinu.*

*Et lacrymas videt ire tuas; forsânque doleret,*

*Exulat à superâ sed ferus arce dolor.*

*Ergo oculis Mater lacrymas compeſce cadentes;*

*Non facit ad Nati gaudia tanta dolor.*

DE EIVSDEM PRINCIPIS OBITU  
EPIGRAMMATA.

## I.

**V**IX *matutinum surgebat CÆSARIS astrum,*  
*Lumine promittens uberiore diem:*  
*Ast immaturam obnubit mors pallida lucem,*  
*Nec sinit è medio vibret ut axe facem.*  
*O lucem sine luce breuem! vix Lucifer ortus,*  
*Solem praeueniens Hesperus emoritur.*

AD ALPHONSVM PRINCIPEM PATREM,  
DEVICTIS HOSTIBVS.

## II.

**F**RACTI *armis cecidere hostes, ALPHONSE*  
*triumphas,*  
*CÆSAR obit, Nati funera acerba gemis.*  
*Latabunda refert mors de victore triumphum,*  
*Plectit & è lacrymis gemmea ferta tuis.*  
*Vince animos ALPHONSE tuos, vincetur & illa;*  
*Victrix Victoris concidet icta animis.*  
*Dextra hostem vicit, mortem patientia vincet;*  
*Bis non plorato in funere Victor eris.*

## III.



## III.

**L**UX micat, & tonitru velox lucem enecat aether,  
 Extinctam plorant nubila mæsta facem.  
 Lux oculis vix nata meis puer occidis; & te  
 Mî calum ex oculis, morte tonante, rapit.  
 Nubila mæsta animi si non roratis in imbres,  
 Qui dignè ploret funera nullus erit.

De eiusdem imagine alis ornatâ, orbemque  
 cælestem altero pede premente.

**F**ORMA decens, pes astra premens, plumâq; vo-  
 lantes;  
 Lumina si obnubas, numen Amoris erunt.

Aliud.

**T**ERRAM olim, nunc astra premo, circumq;  
 Tonantis  
 Ora volo, aterni factus Amoris amor.

Aliud.

**A**STRA vocant puerum ad Superos, quoq; al-  
 tius alas  
 Explicit, ecce gradum supposuere suum.

Aliud.

Aliud.

**D**VM pedibus calum tango, calum emicat astris;  
*Dum volo quod tangam vertice, Sol fuerit.*

Aliud.

**D**VM pedibus calum tango, pes suscitatur astra;  
*Hinc volo ne tactu stella sit una polus.*

AD NESTOREM N.

IN OBITU PATRIS I. C. CLARISS.

**I**VRA pater dum caca aperit, dumque abdita  
 NESTOR

*Explicat, in legum qua latuere sinus;  
 Iustitiae simulacrum ingens, lex una, seculo  
 (Heu facinus!) Parca vulnere pressus obit.  
 Scilicet insultans Lachesis, Lex omnibus una est,  
 Occidat ut quondam qui modò vixit, ait.  
 Hinc ferit infontem: fatorum legibus ille  
 Subditus, exemplo iura colenda docet.  
 Fassa nefas Lachesis, Fuerat quis iustior illo,  
 Si moritur leges ne violentur? ait.*

S

IN

IN FVNERE BIBIANAE GONZAGAE  
CASTELONIS PRINCIPIS  
AMORIS EXEQVIAE.

**P**OSCIT amor lacrymas ; nam lacryma pascit  
amorem,

*Qui tantum in salso vivere fonte potest.*

*Scilicet ut cara referat natalia Matris,*

*Qua mare per vultum provocat, orta mari.*

*Hinc quod amat lacrymis tabet GONZAGA profusis,*

*Ignis & ardentes fluctuat inter aquas.*

*Rara fides, viget amne rogas, flammâ aestuat amnis,*

*Nec nisi per salsas proditur ignis aquas.*

*Abluet his undis corpus, facibusque cremabit,*

*Condat ut exequias causa doloris amor.*

*Sed quis erit tumulus? lapidescunt corda dolore*

*Principis, ut tumulum in pectore sculpat Amor.*

*Sculpfit, cordato recubat BIBIANA sepulcro,*

*Qua<sup>q</sup> animum quondam pectora, corpus habent.*

*Carmen scribet Amor: sublata coniugis, hospes,*

*Mortua membra, viri vincta sepulcra tegunt.*

AD

AD TARQVINIVM GALLVTIVM  
SOCIETATIS IESV.

LANGVIDA, si poteris, Latios Elegia  
per agros

Ibis, in amplexus non reditura meos:  
Sacra tibi septeno se tollit vertice  
tellus,

Qua fuit heu nostra causa dolenda tibia:  
Tybris tibi Ausonias mordet fugitivus arenas;  
Voluit & iratas imperiosus aquas.  
Mox sacros venerata lares, regnatque PAULO  
Limina, GREGORII culmina nota petes:  
Culmina marmorea in calum minitantia fronte,  
Culmina Palladijs adificata choris.  
Excubat in foribus tranquillo lumine custos,  
Ceu colat Hesperidum poma cupita, Draco.  
GREGORIVS Tyrio spirat spectandus in ostro,  
Laxa tibi se spatijs explicat aula suis:  
Occurrent iuvenes, tenui quos Pallas in arte  
Educat, & primum flectere verba docet;  
Inde quibus latices aperit, silvasque comantes,  
Et iuga Castalio nobilitata choro.

S 2

Cernere

*Cernere erit cultu quos asperiore Lycei*

*Erudit, atque trahit per loca senta rubis;  
Quos vehit, ut spectent nullo qua peruia sensu  
Abdita sidereis delituere globis.*

*Hos fuge, sic iubeo, vultus demissa tremantes;  
Non facit ad tempus lata Iuuenta tuum.*

TARQUINIVM *pete iussa meum: si fortè tonantes*

*Torqueat altiloquo feruidus ore faces,  
Muta sile; vel si recubans Heliconis in umbrâ  
Facundum Orpheo pectine pulset ebur,  
Tum quoque muta sile, numerosque bibacior hauri,  
Quæis solet immanes ille mouere feras:*

*Forsan olorino dedisces carmine luctus,  
Forsan olorino in carmine funus ages.*

*Pòst ubi se thalamo vacuus concluserit, adsis,  
Et mea cum gemitu tradita verba refer:*

TARQUINIO *incunda precor; quem diligis, ager  
Ingemit, & lentâ tabe peresus abit.*

*Morbida vis faciles sensim populata medullas,  
Intentat properam, viribus aucta, necem.*

*Albida tabentes macies corrumpere malas  
Cæpit, & incestat luridus ora color.*

*Fessa labat cervix, tussis quatit aspera pectus,  
Crura tremunt, cacum viscera vulnus alunt.*

*Flam-*

*Flammâque paulatim graciles depascitur artus,  
 Abditâque introrsus lumina panè latent:  
 Et licet attritis succos Epidaurius herbis  
 Misceat, immitis permeat ossa lues.  
 Hunc si conspicias, forsan mutata pauescas  
 Ora, nec aspectum, qui fuit antè, legas.  
 Nec studium dedit hoc Iuueni, non cura Minerva,  
 Nec qui dura solet frangere membra labor:  
 Nam neque Socraticis potuit pallescere chartis,  
 Nec de Pimplæo pellere fonte sitim:  
 Ast labor, heu, lacera mentis labor anxius, & quæ  
 Rebus in angustis non animosa cadit.  
 Tot gerit arumnis cumulatam pectus, ut hostis  
 Ipse etiam victus funera tanta fleat.  
 Ante diem mæret labefactus cladibus, inde  
 Ante diem iuuenis cogitur esse senex.  
 Ante diem tacitos curis prauertitur annos,  
 Fors etiam infelix occidet ante diem.  
 Tempora si numeres, iuuenem certè arguet atas;  
 Digere per menses vulnera, Nestor erit.  
 Cetera tu nosti: nequit intractabile vulnus  
 Tangier, ah remoue Musa dolenda manus.  
 Lingua sile, at ladunt inimica silentia pectus,  
 Et dolor inclusus viscera sæpè vorat.*

*Dum premitur, magis ille premit, frenumq; superbus  
Excudit, & fracto limite quatit iter.  
Si cohibes, fremit indignans, pectusq; pererrat  
Turbidus, & cordis depopulatur opes.  
Sic ubi nimboſo vallatur ab aggere flamma,  
Dissipat obſtantes imperioſa moras;  
Et raucum per inane tonat, tremulumq; coruſcat,  
Et Regum impatiens tecta ſuperba quatit.  
Sic ubi luſtantes nimborum in carcere ventos  
Aeolus imperio ſaxa ſub alta premit,  
Culmina feta fremunt, donec conuulſa fatiſcant,  
Certatimq; omnes quâ data porta ruunt.  
Sic quoq; dum cordis mentitur gaudia vultus,  
Et tegitur riſu nobiliore dolor,  
Ima petit, ſenſimq; vorat præcordia, donec  
Victor in ambigûa fronte trophæa locat.  
Jam vicit, iam ſceptra tenet, ſolîoq; potitus  
Regnator miſero plurimus ore ſedet.  
Forſitan & poſtquam vitiauerit ora tyrannus,  
Impius extremi funeris auctor erit.  
Quiq; per undoſum, lacrymis turgentibus, aquor  
Nauta fuit, roſeas ſanguine terret aquas;  
Nec ſua, qua ſinuunt poſcet ſuſpiria, vela,  
Prodiga vis anima carbaſa plena feret.*

*Sit*

*Sit Superis ea cura, tuos Elegia dolores*  
*Fessa tace, vulnus dissimulasse iunct.*  
*Si fera TARQVINIVS plorabit fata, repende*  
*Grata vices, merces constet amoris amor.*  
*Ille meum posset producere longius annum,*  
*Posset & optatos continuare dies.*  
*In precibus labor est, pretium sed vile roganti*  
*Creditur, in tuto nostra locata salus.*  
*TARQVINIO meliora precor, sic Rector olympi*  
*Non bibat auersa commodas aure preces.*

TARQVINII GALLVTII E SOC. IESV

AD AVGVST. MASCARDVM

RESPONSIO.

**V**ANA times: trepidis vanum da ferre procellis  
 AVGVSTINE metum: lenis est in corpore febris,  
 Quate sollicitat. Iubet hoc me credere versus  
 Amne fluens puro, & nitidis Elegia verbis  
 A te missa, modo qua me convenit in Vrbe.  
 Illi succus inest, & amabilis undiq; fulget  
 Ore color: non hac species est carminis agri,  
 Non habitus. nam cui pestis depascitur artus

Leti-



*Letifera, & stagnat putris intra viscera sanguis,  
 Illi etiam strigosa cadunt & pallida venis  
 Carmina, supremum auctoris testantia morbum.  
 Viue aded; & meliora olim sperare memento,  
 Prasertim exemplo doctus scribentis amici,  
 Quem miserâ iuuenem Cagnatus tabe peresum  
 Restituit Musis, & vita reddidit alma.*

## C H R O N O P O E I A

S I V E

D E F V G A T E M P O R I S ;

A D S O C I O S .



*ANNVS obit, Socij, lacrymasq; in fune-  
 re nostras*

*Prouocat; in lacrymas corda solu-  
 ta fluant.*

*Scilicet ille trucid moritur velut ho-  
 stia prolis:*

*Nam parit, à partu truditur inde suo.*

*Postumus exactum quò sciat annus in annum,*

*Armauit celerem, nocte sequente, diem.*

*Illa umbris, hic luce ferit; fugit annus utrumq;*

*Saucius, obliquum & sanguine pingit iter.*

*Multâ*

*Multâ etenim iâ parte minor (partē abstulit umbra,  
 Lux partem) stimulis angitur ipse suis:  
 Et velut Absyrtum iam Phasis Jasonis hospes  
 Dissipat, ut patris vota sequentis alat;  
 Reliquias sic ille suas nunc diuidit umbris,  
 Nunc luci, & profugus pergit inire viam.  
 Totus ut intereat, nullumq; euadat in orbem,  
 Mutatis properat Lucifer albus equis.  
 Aurora stabula alta subit, roseoque flagello  
 Phosphorus auricomi terga iugalis arat;  
 Inde fatigatum nota ad praesepia mittit,  
 Nocturnoque volat Hesperus altus equo;  
 Iamq; terit pedibus calcem morientis, & instat,  
 Vltima cum gelidus fata December alit.  
 Forte vices, cali mediâ in statione, tenebat  
 Septima nocturnis Hora ministra choris;  
 Tempore cum fractum, longaque ambage viarum  
 Cernit anhelantem caca per arua senem.  
 Iamq; labat, iam sponte perit non integer, & vix  
 Computat extremis membra voranda rogis;  
 Agnouit vultum, capitisq; opprobria cari,  
 Et fatis tremuit collacrymata feris.  
 Mox lentos miserata obitus, tractumque supremi  
 Funeris, in prouisum forcipe grata furit.*

T

Vixisti,

*Vixisti, parat exequias, quibus, Anne, quiescas:  
Multa sed, heu pietas, impedit orsa soror.  
Prodimur, exclamat, venienti supplicat anno,  
Et me cum proavo sauciat hora meo.  
Ecce ego iam morior, fato testata sequaci  
Deberi exacto funera nostra seni;  
Annus at exoriens folio trudatur auito,  
Nec nati fugiat tela cruenta pater.  
Dixit, & in tenues abiens euanida nubes  
Temporis ad tumultum sollicitavit iter.  
Est locus, occiduo quo sese margine Tethys  
Explicat, & Phœbi tarda reclinat equos;  
Annum ultra, Solémque ultra, calig, labores,  
Nullus ubi alterno voluitur orbe dies:  
Nulla rotas ducit sinuoso vortice flamma,  
Nulla per herbosos labitur unda toros.  
Nam neque constanti libratur pondere tellus  
Pensilis, aut flores educat aura iugis.  
Scilicet haud terram spirabilis halitus ambit,  
Parca nec alternas implicat atra vices.  
Antrum ani sedet exesum, squalentibus umbris,  
Aeternoque gerit terga sepulta situ.  
Intima non auro radiant laqueata micante  
Tecta, peregrinis Dadala tecta notis.*

*Sed*

*Sed neque marmoreus suspensus in aëre fornix,  
Subdita congesto pondere saxa premit.  
Scetilis haud varia discriminat arte lacunar  
Ordine digestus versicolore lapis.  
Non male compactos redimunt tectoria muros,  
Deceptura suis lumina pura dolis.  
Non castigatis rident emblemata saxis,  
Nec tremit artificis pensilis herba manu.  
Non flauo ludunt albaria culta metallo,  
Textile non clauos pondere lassat onus:  
Sed specus horrendum vasto se pandit hiatu,  
Cuius in immani perlegis ore chaos.  
Semper hiat, semperque patet venientibus antrum,  
Inde reuersuris clauditur ense via.  
Scilicet in foribus ferali lumine fatum  
Excubat, & segnes urget in antra gradus:  
Saxa iacent disiecta situ, cariæque labascunt,  
Crassâque sudantes permeat unda petras.  
Quis neget in terras tacitam sauire senectam,  
Saxa senectute dum labefacta tremunt?  
Clepsydra multiplici deducta coronide, cingit  
Speluncam, fati sæpè agitata manu:  
Sine leues versans cineres praeludia mortis  
Monstret, ut in cineres membra caduca vocet;*  
T 2                      Seu

*Seu mage guttatim conuersa reciprocet undas,  
Temporis exitium quò lacrymata flect.  
Ast ubi testudo fastigiat atra cavernam,  
Voluitur aeterno flexilis orbe rota:  
Hanc premit assurgens alis trepidantibus aenum,  
Et stabilem instabili librat in orbe gradum.  
Impius inde senex venientes despicit annos,  
Quàmque sit assiduo semita trita pede.  
Acta bis octonis cum sacra mentibus, annum  
Iam declinantem caca sub antra vocant;  
Euolat hic tetro explorans sua lustra sepulcro  
Ipse, quibus decrat ultima meta tribus.  
Huius in aduentus annorum excita meorum  
Excepit fratrem turba sepulta suum.  
Protinus exclamo: Vita ò mendacia nostra;  
Quanta sub hoc vita nomine monstra latent!  
Sic ergo tumultata aui pars optima nostri  
Clauditur, extremam flebilis ante diem?  
Sic uiuens tumulto excipior, partimq; superstes,  
Possum ego productor funeris esse mei?  
Sic spe decipior, sic mortem in pectore condo,  
Sic ego pro vitâ funera lenta traho?  
Sic atas gemet atatem, sic tempora tempus,  
Sic canet exequias praefica vita suas?*

*Anni,*

*Anni, labentes anni, flos integer aui,  
 Qua vos immiti messuit ungue manus?  
 Tam citò funereus vos turbo à stirpe reuulsit,  
 Turbo breues Veris depopulatus opes.  
 Tam citò crescentis mors gaudia prima inuenta  
 Dispulit, in vetitas ingeniosa neces?  
 Anni, florentes anni, decor irritus aui,  
 Et male constantis ludicra forma boni.  
 Vestra quid (heu facinus!) iam pubescentia vota  
 Protriusit rabido Parca proterua pede?  
 • Vos quoq, cur passu fugistis in antra silente?  
 Nec libuit vestra nos monuisse fuga?  
 O mundi illecebras, vigilantum ô somnia! Vita,  
 Quanta sub hoc vita nomine monstra latent!  
 Dicimus, heu, vitam, mediâ vel parte sepultam,  
 Vel nondum natam, credula turba malis.  
 Ducimus ignari, atque alimus spirabile funus,  
 Pignus & expectat tumba adaperita suum.  
 Maiores abiere, annorûque anteit ordo;  
 Et vitam, funus continuasse, vocant.*

ROBERTO FONTANÆ  
SANCTI LVCAE PRAEPOSITO.  
AVLICAE VITAE DEPLORATIO.



*ECQVIS* erit nostro modus, ò ROBERTE,  
furori,  
Qua dabitur misera meta secunda  
via?  
Abripimur caci, scopulisq; allidimur  
Aula,

*Et tamen in portu credimus esse ratem.  
Semper ab incerto curarum impellimur aestu,  
Attamen ignaros occupat alta quies.  
Blandimur ventis, decimas amplectimur undas,  
Oscula conuulso figimus usque mari.  
Naufragio instamus, inuat occurrere procellis:  
Nec satis ad mortem est vel meruisse mori?  
Iungimus inuentis quæsita pericla periclis,  
Pullulat è medio sæpè labore labor.  
Nectar in aquoreis temulenti quarimus undis,  
Et sitis epoto sauit adulta salo.  
Credimus Arctoâ pontum proscindere luce,  
Aut sub fraterno fidere inire viam:*

*Et*

*Et tamen Olenys puppis mea cupulat Hoedis,  
Acta sub ensiferi verbere cymba tremit.  
Scilicet hoc etiam calum tonat; igneus Aula  
Iuppiter intorquet tela trifidula manu;  
Cumq; oculo irridens videt fortuna doloso,  
An mihi Ledaum credis adesse iubar?  
Nauplius illustrat mihi saxa Capharea tedis,  
Ut paret exitio saeva theatra meo.  
Cur tantum sibi dura putat fortuna licere,  
Fingat ut arbitrio fata vicisque suo?  
Scilicet illa sedens apici superincubat Aula,  
Et quatit ambigua sceptris superba manu:  
Non aquo exagitat caecas examine lances,  
Vna sibi leges sponte proterua facit.  
Hunc premit, athereis imponit turribus illum;  
Lubrica perpetuo turbine versat opus:  
Impellitq; rota semper versatile fatum,  
Quod male compactus digerit arte labor.  
Ipsa sibi alternis facibus describit Olympum;  
Nec currum Arctois inuidet, Vrsa sibi est.  
Calum cui libuit ridente illuminat astro,  
Ut pluat è prono sidere ducta salus.  
Cui libet, infames partendit lumine clades,  
Semper in immeritis ambitiosa neces.*

*Hunc*



*Hunc alit aternis redituum angoribus, illum  
Proterit immitti semper iniqua pede.  
Hunc ferit ignota percussum laudis amore,  
Et sua fucato melle venena linit.  
Hinc ea quem carpit iucundo vulnere pestis,  
Sponte fouet tumido vota superba sinu.  
Ingentes agitat, tormenta immania, curas,  
Tortor idem, vindex, suppliciumque sui.  
Imbuat ut Tyrio metuendas murice vestes,  
Venarum exhaurit sanguinolentus opes.  
An tanti est chlamydem vermis saturasse cruore,  
Sanguinis ut libeat non meminisse sui?  
Sudata luces, vigilata ad lumina noctes  
Mortis in excubias fata morantis alunt.  
Nam nondum optato vestis scintillat in ostro,  
Pallidus atrati candicat oris honos.  
Nondum purpureo lucent sub fulgure crimes,  
Intempestivis albicat ipse comis.  
Sic, heu, canities, dum purpura quaritur, ora  
Occupat; exequijs conuenit ille color:  
Nempe canens domini falsus qui mulserat aures  
Canitiem in querulo funere cygnus habet.  
Pinget cruore genas quisquis sic desipis, ostro  
Non poterit tingi nobiliore chlamys.*

*Quot*

*Quot risum interea lacryma mercantur herilem?  
Fridis, ô risus, lux brevis inter aquas.*

*Quot facilem domini redimunt suspiria vultum?*

*O vero fallax aura redempta metu!*

*Gloria fortuna quot per dispendia crescit?*

*O chalybis duro vulnere clara silex!*

*Sic certo petitur requies non certa labore,*

*Fallax è veris sordibus extat honor.*

\* \* \* \* \*

AD AVGVSTINVM MASCARDVM

PAVLVS RVBEVS COMES,

De eius Orationibus in Principum  
funeribus.

**H**EROVM querulâ decoras dum funera laude,  
Natalem fama surgere cerno tua.

*Vox tua funeribus mage clara refulget, ut ardet*

*Nubibus oppositis sol meliore comâ.*

- *Bistonius potuit Vates deducere saxa*

*Carminè, tu solâ pectora voce trahis.*

*Carmina siquid posthac sermonibus addes,*

*Qua tuâ vox traxit, cantus ad astra vehet.*

V

AV-

## AVGVST. MASCARDI RESPONSIO.

**Q**UÆCUNQ̃ à tumulto, lucem mercatur ab umbris,  
 Vitam, Fama, diu filia Mortis aget?  
 Viuet, at exanguem spirabit Nata Parentem,  
 Et Natam implebit tetra Parente Parens.  
 Fama mori uiuens, Mors uiuere mortua disset.  
 Sic ego nec uiuam, PAVLE, nec emoriar.

## ALIA RESPONSIO.

**E**XORIENS mæstas mea vox impingit in urnas,  
 Et reiecta gemit vocis imago mea.  
 Vix nata illacrymans alienum præfata fatum,  
 Vagitum à cunis auocat ad tumultum.  
 Sic nata in lacrymis, sic crescens fletibus, auras  
 Vox ferit, & sortis vulnera nostra docet.

## IN OBITU

BERNARDINI SEMPERVIVI  
 SOCIETATE IESV,  
 POETÆ ET AMICI SVAVISSIMI,  
 EXTEMPORALIS EIVLATIO.

**E**T merito; quis enim cogat sub iura dolorem,  
 Ne riuat effusis panè cruentus aquis?

Siccine

*Siccine letiferis obnoxia pectora telis  
 Vulnerat immiti Parca superba manu?  
 Siccine concepto carorum corda fatiscunt  
 Funere? sic febris sanguinolenta furit?  
 Qua noua Tartareis erumpens pestis ab antris  
 Castos ignoto funerat igne sinus?  
 Qua noua tam dulces sensim depasta medullas  
 Flamma, peregrino conficit ora situ?  
 Confice corda dolor; modo corda perire dolore,  
 Vulnere qua tanto iam periere, queant.  
 Hoc etiam sibi sic voluit Mors sana licere,  
 Vt SEMPER-VIVAS rumperet atra dies?  
 Quis neget athereis laurus succumbere flammis,  
 Dum ferus irato Iuppiter igne tonat,  
 Quando etiam hos crines viduarunt fulmina lauru,  
 Et SEMPER-VIVVS igne flagrauit honor?  
 Scilicet ut nobis, tibi SEMPERVIVE, peristi,  
 De SEMPER-VIVO vertice vita fugit.  
 Laarea Pierides damnarunt ferta cupresso,  
 Et tibi conuulsas explicuere comas.  
 Lympha loquax vatium lacrymarum efferbuit astu,  
 Vt generet misero naufragus amne dolor:  
 Auræque facundas ludens peregrina per umbras  
 Dediscit proprios, icta dolore, sonos.*

V 2

Forſitan

*Forſitan & noſtris gemit auxiliaribus undis,  
 Qui tibi Caſtaliſio fluxerat amne liquor.  
 Forſitan & noſtro ſuſpirant flamine venti,  
 Mixta quibus Pindi docta remugit avis.  
 Sic SEMPER-VIVIS? proh nomina vana, perſiſtit  
 Sed SEMPER-VIVI cauſſa doloris eris.  
 Hac olim querulo iactabam carmine ad auras,  
 Dum mea confoderet viscera plaga recens.  
 Hac olim mecum curâ meditabar inani,  
 Dum tumida impatiens frangeret ora dolor.  
 Nunc curas renouant agitata inſomnia mentis,  
 Vultus & inſtaurant altera tela meum.  
 Nunc mouet in tacitis bacchantes oſibus ignes,  
 Et iubet atratam ſcindere Parca lyram.  
 Nunc nunc vincula animus domat imperioſus, & obex  
 Rumpitur iniuſſis panè ſepultus aquis.  
 Non ſecus ac tepido gemmata per arua mentis  
 Lactat odoratas garrula lymphæ roſas;  
 Si tamen aſſiduus lacrymans ruat imbribus æther,  
 Diſſipat oppoſitas unda ſuperba moras.  
 Vel ſi Phœbeo pater Appenninus ab igne  
 Concipiat rapidas, Aetna ſecunda, faces,  
 Aeſtuat, & ſenſim madidus ſudore niuati  
 Aut bellum aut flumijs vâſta tributa parat.  
 Sic*

*Sic eat; aternis iunct indulgere querelis,  
 Quas ciet heu tanto funere mersa chelys.  
 BERNADINE cadis votorum cura meorum,  
 Atque mea in calum prodita corda rapis?  
 Cur fugis ab sanctis non inficiandus amicis,  
 Cur tua tam subito lumina Parca premit?  
 Cur sacra qua docto tibi lusit in ore Camæna  
 Tabida non potuit flectere tela necis?  
 Cur immaturos Clotho tibi demetit annos,  
 Et mihi diuinas improba claudit opes?  
 Ite oculi in lacrymas, modò lacryma sola supersit,  
 Qua riget arentes sæpè vocata genas.*

\* \* \* \* \*  
 \* \* \* \* \*



AVGVSTINI MASCARDI  
 SILVARVM  
 LIBER QVARTVS  
 D E  
 REBVS SACRIS.

---

IOANNI MASCARDO  
 FRATRI.



BE NEVOLENTIÆ sunt hæc monumenta, quæ mittimus, non ingenij, Frater suauissime; in ipso videlicet adolescentiæ meridiæ subito quodam & intempestiuo calore profusa, verum consultò tibi à tui amantissimo consecrata. Neque enim tu is eras, quem nos  
 sine

sine piaculo præterire possemus, & vni  
 potissimùm tibi constare temporis ratio  
 debebat, quod in hoc ætatis flexu, in a-  
 moeniorum literarum sinu, quatenus per  
 annos licet, non otiosè conterimus.  
 Vale.



EPI-



## EPITHALAMIVM

## SACRVM.



FOEDERA nectit amor, quis foedera  
 rumpat amoris?  
 Ille amor, athereâ qui spicula torquet  
 ab arce,  
 Halitus ille Patris, Nati qui corda  
 lacepsit,

Atque Patris pectus reuoluto vulnere figit:  
 Ille suum meditatatur opus, calumq; pererrat  
 Imperio, mentesque novos transcribit in usus;  
 Vt calo terram, superis permisceat imos.

Fœdera nectit amor, quis fœdera rumpat amoris?  
 Cernis ut obstrictos genialibus ignibus arua  
 Incipiant laxare sinus meliore iuventâ?  
 Cogit amor, veteresque novat telluris amores;  
 Sopitasque animat rigido sub cortice gemmas.  
 Scilicet ardet amor, calum ardet, & ignea fundit  
 Tellurem tactura suam suspiria calum.  
 Illa coronatis incedit lata capillis,  
 Et purum sine labe polum miratur amanter;  
 Fundit

*Fundit odoratis florum suspiria labris,  
 Picta humeros, Variata sinus florentibus herbis,  
 Aemula sidereos ad pugnam provocat orbes:  
 Aut potius dum ludit amor, sua munera calo  
 Diuitias animosa suas ostentat amanti.*

*Ædera necit amor, quis ædera rumpat amoris?  
 Ardet amor, Deus ardet amor, soliúmque relinquit  
 Sidereum (ô pictas!) nostras effusus in oras:  
 Virgineos petit amplexus, purâque sub aluo  
 Conditur augustum contracto Numine Numen.  
 Et Numen contraxit amor? rapuitq; trifulca  
 Fulmina, quæis populos famulumq; exteret Olympû?  
 Ille latet, Deus ecce latet, ventrisq; tenebris  
 Acer amor iam iam nostras aspirat in auras.*

*Ædera necit amor, quis ædera rumpat amoris?  
 Mater amat Virgo, Nati dum sentit amores;  
 Tota micat, sed Sole micat, quem condidit aluo:  
 Cynthia fraterno sic fulgurat aurea vultu.  
 Maiorem reuehit orbe orbem mea Luna minori,  
 Orbem agit in paruo latitans Sol igneus orbe.  
 Quin etiam clausus claudentem deuexit orbem,  
 Luciferiq; sui fulget Sol lucifer ipse.  
 Luna suo graditur nitido plenissima Sole,  
 Lucidâque ambrosijs dispellit crinibus umbras,*

X

Vini-

*Viuidaꝫ ambrosium nobis inspirat amorem.*

*Fœdera nectit amor, quis fœdera rumpat amoris?  
Orbis amat, rursusꝫ, novos recalescit in ignes,  
Nec timet Australes pennis pluuiialibus iras,  
Nimbosamꝫ, hiemem minitantes despicit Hædos.  
Scilicet illa fuit, fuit heu miserabilis atas,  
Letifera cùm dira homines contagia culpa  
Infecere, quibus pudibunda resorbuit ather  
Lumina, tellurisꝫ oculis subduxit Olympum:  
Aëris hinc dubij repetebant iura, pruinis  
Horridus hinc Scythica violentior arbiter unda  
Sarmaticis insectus equis, Notus inde, capillis  
Cuius ab incanis pendentia nubila rorant:  
At Notus Aeolys Boream compressit in antris,  
Scilicet inductas pellat ne flamine nubes,  
Quas iterum ultorem iussus componit in usum.  
Protinus ingemuit, lacrymasꝫ effudit Olympus  
Luce quaterdenâ, donec resolutus in aquor  
Abluit impuris flagrantia sacula flammis;  
Criminaꝫ, ac terram lacrymis tumultuauit iisdem.  
At nunc ignis adest: Deus est, qui lapsus Olympo  
Mœsta suis mundi detergit lumina tedis.  
At nunc orbis amat: nullus qui fœdera pacis  
Sanciat, in madidis pingatur nubibus arcus.*

*Belliger*

*Belliger est arcus: pacis sed pulchrior Iris  
Nuntia, Virgineâ miscet sub nube colores.*

*Fœdera necit amor, quis fœdera rumpat amoris?  
Orbis amat, rorisq; bibit secunda mariti  
Pabula, dum tacitus conspergit vellera nimbus;  
Nec timet igniuomas, Natura crimina, nubes.  
Scilicet illa fuit, fuit heu miserabilis atas,  
Cum scelcrum ramosa lues grassata, tonantes  
In sua damna faces, calo indignante, poposcit.  
Hospita tunc primum bacchata per aëra flamma  
In pluias resoluta nouas, obscæna sonanti  
Flumine depasta est scelerata mœnia gentis:  
Erubuit Natura, videns ignita fluenta  
Sulphureis undare vadis, maculosaq; turba  
Sacula sacrilega calidis trepidare sub undis.  
At nunc rore madent placido sub sideris igne  
Vellera, & arridet genialiter aura susurro.  
Testis erit tellus, nullum qua sensit aratrum,  
Et tamen intumuit calo contenta colono;  
Et campi paritura fouet sub pectore florem.*

*Fœdera necit amor, quis fœdera rumpat amoris?  
Aliger hoc monuit, dum ingentia iussa Puella  
Detulit, expediens magnarum exordia rerum.  
Ibat inocciduo radiatus tempora Sole*

Egregius Iuuenis, roseo spectabilis ore,  
 Candidulas cui nulla genas lanugo colorat:  
 Educat intonsis glomerabile crinibus aurum;  
 Pars imbres imitata fluit, trepidoque decenter  
 Sulco findit ebur, quo ceruix nititur alta;  
 In spiram pars lecta nitet, velut infula Regis;  
 Pars ludit vibrata micans, aurásque lacepsit:  
 Scilicet ad speculum diuina mentis, honeste  
 Comitur, errantem cogens sub iura capillum.  
 Carula sidereis distincta coloribus, armos  
 Vestis obit transuersa, vitro fulgentior albo;  
 Dum fluit, ad ludum sinuosis flexibus auras  
 Prouocat, & Zephyris trepidans insultat amice.  
 Candida squallenti vincitur sura cothurno:  
 Alba habilisq; humeris dependet pluma decoris,  
 Aureolis simul ac roseis interlita gemmis.  
 Virginis in thalamis hic constitit Aliger, alta  
 E calo mandata ferens, ac fœdera pacis.

Fœdera nectit amor, quis fœdera rumpat amoris?  
 O niueas sine labe dies! ô sacra metallo  
 Fusa nouo! ô roseos reualutis solibus annos!  
 In terris Deus est, & fœdera sancit amoris.  
 Ite igitur Solymi per gaudia vestra beati,  
 Ite, nec obscuris vitientur nubibus auras;

Sol

*Sol flammâ propiore calet; Sol igneus orbem  
 Conficit in terris, signisq; recurrit amoris.  
 Fœdera nectit amor, quis fœdera rumpat amoris?*

D E

## DIVINI VERBI INCARNATIONE

## E M B L E M A T A.

IRIS POST NOE DILUVIVM.

**A**RDOR habet terras, Ultricia flumina calum  
 Excutit, & scelerum comprimit unda faces.  
*Inde micat Phœbi depicta coloribus Iris,  
 Fœderâque in pluvio velle scribit. amor.  
 Sol Pater est arcus, Nubes est Mater; uterque  
 Procreat, in fœdus ignis & unda coit.  
 Sol Deus est, Virgo Nubes, tu pulchrior Iris  
 CHRISTE: quis hæc rumpet fœdera tanta furor?*

MALA PVNICA ET MYRTVS.

Ex Pierio.

**P**VNICA mala vides, & olentē funera Myrtum,  
 Tam benè iuncta fibris, quàm male iuncta loco;

X 3

Radi-

*Radices etenim subterserpentia Myrti*

*Mala petunt, tantum fœderis urget amor.*

*Radici radix adnectitur, utraq; tandem*

*Arbor ab alterius vivere discit ope.*

*Mala Deum referunt; nos Myrtus:nectimur ambo,*

*Alter in alterius vivimus inde sinu.*

#### RAMVS ALIENAE ARBORI INSITVS.

**G**ERMINAT in rigido peregrinus cespite ramus,  
*Quem ligat in fœdus docta ligare manus:*

*Hospita non patriâ pendens ex arbore poma;*

*Et natura rubet, dum videt artis opus.*

*Et Deus athereum mortali in cortice ramum*

*Inserit, & pacis fœdera tractat amans.*

*Arboris hinc pomum de stipite Virginis orbis*

*Colligit; è mortis cespite vita fluit.*

#### NAVPLIVS PISCIS IN CONCHA.

Ex Plinio.

**N**AVPLIVS in curvâ, quò ludat in aquore, conchâ  
*Conditur, it viuo remige viua ratis.*

*Hic regit, illa vehit; socio sic gaudet uterque*

*Fœdere, quod nectit tuta in amore fides.*

Virgi-

*Virgineam ingreditur concham Deus, illa latentem  
Deuehit, hic cymbam per freta salsa regit.  
Ponite flabra Noti, mansuescite marmora; Naui  
Ac Nauta Rector vela ministrat amor.*

## AMOR CHAOS DISTINGVENS.

Ex Hesiodo.

**I**NDIGESTA iacet moles; terram opprimit aer,  
Flamma subit, tellus eminet, unda salit.  
Ast amor hanc animans distinguit, rursus in unum  
Miscet; stant certâ mixta elementa fide.  
Nos immane chaos calo seiunxit, Amoris  
Integrat en fœdus ingeniosa manus.  
Terra Deo, Virgo Matri, mortalis Olympæ  
Miscetur, vita mors sociata viget.

## DELPHIN PVERVM DORSO VEHENS.

**S**VBDITVR infanti sinuosa per aquora Delphin;  
Frena puer ducit, marmora piscis arat.  
Mutuus surget amor, facibusq; calefcere lympham  
Cogit amor, pelago qui dare iura potest.  
Virgo vehit Natum, Natus regit ipse vehentem;  
Mutuus alterno fœdere crescit amor.

Frigida



*Frigida iam poteris tellus ardescere flammis:  
Scilicet in medio viscere flamma natat.*

## SOL IN VIRGINE.

**D**VM subit auricoma sedem Sol Virginis aureus,  
Fecundum obliquo tramite signat iter.  
Hinc pubescentes flavescere cernis aristas,  
Pomaq<sup>ue</sup> Sidonio tincta rubere croco.  
Virginis in gremio sedem iam figit Olympi  
Arbiter, in fœdus quem sociavit amor.  
Fructus terra feres lacrymarum fertilis imbre,  
Dum calo pandis viscera, Sol Deus est.

## EPIGRAMMATA

## DE EODEM ARGVMENTO.

## I.

**F**OEDERA nectit amor, quis fœdera rumpat amoris?  
Fœdera vix poterit rumpere amoris amor.  
Sanciet hac olim quino de vulnere sanguis,  
Quem fundet duro in stipite fixus amor.  
Sanguine scribet amor, calamo scribentur amoris;  
Charta amor, atque erit in fœdera fœdus amor.  
O amor,

O amor, ad tantas nescit qui ardere fauillas,  
Frigidus ah dicat, Nescio quid sit amor.

## II.

**F**OEDERA nectit amor: quis fœdera nescit amoris?  
Fœdera quò discas, siste Viator iter.  
Terra hodie Calum, Mors Vita adnectitur; inde  
Mors discet semper vivere, Vita mori:  
Dumq; petit terras Christum comitatus Olympus,  
Iam Calum fuerit, quod fuit ante Solum.  
Vita vale, Calumq; vale: mihi Terra supersit,  
Ac Mors, si tantum Terraq; Morsq; potest.

## III.

**F**OEDERA nectit amor: tonitru qui nubila rauco  
Increpat, angusto clauditur orbe puer.  
Fulmina quis metuat? lymphas quis in astra minâtes?  
Dum parua Numen nube coarctat amor.  
Fulmina erunt oculi quondam, suspiria flamma;  
Vagitus tonitru, lacryma fusa fretum.  
Ista meam nauim tempestas mergat, in istâ  
Fortunata cadet naufraga puppis aquâ.

Y

IV. FOE-

## I V.

**F**OEDERA nectit amor: quondā qui lentus amabat,  
 Nunc amet, & casto in pectore crescat amor.  
 Crescat amor, pennāsque suas amor explicet ales,  
 Corda hominum pennis sidera ad alta vehens.  
 Ales amor posuit niueo sub pectore nidum,  
 Et cubat in niueo pectore pullus amor.  
 Claude sinus mea Virgo, ne tuus auolet ales;  
 Sed nequit ah sedes relinquere amoris amor.

## V.

**F**OEDERA nectit amor: leges quis scribat amori?  
 Lex amor est exlex, & sibi iura facit.  
 Hinc sine lege Deum nostras effudit in oras;  
 Illius inde Deus iura secutus, homo est.  
 Est sine lege Parens Virgo; quis legibus cūti  
 Audeat? ah semper lex sit amoris amor.  
 Tunc sine lege mihi liceat si occumbere, Olympi  
 Ostia, qua claudunt iura, recludet amor.

## V I.

**F**OEDERA nectit amor: thalamos conspergite amāti  
 Floribus; in casto pectore sponsus adest.  
 Sponsus

*Sponsus adest, Virgo thalamos instruxit odoros,  
 Dulcia deq; rosis mella recondit amor.  
 Forsan apes amor est; precor, ah mea pectora pungat,  
 Dum sua confixo in pectore mella locet.  
 Mella haurit Virgo, dum spicula sentit amoris;  
 Æta gemit telis, oblita melle canit.*

## VII.

**F**OEDERA nectit amor: cecum qui finxit amorem,  
 Cacus erat; mentes cordaque cernit amor.  
 Lynceus est amor, atque oculis sua tela coruscis  
 Implicat, in vulnus ingeniosus amor.  
 Virgineum cor vidit amor, visumque probavit,  
 Vulneraque impressit lumine mixta suo.  
 Splendor erit sanguis tali de vulnere: Virgo.  
 Frange sinum, ut melius sanguinolenta mices.

VIRTUS ALTISSIMI OBVMBRABIT TIBI.

## VIII.

**F**OEDERA nectit amor: tremulis superincubat alis  
 Matri amor, at calamo corda pudica ferit.  
 Umbram ala, dat penna faces; Virgo ignibus ardet,  
 Nam tepida alarum ventilat aura rogem.

Y 2

Aura

*Aura fouet flammās, sūspīria prouocat ignis;  
Alterum ab alterius robore robur habet.*

IN VNO OCVLORVM TVORVM,  
ET IN VNO CRINE COLLITVI.

## IX.

**F**OEDERA nectit amor: venator dura Tonanti,  
Dum cadit è calo, retia tendit amor;  
Et sua tela gerit: colli sunt retia crines,  
Tela oculi; his Virgo conspicienda micat.  
Retia si franget, dabit eminus illa sagittas;  
Spicula si temnet, retia tendet amor.  
Non fugit, mea Virgo, Deus; iam brachia vinculis  
Inferit, atque tuo vulnere pectus hiat.

## X.

**F**OEDERA nectit amor: puerum qui credit amorē,  
Fallitur, ante chaos sacula duxit amor;  
Pratinus & didicit certas vibrare sagittas:  
Sed pretiosa suo est ipse medela malo.  
Vulneribus permiscet opem: nam spicula flore  
Induit, ast Virgo vulnere puncta gemit.  
Virgo tace, flos vulnus erit; confixaque corda  
Veris opes, multo flore animata, dabunt.

CHRI-

## CHRISTVS D. THOMAM ALLOQVITVR.

**D**VM *spectas lacero quinas in corpore plagas,*  
*Perlegis, heu, sceleris scripta cruenta tui.*  
*Non satis est vidiſſe oculis? mea vulnera tange,*  
*Tanget duritiem perfida dextra tuam.*  
*Tange tamen, tactumque oculo comitare ſequaci,*  
*Eluat ut facinus dextra oculuſque ſimul.*  
*Inde bibet flammæ oculus, quibus actus in undas*  
*Effundet rigido corda ſoluta gelu:*  
*Inde adamæ cordis cedit; nam vulnera poſſunt*  
*Sanguine duritiem frangere perfidia.*

 DE BEATO IGNATIO LOYOLA  
 SOC. IESV FVNDATORE.

**S**IDERA *dum tacitis IGNATIVS ambit ocellis,*  
*Panè ſuos felix perdidit in lacrymis.*  
*Ingemuit calum extincta diſpendia lucis,*  
*Atque, Meos, inquit, iam tibi cedo oculos.*  
*Vera fides, ſpectas? oculata cadauera fulgent;*  
*Multaque pro gemino lumine ſtella micat.*  
*Si tam felici ſuccedunt fœnore merces;*  
*Vt cali inueniam ſidera, perdam oculos.*

T 3

DE

## DE EODEM.

**L**VMINE dum calum Pater inspectaret amanti,  
*Quis dabit, ah, dixit, sidera posse rapi?*  
 Patrem etiam calum inspexit, pariterque flagrauit;  
 Et, Rapiam te mox sidera ad alta, refert.  
 Astra Patrē rapiunt, rapit & Pater astra vicissim:  
 Disce vices; calum sic rapit, & rapitur.

## DE EODEM.

**F**REGERAT infensos armis IGNATIVS hostes,  
 Preſerat & duro membra proterua iugo;  
 Et Stygias etiam superarat Marte phalanges,  
 Reſtabant summo bella mouenda polo:  
 Audax bella mouet, vincit, calog, potitur,  
 A se non victum ne quid in orbe foret.  
 Protinus ad tumultum famulantia sidera mittit,  
 Et iubet excubijs inuigilare suis.

## CHRISTI FLETVS AD LAZARI TVMVLVM.

**L**ACRYMA quanta cadit? vitalis marmora roris  
 Semina concipiunt, non tumultanda sinu.  
 Cogitur in gemmas humor, fit concha sepulcrum;  
 His deplorati funera CHRISTVS emit:

*Ant*

*Aut etiam arentes vitali in stipite fibras  
 Lacryma fecundis vivere cogit aquis.  
 Sed tamen (heu vita præsagia mœsta caduca!)  
 Obruit ex oculis labilis unda iubar;  
 Nec purus sine labe nitet Sol CHRISTVS; in umbras  
 Desinet, exoritur qua sine Sole dies.  
 Saluete interea pretiosa fluenta salutis,  
 Qua vel sanguineis præfero fluminibus:  
 Illa etenim CHRISTI lacero de corpore manant;  
 Sed tamen expressit vos amor, illa dolor.*

## S I M E O N.

**A**EGRA senex vix mœbra trahit iam debita morti,  
 Et vitam Infantem, pondera cara, gerit:  
 Inde vocat Mortem reditus. scilicet illa  
 Non satis in nostros sauit iniqua sinus?  
 Sponte volat; sed fortè senem iuuenescere cernens,  
 Ne Mors incipiat vivere, cauta timet.  
 Nam si iniussa senem fatali vulneret ictu,  
 In quo Vita sedet pectore, Mors quid aget?

## I O S V E.

**S**TRENVVS immanes IOSVE dum demetit hostes,  
 Nox umbris facinus claudere caca parat.  
 An



*An potiùs victorem oculis ut pluribus ather  
 Cerneret, umbriferos sollicitavit equos?  
 Umbrarum-ne suis Princeps tentoria pandit,  
 Lucis ut eludat subdolus arma timor?  
 Sol consiste tamen: seu te stupor illiget amens,  
 Et iubeat tanti cernere facta Ducis,  
 Lampada seu magis imperio suspendat Olympus,  
 Scena theatriali quò micet aucta face.  
 O felix ductor, cali cui militat ordo,  
 Submittitq; suum Sol famulare iubar.*

AD BEATISSIMAM VIRGINEM  
 EVCHARISTICON PARTHENIVM.



*VIVIMVS, ô Superi; bona dicite verba  
 Sodales,  
 Et date Parthenijs mascula tura  
 focis.  
 Vivimus, & facili Septembris vesci-  
 mur aurâ,  
 Ut mihi maturas explicet annus opes.  
 O blanda luces, ô tela beata dici,  
 O panè ex oculis Solis adempte nitor,  
 Nocturna*

Nocturna ô flamma mundi decora alta silentis,  
O calum, ô gruido prodiga terra sinu,  
O quidquid gremio circumfluuus halitus ambit,  
Et leuis undoso circinat orbe Thetis,  
O tecta, ô sancti domus intemerata Pudoris,  
O templa assiduâ sollicitata prece,  
Vos iterum aspiciunt mortis damnata tenebris  
Lumina, perpetuo panè sepulta situ?  
Saluete ô reducis solatia dulcia vita,  
Saluete ô vita pignora vera mea.  
Vos iterum amplector, præcordia cara, sodales,  
Et datur aspectu colloquioq; frui?  
O quoties, oculos premeret dum Parca natantes,  
Heu nimis in funus ambitiosa meum,  
Numquam vos posthac, dixi, mea lumina, amici,  
Alloquar, extremam flebilis ante diem?  
Vos ego iam moriens, primoque reprensus in auro  
Eminus, ah, cogor quarere, mente sequi?  
Roma meas quas claudis opes, quos claudis amores?  
Nec potes exuias claudere Roma meas.  
¶ saltem nostro exoricens in funere votum,  
Et mihi tam caros, Postume, pande sinus.  
Ille abÿt, dices, Vestri memor, ô memor illum  
Vestra uehat precibus sidera ad alta fides.

Z

Ultima

*Vltima si praeox invidit gaudia fatum,  
Vos tamen in medio sculpserrat ille sinus.  
Ite ubi ferali clauduntur corpora saxo,  
Depositumq; recens ditior urna fouet.  
Cor iacet, in medio spirabilis ardet imago;  
Vobiscum hanc avido, credite, corde bibit.  
Vestra est, ni meritis inimica modestia lumen  
Obdat, in hoc sese quisq; colore leget.  
Hac olim, dum fata meis inimica querelis  
Urgerent, Parcâ precipitante, diem.  
Vos tamen amplector lacrymis adpersus Amoris,  
Et noua nunc rursus tempora natus ago.  
Febris Orontea nec Paonis arte recessit,  
Mortali est maior tabida pestis ope.  
Dicite io Socij, pronis nam labilis astris  
Iussa Salus medicas attulit ipsa manus.  
Phœbe quaterdenos curru reuolutus in ortus  
Expulcras roscis astra minora genis,  
Ex quo concussas sensim depasta medullas  
Flamma, peregrino sparserat ora situ.  
Non secus Autumnus lacerans in funere frondes  
Inficit excussas populus alba comas.  
Nox oculus quoties segnem nictantibus orbem  
Cerneret, & tacitos duceret umbra choros,  
Mille*

*Mille truce[m] toties agitabant spectra quietem,  
 Fingebátque brevis somnia mille sopor.  
 Qua modo candebant rapido labefacta calore  
 Viscera, concepto diriguere gelu.  
 Sape salutantum media inter verba iacebam,  
 Plenus morte sinum, lumina, labra, genas.  
 Irrita quid vita facerent alimenta labanti?  
 Inuita horrebat iussa alimenta fames.  
 Quid memorem egesti metuenda fluenta cruoris,  
 Mixta quibus toties nescia vita fugit?  
 Tu tamen ante alios discerpens viscera morsu,  
 Bella moues utero sanguinolenta, dolor.  
 Tu gelidos sudore artus, praeordia flammis,  
 Rore oculos, vitam morte tyrannus alis.  
 Excoquor immitti furiarum agitabilis astu,  
 Et foueo immanes Aetna secunda faces.  
 Non sic Alcides dotali arsisse veneno  
 Fertur, ab Octao raptus in astra rogo;  
 Non sic fatali Meleagrum Althaea cremanuit  
 Stipite, digna soror, sed minus apta parens.  
 Sape vale, dixi, Sol auree, iam dolor extra  
 Corda animam stimulis imperiosus agit.  
 Mitius in paenam semper reparabile vultur  
 Dilacerat Titij, monstra gemenda, iecur.*

Z 2

Mitius

*Mitiùs Actæon, visa vindicta Diana,  
Membra dedit canibus dilanianda suis.  
Mitiùs Absyrtus violenta prada sororis,  
Multiplici patrios funere sparsit agros.  
Mitiùs indomitis euantem sensit Agæuen  
Pentheus in propriam pallidus ire necem.  
Quid moror? in tenues paulatim euanida ventos  
Ibat, inextincto vita cremata rogo.  
Iamq; ex igne cinis morienti obduxerat ora,  
Parca recidendas strinxerat atra comas.  
Tu luctantem animam monitis solatus amicis,  
Pectoris, Antoni, vulnera ceca foves;  
O sanctum caput hoc seris Deus asserat astris,  
Et trahat ô felix stamina longa colus.  
Difficiles, tu care, obitus, tractumque doloris  
Assiduâ mulces fratris amantis ope.  
Ecce autem (ô iterum bona dicite verba sodales,  
Et date Parthenijs mascula tura focis,  
Irrita nec tacitis suspendite vota libellis,  
Sidera sed pleno sollicitate sono)  
Ecce autem ingrediens purâ cum veste sacerdos  
Integrat occiduum, Matre volente, diem.  
Zona fuit magna gestamen Matris, ad undas  
Cum fugit, ô numquam cognite Nile, tuas;  
Dura*

*Dura Palastini metuens cùm sceptrâ tyranni,  
 Semper & illotam sanguinis undâ animam,  
 Bethlemio plorantem antro sub imagine Nati  
 Transtulit infantem lata per arua Deum.  
 Colla per inserpit Matris; tracta inde fluente  
 Explicat obliquum Zona ministra sinum.  
 Hac onus inuehitur pretiosum. ito orbita cali,  
 Qua regis errantis annua Solis iter:  
 Maternâ exceptus Zonâ videt arua Siones  
 Sol melior, Memphis busta operosa videt:  
 Nec terit Herculeis sudata laboribus astra;  
 Aut qua flagitiij præmia in axe micant.  
 Monstra triumphata scelus immortale Nouerca,  
 Impurâque Iouis sidera fixa manu,  
 Ite procul, pretiosa odia, speciosa pericla;  
 Aeterna aternis ô monumenta probris.  
 Iunonem in monstros domuit Priuignus; at illa  
 Monstra dedit stellis, ut sibi monstra daret.  
 Scilicet Alcidis descripsit sidere facta,  
 Qua legat in cali sculpta adamante Nepos.  
 Nescia Priuigno, tacitis clamantibus astris,  
 Quis credat? Inno sedula fama fuit.  
 Astra nitent victa inficianda trophæa Nouerca,  
 Quasitumq; gemit dedecus ipsa suum.*

*Quòd si stellarum scintillat amoribus aurum,  
Iuppiter incestas traxit in astra faces:  
Hinc mare per frendens Arctos regit altera Graias,  
Altera Sidonias, utraque sicca, rates.  
Hinc Cignus gemit, hinc Superos exterret Orion,  
Hinc Aquila immani remige celsa volat.  
Europam hinc tergo pavitantē, & multa gementem  
Ut raperet, Tyrias Taurus aravit aquas.  
Tot calum monstros onerare haud profuit; ipsi,  
Fama si qua fides, monstra fuisse Dei.  
Ite procul, pretiosa odia, speciosa pericla,  
Aeterna aterais ò monumenta probris.  
Virginis in signo zonā obliquante, Canopum  
Sol meus, & Meroës lumine lustrat agros.  
Huius in aduentu numen confessus Osiris  
Corruit, & iacuit labilis Isis humi.  
Zona & in aduentu fugitiua reuertit in artus  
Vita, redorditur stammina fracta colus.  
O noctem auratā meliorem luce, Parentis  
Cum Magna imperio reddita vita mihi est!  
Protinus exangues rabiem posuere dolores,  
Quasuit facilis iussa alimenta famēs.  
Qui fibras torret lentas deferbuit aësus,  
Quoq; rigent, abiit, viscera adacta, gelu.*


*Exul*

*Exul & emeritos rursus permulsi ocellos,  
 Nec peperit dubius somnia vana sopor.  
 Sancta Parens tibi cura fui, tu scilicet annos  
 Jam propè dilapsos in mea iura trahis.  
 O amor, ô pietas! terra audiat, audiat aether,  
 Et Sol ardentem sistat in orbe rotas.  
 Has ego reliquias aui labentis ad aras  
 Suspendo, ô vita prodiga Virgo, tuas.*

MAFFEII BARBERINI

S. R. E. CARD. ET BONONIAE LEGATI

O D E.


*EPVLTVS altâ criminis caligine,  
 Saisq; vinctus nexibus,  
 Non sub latebris lapidis alter Lazarus  
 Claudor, sed hac circumferor  
 Defunctus infansâ sub urnâ corporis.  
 Iam lingua nullos ederet  
 Sonos, carerent aridi motu pedes,  
 Tristésque pallerent genae,  
 Humi iacerem, nec viderent lumina  
 Nitentis aëris iubar,*

*Sed*



*Sed ne caducum Vita corpus deserat,*

*Vicem perempti spiritus*

CHRISTI *benigna supplet indulgentia,*

*Lutóque reddit illito*

*Oculis suam lucem. Quid ah, quid intuo*

*Miser? tenent me compedes,*

*Laterúmque versant sordidum manus opus;*

*Et qua fouet me blandiens*

*Placido sinu voluptas, vera Dalida,*

*Stringit minacem forcipem.*

*Formidolosis in caavernis saltuum*

*Cubile tellus exhibet,*

*Solumq, glandes se mihi dant pabulum;*

*Famis voratus dentibus*

*Perire cogor inter immundas sues.*

*Supplex reuertar ad Patrem:*

*Culpam fatebor; & profusis lacrymis,*

*Vt cacus ille vitreis*

*Siloës aquis se diluit, cor diluam,*

*Quod noxa fædat sordibus.*

*Sed heu catena nexibus mihi pedes*

*Arctans abire me vetat.*

*Hac dira vincla tu Deus clementia*

*Solus potes dissolvere,*

*Meamq,*

*Meamq̃ solus tu potis es Aegyptio*  
*Leuare cervicem iugo.*  
*Non ego tibi. Mosē, tuam sed gratiam*  
*Ducem regressus flagito.*  
*Huius per atras noctis umbras luceat*  
*Ignis, viamq̃ dirigat,*  
*Tutamq̃ plantis virga pandat orbitam*  
*Rubri per undas aquoris;*  
*Et insequentium cohortes hostium,*  
*Equos, & axes obruat;*  
*Sic ipse liberum metu sequens iter,*  
*Vtinam serenum conspicer*  
*Parentis aspectum; ad pedes nam procidam,*  
*Gemensq̃ coram proloquar:*  
*Reuertor ad te poenitens, per iniurias*  
*Abduxit errantem vias*  
*Me culpa: peccavi talentis traditis*  
*Abusus, ad te poenitens*  
*Reuertor: ah te, qui tui sunt muneris,*  
*Hic fletus, hic meus dolor,*  
*Placent: & ò benigne da Pater, mihi*  
*Tuas ut ades incolam,*  
*Tibiq̃ vinctus charitatis annulo*  
*Non amplius te deseram:*

Aa

Hoc

*Hoc una qua colore splendet carulo  
 Præstare vestis est potius  
 Hanc nullus usus, nulla deterit dies,  
 Fur nullus aufert hanc mihi.  
 Si largiare, corde dicam gestiens:  
 Corusca sordet purpura.*

## AVGVSTINI MASCARDI

## AD ODAM RESPONSIO.



*ORUSCA sordet purpura, & meritis  
 pares,  
 MAFFEIE, non vibrat faces,  
 Dum clarius virtutis effulget iubar,  
 Et purpurascit pulchrius  
 Mentis serena lumen, afflatu Dei;  
 Et dum caducis gemmulis  
 Opulentat ora riuus ex oculis grauis,  
 Animi rigescit ditiùs  
 Chlamys, renidens rore gemmato satis,  
 Nec barbarorum textiles  
 Cupit labores diues, aut Phrygiæ manus.  
 O te beatam, cui toga*

*iubar*

*Iubar Latina lumine augeſcit ſacro,  
 Quod ſolis è ſancti rotâ  
 Cupidus, volucris regia exemplum ſequens,  
 Oculis quietis obibis,  
 Et in reſſu cordis arcano locus  
 Vitalis auram luminis.  
 Ergo quid urnâ corporis clauſum putes  
 Anima cadaver frigida?  
 Perire virtus neſcit; & cuius ſinum  
 Fax Numinis vitâ replet,  
 Non vulnerabit mortis inimica furor,  
 Nec obſoleſcet tempore.  
 Quò quiſq; mortem pauidus exhorret magis,  
 Morti pauendus eſt magis.  
 Animam ſepultam corporis tumulto quidem  
 Non abnuo, PRINCEPS, tuam:  
 Verùm ut ſepultos terra theſauros premit,  
 Cuſtos auara, ſed. vigil;  
 Manibuſq; tactum, lumini aſpectum negat,  
 Menti recludit at ſinum;  
 Sic circinatus corporis breui ambitu  
 Spiritus in alto delitet,  
 Virtute corpus animat effigiem ſui,  
 Lucem perofus impiam.*

Aa 2

Oſi

O si liceret spiritus speciem tui,  
Et mentis athereum decus  
Spectare, PRINCEPS, raperet inuitos quoq;  
Vis intuentes aurea  
Anima latentis, indoles, species, lepor,  
Honor, venustas, dignitas:  
Nam pollicetur blanda maiestas foris,  
Quod ima claudunt pectora;  
Celsumq; corpus sapè simulacrum est probum  
Excelsioris ingeni:  
Et quod canoram verberans plectro chelym,  
Quod purpura praestas face,  
Prestaret hoc, MAFFEIE, numerosum decus  
Et Numen augustum tua  
Mentis, sepulcro corporis quam tu obrutam  
Reris, situq; squalidam;  
Cui comparata lumen imperij sacri  
Corusca sordet purpura.

DE

DE ALOYSIO ALBRICIO PLACENTINO  
SOCIETATIS IESV,  
CONCIONATORE PRÆSTANTISSIMO.



*VOX tonitru, vita est fulgur; dum  
vixit, & orat,  
Cerno iubar, tonitru mens tre-  
mefacta labat.*

*Mox etiam vultum lacrymarum proluit imber,*

*Sic noua tempestas corda proterua quatit.*

*Hanc ciet eloquio increpitans ALOYSIVS oris:*

*Scilicet hoc etiam lingua diserta potest?*

*Tempestatem animi verbis sed temperat idem,*

*Et iubet in portu leniter ire ratem.*

*Nescio quid cupiam; tempestas excita pectus*

*Commouet, at portus mollior unda fouet.*

*Vtraq; tempestas portum docet, illa repostum*

*Quarere, tranquillos hac retinere sinus.*

*Perge anime, & quodcumq; libet complectere: portum,*

*Sauiat unda, petis; videat aura, tenes.*

## M E T A N O E A.



*R*VPIS antra *Musa* prome, rupis an-  
tra squalida,  
Sed profusis *MAGDALENÆ* iam  
beata lacrymis;

*MAGDALENA* siluicaltrix imbre malas irrigat:  
*Silua* denso tuta crine tela solis negligit,  
*Regna* noctis umbra caco continet silentio,  
*Nec* volantum dulce lucos carmen umquam per-  
sonat.

*Si* trementes excitavit ore ventus aspero  
*Arbores*, & marmurantes concitavit ramulos,  
*Tunc* gementis, tunc frementis murmur auras in-  
crepat.

*Terra* linet, aura torpet clausa silva carcere;  
*Flexuosus* inter umbras nullus amnis labitur,  
*Nullus* inter saxa praeceps lenè rivus perstrepat,  
*Nulla* fontium canora vena silicis emitat.  
*Savientis* ira ponti saxa fluctu vulnecat;  
*Tela* cautibus retusa marmoris remugiant;  
*Spuma* canet, aquor albet vi furoris pallidum,  
*Aestuosà* pandit ora vorticis profunditas,

Et

Et resorbet, & retorquet salsa ponti murmura.  
 Nunc sonanti comminantur bella venti turbine,  
 Classicoq; mugientes intra ponti praelio  
 Quisque poscit, & Tyrannus ardet esse marmoris:  
 Turbinatum torquet aquor hinc procerus Africus,  
 Atq; pontum emollientes crudus iras aggerat;  
 Hinc Trionum fœda proles, quâ rigescent aquora  
 Ac perenni Tethys artē colligatur frigore,  
 Regna poscit, efferato cuncta voluens impete.  
 Vnda sauis acta ventis turgida astris imminet,  
 Miscet aer, miscet aquor fluctuum discordiam;  
 Ast uterque fluctus antra MAGDALENÆ concutit.

Rapis antra Musa prome, rupis antra squalida,  
 Sed profusis MAGDALENÆ iam beata lacrymis.  
 Silva cingit, umbra vestit, horror ingens contegit  
 Antra, ponti sapè fœdis qua procellis vapulant;  
 Hic Tonantis acta tedis MAGDALENA, lacrymas  
 Fundit vuidis ocellis, cor amore saucia,  
 Nuda plantas, nuda suras, nuda pectus lacteum;  
 Crine tantum amicta fuso, qui tremente depluit  
 Imbre, per niues calentes, colla perq; eburnea,  
 Quis monile plectit aureum, quod sine arte fulgurat,  
 Inde tractu diffluente membra inaurat cetera.  
 Palla puro splendet auro, texta palla crinibus,  
 Atque



Atque talos ima mordet educata *Vertice*.  
 Ito muricis beato lana dives sanguine,  
 Ito purpuris renidens, dura gemmis Indicis,  
 Dadaleâ picta dextrâ docto in Ida culmine;  
 Inuoluta fulget auro MAGDALENA *Verticis*,  
 Exterâsq; non requirit nuda merces *Vestium*;  
 Palla crinis, gemma crinis, crinis & discriminat.  
 Sic Apollo dum marina deserit cubilia,  
 Tethyosq; strata linquit regna turbans siderum,  
 Mutuatâ non renidet luce Princeps luminum,  
 Proprio sed inuolutus auro dives emicat;  
 Fulgurante dives auro crinis, *Umbras* *Uulnerat*.  
 Antra complet lacrymosis MAGDALENA *questibus*,  
 In labantes sanat artus dura *Vindex* *criminum*,  
 Ferreoq; se lacepsit crebra *Vindex* *verberi*:  
 Inde saxis incubantes sternit artus *asperis*,  
 Purpurascunt saxa fuso MAGDALENÆ sanguine,  
 Et doloris icta telo sponte fracta decidunt.  
 Illa cantibus vel ipsis facta contumacior,  
 Membra ferreis catenis pernix interrogat:  
 MAGDALENÆ fortè cautes induerunt indolem,  
 MAGDALENA fortè corde saua cautes induit;  
 MAGDALENA corde cautes, nil moramur, induit.  
 Inde flamma abstrusa ferri quarit ictu semina,  
 Inde

*Inde sanguis in camino panè cordis igneus  
 (Vis amoris, vis doloris dat faces incendio)  
 Diffuentes per capillos blandè oberrat innocens,  
 Perq; eburna fons cruoris lenè serpit corpora,  
 Atq; fractos purpurâ artus MAGDALENÆ contegit,  
 Pingit & crinale crebris purus aurum gemmulis:  
 Gemma sanguis, crinis aurum, sertum utrumq;  
 gemmeum.*

*Quid comantis tela frontis, tela frontis aurea,  
 Et flagranti iactat ostro fulgurantem verticem,  
 Qua rosæta rorulenta luce pandit præniâ,  
 Atq; Phæbo florulentum sternit auro tramitem?  
 MAGDALENA ditiori purpurascit muricè,  
 MAGDALENA pulcriori fulget auro verticis;  
 Et caducis dum liquefcit tacta Sole lacrymis,  
 Horridaq; mæror ingens nube fontem contrahit,  
 Inter imbres, inter umbras, ridet fris discolor,  
 Et quietas pollicetur ore luces aquori  
 Concitato cordis, Euri iam cadente murmure.  
 Sic rubente picta rore prodit, auro nobilis,  
 Antra linquit inquieti solæ fletus conscia,  
 Littorales peruagatur acta flammis semitas;  
 Et ferocis ora Ponti sæpè tristis intuens,  
 Hac ad astra verba fundit: astra stant, & audiunt:*

Bb

O pro-

O procellis intumescens aquor, Austris subditum,  
 Quod tyrannus efferauit & rotavit spiritus,  
 Ut doloris signa nostri, mortis ut vestigia  
 In tuorum scripta cerno fluctuum certamine!  
 Cymba falsum amoris aquor iam vadani credula,  
 Et libidinum per undas caca fregi remigem.  
 Hinc voluptas, hinc iuventus, hinc amantium  
 gratia,

Virginale mentiuntur ore carmen lubrico,  
 Et soporant imperitam voce mentem perfidâ.  
 Mens vocato victa somno frena cymba describit,  
 Et Cupidini relinquit stulta clavum perditio:  
 Ille cecus frangit aquor, quâ furit minaciùs,  
 Nec pigratur in voraces ire fauces marmoris.  
 Somniosa fluctuantem tum per undas cymbulam  
 Non videbam, sed sepulta sub soporis pondere,  
 Ad sororem sponte somni nauigabam pallidam;  
 Sic utrumq; clausa lumen, mortis ibam in brachia.  
 Iam pudoris, quem vehibat cymba mecum, sarcinam  
 (Sed beatius lapillis pondus, auro ditius)  
 Iecit aquori vorandam, diruendam fluctibus,  
 Puppis arbiter Cupido, quò leuaret pondere  
 Haurientem, dum fatiscit, fata per compagines  
 Nauem, iniquâ funeratam turbinum discordiâ.

Allenata

*Allevata puppis errat flaminum ludibrium,  
Nunc in auras, nunc in umbras impotens impel-  
litur,*

*Nunc in orbem convoluta cernit undas Tartari,  
Donec astris qui colorat templa cali flammea,  
Quiq; floribus quotannis terram ocellat Dadalam,  
Quiq; pulveris lupatis ora frangit marmoris.  
Strauit undas contumaci mugientes impetu,  
Littus extulit pudoris purpuratum floribus,  
Igne cacas explicavit cordis umbras aureo.  
Pura salve lux amoris, navis astrum praviū,  
Qua corusco fulgurasti vincta CHRISTI è lumine:  
Tu recessus cordis atros expiasti sidere,  
Tu rigentes igne fibras & ligatas frigore  
Eliquasti, quò per ora salsus iret rivulus.  
Fluxit unda, sed liquescens cor sub undis decedit,  
Crimen ablucens pudendum fonte, plantas irrigans.  
Hac ut altis ingemiscens extulit suspirijs,  
Torua siluam, torua rupem contuens se verberat,  
Vnguibusque fœdat ora, pectus ungue vulnerat;  
Mox catenis insolescens dura plagas integrat.  
O beatam, sanitatem cui dederunt vulnera,  
Mæror escam, fletus undam, strata cautes aspera!  
Tu quid incubas scelestis pernix opprobrijs?*

Bb 2

Quid

*Quid voluptuosa Mortis quæris excors otia?  
Vita pænis exigenda, conterenda fletibus,  
Inquinata qua profanis obsoleuit sordibus.*

IEP HTE FILIA  
PER PROSOPOPOEIAM  
VIRGINITATEM SVAM  
IN SILVIS DEPLORAT.

Fragmentum.



UMBRÆ, pallentes umbra, silvæq;  
silentes,  
Et inga frondosæ panè sepulta comis,  
Accipite has lacrymas, misera & su-  
prema dolentis  
Munera, vicina munera danda neci.  
Audite has surda planta, surda antra, querelas,  
Saxaque funereis sollicitanda modis.  
Audite hos gemitus per opaca silentia montis  
Monstra, & remigium pendula libret avis.  
Audite immerita praludia tristia mortis,  
Viscera dum lacerat pravius ima dolor.

Et

Et licet immites, tamen, ah! miserescite cautes,  
 Augeat & lacrymas labilis unda meas.  
 Vestra etiam sociate meis suspiria frondes,  
 Discat inhumanos flebilis aura sonos.  
 Infelix virgo, nulliq; obnoxia culpa,  
 Expecto patrias in mea fata manus.  
 Infelix Virgo praeuerto funere funus,  
 Exequiasq; meas mortua viua gemo.  
 Ergo cadam patris icta manu? sed patris amantis  
 Icta manu, heu lacryma! victima caesa cadam:  
 Florida dumq; genas mihi flore iuuenta colorat,  
 Horrida funereis mors linet ora notis?  
 Mors quid agis? tua regna pete, atq; aliena relinque,  
 Sana quid innadis sceptrum negata manus?  
 Oris honos teneri, glomeratum verticis aurum,  
 Lux oculi, mala purpura, frontis ebur,  
 Aetatis sunt regna noua; hac vexilla iuuentus  
 Explicat, imperij signa decora sui.  
 In medio sedet illa sinu, ardentiq; cruoris  
 Forte calens, imo in corde proterua salit;  
 At tu signa locas sulcatis lurida malis,  
 Argentoq; caput impediante tumes.  
 Lumina sanguineo iam deficientia tabo,  
 Lumina sunt mortis apta cupidinibus.

*Te liuor comitatur iners, anniq<sup>3</sup> labantes,  
Et tremulo in baculum prona senecta gradu.  
Ergo quid in nostras baccharis inhos<sup>3</sup>pita sedes,  
Quid iuueni intentans fata pauenda tonas?  
Effuge quā lassos contundit anhelitus artus,  
Luctaturq<sup>3</sup> fugax frangere vincla animus.  
Effuge ubi exangues, & membra caduca trahentes,  
Mortem imperfectam, sed sine morte fouent;  
Aut ubi te votis miserorum turba fatigat,  
Qua vita à morte spem melioris alit.  
Quòd si audas inhias perfundere sanguine fauces,  
(Scilicet hoc gestit nectare saua sitis)  
Ah fuge terribiles ubi Mars excandet in iras,  
Semper & immanis suscitatur arma furor.  
Quot gladio ferit ille suo, tot sanguinis undas  
Elicit, & tepido subluit arua lacu.  
Sanguinis alter amans moritur, casusque sequaci  
Sternit ubi flumen sanguinis, ipse natat:  
Vulnere marmoreus, statuaq<sup>3</sup> similissimus alter,  
Sanguinis in gelido pectore fontem aperit.  
Hic bibe: conueniunt mortis sitis, & uada Martis;  
Alter ab alterius nomine nomen habet.  
Tu tamen ante oculos agitas mors improba falcem,  
Supremamque quatis sanguinolenta facem.*

*Virgi-*

*Virgineum properos designas pectus ad ictus,  
 Et pubescentem demetis ungue rosam.  
 Heu mihi! iam facies afflatu pallet iniquo,  
 Plurimâque in vultu iam Libitina sedet.*

\* \* \* \* \*  
 \* \* \* \* \*

MARIVS BETTINVS E SOC. IESV  
 AD AVGVST. MASCARDVM.

**N**VTRIET aternas circùm tua tempora lauros,  
 Qua tibi Pierio defluit unda ingo:  
 Vnda vel immites demulcens murmure cautes,  
 Phœbeam placido dum vehit omne lyram.  
 Qua modò vascenti ludit Maandrina riuo,  
 Grandior aratas ducet in arma rates.

AVGVSTINI MASCARDI  
 RESPONSIO.

**S**I me fatidicam, portenta loquacia, nauem  
 Vellet Castalio Cynthius ore loqui;  
 Grandior aquoreis hauriret carmen ab undis  
 Musa, ratis sacro docta futura sono.  
 Verùm Argo athercos stellata per aquora fluctus  
 Imbuit, astrifera debita pompa lyra.

Nostra



*Nostra ergo exoricens lacrymato exundet ab imbre.  
 Vena, vehens anima salsa per arua ratem.  
 Virgo iubar, cali Zephyros dabit aura secundos,  
 Et portum in CHRISTI pectore pandet amor.*

RELICTIS MVSARVM STVDIIS  
 THEOLOGIAM VOVET.

**A**BSCEDE Clio: iam Sapientia  
 Seueriori flamma cyclade  
 Castigat aures, & morantem  
 Sancto animum stimulo fatigat.  
 Non cui repexi crinis inambulat  
 Vndas vagantes Daphnis, & osculis  
 Adulat aurum flexuosus  
 Menti equitet Patareus Apollo.  
 Non qua magistrâ sollicitant ebur  
 Manu sorores, spicula dirigant  
 Facunda cordi; calcant arcum  
 Cor numeris fidium imperantem:  
 Non vena puro labilis alueo  
 Assueta Pindi gemmea culmina  
 Lactare, perfundat iocoso  
 Fonte, meas inamena fauces.

*Satis*

*Satis Iuuenta Cynthia arbiter  
Versauit annos imperio, satis  
Actatis agnato subegit  
Enthea cuius animum calore:*

*Satis canoris ebria nanijs  
Effeminatos imbibit impetus  
Mens, fabulosis implicata  
Pieridum laqueis canentum:*

*Satis dolosi naufragium bibi  
Perenne fontis, lustraq; flumine  
Jam quinq; lamentor loquaci  
Obruta, delicias Iuuenta.*

*O vita mendax, irremediabili  
Delusa lapsu temporis, impigro  
Decepta fatorum rotatu,  
Præda breuis, breuis hospes aui?*

*Sic sic sopore vincula adamantino,  
Excors Camænis, prohi scelus! incubas?*

*Nec prona cali promouantes  
In patriam meditaris arces?*

*Dum crispisulcis increpat ignibus  
Cognata calo templa Diespiter,  
Solutonabit? fulminanti  
Ipse sibi Deus, & theatrum?*

Cc

Discri-

*Discriminatus fride tempora,*  
*Origo lucis luce superbior,*  
     *Nube inuolutus purpurante*  
         *Solus aget radijs sepultus?*  
*Solum triformi, pectora, lumine*  
*Vnum irrigabit lumen, Amantium?*  
     *Verbúmque manabit beatum*  
         *Ingenij soboles paterni?*  
*Qui corda flammis Spiritus imbuit*  
*Alternæ Numen viscera vulnerans,*  
     *Et Patris & Nati vicissim*  
         *Perpetuum regerens amorem,*  
*Solus duello ludet amabili?*  
*Asurge tandem, pectora sospitet,*  
     *Fingátque mentem Numen; aude,*  
         *Sidereos penetra recessus.*  
*Asurgo, sanctum mutor in alitem:*  
*Tu Virgo cacum si expedias iter,*  
     *Regásque per nubes volatum,*  
         *Plectra, lyra, cithara, valete.*

# C E N S U R A

**P**OEMAT A hæc *Augustini Mascardi*, continentia *Silvarum libros quattuor*, vario cùm metri tum argumentorum genere adornatos, vti à lepôre & elegantia commendantur, ita etiam digna sunt quæ typis concepta ad posteros transmittantur. Datum Antuerp. in Seminario Episcopali, die x. Octob. Anni M. DC. XXI.

LAVRENTIUS BEYERLINCK  
*Canon. & Archipresb. Eccl. Cath.  
 Antuerp. librorumq; Censor.*

Cc 2

S V M.

## SVMMA PRIVILEGII.

**P**HILIPPVS Dei gratia Hispaniarum Rex Catholicus, &c. Potentissimus Belgarum Princeps, Diplomate suo sanxit; nequis *Augustini Mascardi Silvarum Libros quattuor*, præter Balthasaris Moreti Typographi Antuerpiensis voluntatem, intra sexennium imprimat, aut alibi terrarum impressos in has Inferioris Germaniæ ditiones importer, venalésve habeat. Qui secùs faxit, confiscatione librorum & alia graui poena mulctabitur: vti latiùs patet in literis datis Bruxellæ, XII. Ianuarij, M. DC. XXII.

Signat.

*De Witte.*

ANTVERPIÆ  
EX OFFICINA PLANTINIANA  
BALTHASARIS MORETI.  
M. DC. XXII..

